

二十四史九通政典類要合編

皇朝

第五冊

欽定四庫全書

PDG

二十四史九通政典類要合編卷三百九

皇朝十七

禮吉四

京師崇祀 直省專祀 諸臣祠 家廟

鄭志吉禮有封禪歷代所尚享司寒禁葦菱桃梗高祿祓禊諸門考封禪之儀古不經見所爲七十

二代者大約起於秦漢之際依托附會之言我 國家 重熙累洽 列聖相承 郊壇 嶽鎮之

祀典文該洽誠無事侈陳封禪也至歷代所尚之說五德相勝紛錯不一恭讀 御製題大金德運

圖說詩序云五德之運說本無稽商尙白周尙赤其見於經者其祇白牡駢剛之類各從其色至於

上衣下裳元纁相稱則三代同之而德運之說固未之前聞也自漢儒始言五德迭王遂推二皇五

帝各有所尙後更流爲讖緯抑又惑之甚矣夫一代之興皆由積德累仁豈在五行之生尅而服御

所尙自當以黃爲正餘非所宜元明制度尙黃不侈陳五德之王其義甚正本朝因之足破漢魏以

後之陋說煌煌 聖言所以折衷前古之疑者昭然如發矇矣至於司寒之享我 朝備藏冰開冰

之制而不列於專祀禁以禱旱則已見於雩祭禱水旱門無庸複述葦菱桃梗高祿祓禊之祀自唐

以後已不復舉行今謹將封禪以下諸門並行刪去鄭志又有諸禩祀一門載周之壽星秦之陳寶

漢之梁巫晉巫神君等祠皆多不經之祭我 朝釐定祀典正大光明凡臚於春秋祭祀者皆有功

於國有德於民保以饗祀惟宜惟稱謹依會典通禮所載考其由來述羣祀一篇

通志

京師崇祀五祀八

增附

我朝定制大祀中祀而外祇有羣祀皆溥利垂庥布五行而蔭兆庶及於民有

捍禦功者方冊所存

命祀咸秩謹依會典所列羣祀並據通禮所載別為羣祀考首列京師而直

省並祀者附焉專祀於直省者次之考其由來厥詳典禮大者不誣小者不遺周禮所謂以吉禮事

邦國之鬼神者於茲備矣

順治元年定祭 先醫之神之禮每年春冬祀 先醫於景惠殿在太醫院署內之左門曰咸濟左

右有更衣室正殿南向左右步廊東西廡廟南燎鑪一正殿門廡覆以甌瓦門楹丹雘梁棟五采正

殿內 太昊伏羲氏位居中 炎帝神農氏位居左 黃帝軒轅氏位居右南向 句芒 風后東

位西面 祝融 力牧西位東面東廡做貸季天岐伯伯高少師乙太雷公伊尹八淳于意王叔和皇

甫謚抱朴子葛洪王藥韋慈藏錢乙劉完素李杲皆西向西廡鬼臾區俞跗少俞桐君馬師皇神應王扁鵲

張機華陀巢元方真孫思邈啓元 王冰朱肱張元素朱彥修皆東向正殿以禮部尙書一人主祭兩

廡以太醫院堂官二人分獻先期由禮部題請遣官行禮今由太常寺 雍正十二年令太醫院御醫史目

等官咸齋戒陪祀以上通考先醫廡

順治元年定祀 關帝之禮建廟於 地安門外歲以五月十三日遣官致祭九年 敕封忠義神

武大帝

雍正三年 敕封關帝 曾祖為光昭公 祖為裕昌公 父為成忠公製造神牌安奉後殿於五

月致祭外增春秋二祭又以後裔之在洛陽者投爲五經博士世襲罔替 四年以關帝原籍山西解州後裔照洛陽世襲之例投爲五經博士七年定直省 關帝廟歲三祭皆用太牢十年令於湖北當陽縣增置五經博士以奉冢墓之祀以上通典

十一年 世宗憲皇帝御製後殿崇祀三代記文立碑建亭告成之日 今上皇帝以親王奉命致祭

乾隆二十五年易 關帝原諡爲神勇先是山東按察司沈廷芳奏言 關帝封號雖尊諡法未協請議更易以光典冊 詔是之乃以二字易原諡三十三年加封 關帝爲忠義神武靈佑關聖天帝以上通考

四十一年 論關帝在當時力扶炎漢志節懷然乃史書所諡並非嘉名陳壽於蜀漢有嫌所撰三國志多存私見遂不爲之論定豈得謂公從前 世祖章皇帝曾降諭 旨封爲忠義神武大帝以褒揚盛烈朕復於乾隆三十三年降旨加靈佑二字用示尊崇夫以神之義烈忠誠海內咸知敬祀而正史猶存舊諡隱寓譏評非所以傳信萬世也今當抄錄四庫全書不可相沿陋習所有志內關帝之諡應改爲忠義第本傳相沿已久民間所行必廣難於更易著交武英殿將此旨刊載傳末用垂久遠其官版及內府陳設書籍改刊此旨一體增入通典關帝廟

順治二年致祭 都城隍之神定歲祭之禮是年以八月二十七日遣太常寺堂官致祭行禮自後

歲以爲常廟在都城宣武門內南向廟門順德門聞威門凡三重左右有門前殿五間東西廡迴廊連檐通脊甬道西燎爐一後殿五間聞威門外東爲治牲所并亭門之左右爲鐘鼓樓周垣二百十有三丈雍正四年重修 御製記文立碑建亭於殿前之東 命親王致祭行禮 八年定 萬壽

聖節致祭之禮是歲禮部會議祀典請於 萬壽聖節仍照舊例遣官致祭 東嶽 眞武 城隍

之神祭之前期由太常寺題請遣官雍正三年令太常寺開列大臣職名請 旨欽照致祭通考

雍正四年建 禁城城隍神之廟九年建 皇城城隍廟之神一在禁城西北隅一在西安門內曰

永佑宮歲以萬壽聖節及季秋遣內務府總管各一人致祭如祭 都城隍廟之禮通典 城隍廟

順治八年定致祭 眞武 東嶽之神之禮每年恭遇 萬壽聖節遣官致祭 北極佑聖眞君於

顯佑宮在 地安門外日中坊橋東南向廟門內爲顯佑門正殿五間崇基石欄三出陞中九級東

西七級兩廡各五間左右碑亭二東南燎爐一後殿五間廟門內鐘鼓樓各一門外牌坊一凡正殿

門樓用黑綠琉璃餘均甌瓦門楹樑棟之飾如制凡致祭由禮部題請今由太常寺遣堂官一員行禮通典

順治八年定祭 東嶽之神之禮廟建於朝陽門外每年 萬壽聖節遣官致祭通典

每歲恭逢 萬壽聖節遣官致祭 東嶽泰山之神廟在朝陽門外南向康熙三十七年燬重建廟

門牌坊門各三間瞻岱門五間正殿七間兩廡各三間迴廊各三十六間連檐通脊左右 御碑亭

廟 眞武

各一燎鑪二後殿五間東西廡迴廊外三面環樓三十三間廟門內鐘鼓林具門外石梁三左右鐵獅子二前建琉璃坊東西辟坊凡殿宇門廡均覆綠琉璃門楹梁椽崇飾如式 御碑亭覆黃琉璃鐘鼓樓均用綠琉璃凡致祭遣官與眞武廟同

乾隆二十一年建 東嶽廟於玉泉山

御製碑文勒石

以上通考東嶽廟

順治初年定致祭 紅衣發貢之神之禮初定祀禮每歲以九月初一日致祭於盧溝橋北沙錫村由太常寺奏請遣八旗漢軍都統將事八旗各爲一壇按旗排設礮位陳設畢具承祭都統于鑲黃旗礮位前行禮七旗都統各于本位炮位前隨承祭官上香行禮皆補服副都統以下咸陪祀康熙三十五年 聖祖仁皇帝親征噶爾丹遣官致祭 火礮之神讀祝行禮如儀

先是二十九年三十二年皆遣官致祭各

礮火礮有神威將軍鐵心冲天子母各名是年又有新製銅礮龍礮鐵心銅礮皆分案致祭

三十六年凱旋遣祭如初雍正三年定每二年一次遣

官致祭乾隆十八年定凡致祭八旗各遣一人承祭各用太常寺贊禮郎二人引禮惟鑲黃旗礮位前設祝案贊禮郎通贊每旗增設酒棧二十尊一祝文內 皇帝遣某官某等書鑲黃旗都統名如有故則書次旗都統名由太常寺臨時開列具奏又定火器營祭八旗 子母礮神每年請 旨舉行祭日共設一案以火器營總統一人承祭以下官員皆陪祭補服行禮祭品禮儀與漢祭礮同三十年定致祭 礮神用祝版并製祭器太常寺奏言向例祝文用紙祭器臨時備用請照火神龍神之例改用祝版其祭器交八旗漢軍統都并滿洲火器營敬謹製造以重祀典從之

通考礮神

順治十六年以織造局設機致祭 司機之神遣禮部堂官一應禮儀均與祭 司工之神同謹按

順治中所祭有司鑿之神製造庫之神又舉司牲神祀典今太常寺犧牲犧牲之神是亦祀之一端

可以附識若西山大小青龍之神康熙年中祈雨嘗祀之今則不列典矣通考 機神

順治初年定制致祭 后土之神 司工之神凡太興作諷吉遣官各一人將事豫日工部官於營

建所在因其方設左右二壇祭日承祭官朝服行禮儀節與 都城隍廟同凡 咸京各直省有奉

旨興修工作之處亦先期照例致祭通志 后土 司工

順治初年定制凡大工迎吻致祭 琉璃窰神並經由一路 門神各遣官一人將事豫日工部官

設壇於琉璃窰及迎吻所經之各門祭日承祭官朝服將事與祭 司工神儀同祭畢導迎樂作樂

儀衛校昇吻禮部太常寺官前導承祭官從所經諸門承祭官迎於門前及工所管工官列班恭迎

以入安吻事竣各退通志 窰神 門神

康熙二年定致祭 司火之神之禮廟在日中坊橋西正門東向左右各一門門前巨坊曰離德昭

明正殿南向有西廡南殿旁有左右殿東西廡設鐘燎一後閣五間有東西閣又後羣樓十有五間

廟門內有鐘鼓樓門樓覆黃綠琉璃殿覆綠琉璃餘飾如式歲以六月二十三日由太常寺奏請遣

本寺堂官行禮嗣後奉 旨遣大臣行禮雍正八年定祭禮牲用太牢通考 火神廟

康熙二十年以 都城西北三十餘里金山之麓舊有黑龍潭禱雨輒應重建祠宇 聖祖仁皇帝

御製碑文勒石通典

雍正二年 世宗憲皇帝親詣致禱澍雨立應重修工竣 御製碑文 親灑宸翰勒石廟庭其廟

正殿東向崇臺朱闌左設燎爐前爲廟門繚以朱垣 御碑亭在門之外又前爲牌坊東北爲龍潭

水從山峽流出繞潭迴廊三十三間其南小潭一外爲大門自殿至門磴導五層 御碑亭正殿廟

門牌坊均覆以黃琉璃條皆甃瓦門楹丹雘梁棟五采神厨治牲所在廟外之右考通

乾隆五年三月 皇上親詣禱雨五月 諭黑龍潭龍神福國佑民靈顯素著每遇京師愆期祈禱

必應是明神功德實能膏潤田疇順成年穀爲萬姓之所仰賴昔年 皇祖式廓廟貌建立豐碑

皇考又復易以黃瓦用昭敬禮今應加封號以示尊崇著大學士會同該部定議具奏尋大學士等

議奏得 旨封爲 昭靈沛澤龍王之神每歲春秋致祭二十五年二月 諭啟祭 黑龍潭龍神

遣內務府 圓明園大臣行禮二十八年四月 親詣 黑龍潭祈雨得雨報謝如初禮自後偶遇

微旱均 親詣祈雨甘澍立應通典 黑龍潭龍神

乾隆九年封 玉泉山龍神爲惠濟慈佑龍神遣官致祭是歲奉 諭旨加封號廟在京西玉泉山

之麓正殿東向覆以綠琉璃門楹丹雘棟梁金碧殿階上下左右 御書碑各二殿前燎爐一十六

年奉 諭旨京師玉泉靈源濟發爲德水之樞紐畿甸眾流環匯皆從此灑注朕歷品名泉實爲天

下第一其澤流潤廣惠濟者博而遠矣上有龍神祠已命所司鳩工崇飾宜列之祀典其品式一視



黑龍潭該部具議以閩尋議奏謹按玉泉出西山東流環注京師抵通州合白潞以達于海靈源潄發流澤布惠利賴於畿輔實多允宜列之祀典俟廟工完竣照例遣禮部堂官一人往祭并請 敕

賜鴻文勒石祠左以照神功從之二十五年 諭歲祭 玉泉山龍神改遣內務府圓明園大臣行

禮通考玉泉山龍神

雍正七年 敕封各倉司倉之神 國家漕運之制遠軼前代積貯盈溢分建各倉以貯之倉中或

舊有神祠未列祀典司事者以請下禮部議通州三倉惟西倉舊有倉神祠在京城內七倉惟右翼

與平倉舊有大倉神祠俱應重加修葺左翼擇於海運倉城外五倉擇於新建之儲濟倉各建廟宇

設 司倉神位每歲春秋致祭 敕封加號封通州倉為 均調顯佑司倉之神左翼倉為 豐儲

裕餉司倉之神右翼倉為 佑農廣惠司倉之神新建二倉為 擬禱阜眾司倉之神各 賜御書

匾額載入祀典通志倉神

### 右京師崇祀

順治三年 敕封顯佑通濟之神謹按會典載神謝姓名緒浙人行四讀書金龍山明景泰間建廟

沙灣蓋崇祀已久至是加封廟祀宿遷從河臣請也其後 南巡恆遣官致祭是年加 運河龍神

封號定致祭禮時從河臣請下禮部議封 運河龍神為延麻顯應分水龍王之神令河道總督以

時致祭通考

康熙八年封浙江 清溪神爲保濟顯佑侯神姓戴名繼元宋時以拯溺沒於溪中屢著靈異元代

封顯佑侯總督李衛疏言清溪地方屢有水患賴神捍禦且有護衛漕艘之功請加封號奉 旨加

封春秋廟祀於德清縣是年封故廣東海安營水師副將江起龍爲英佑驍騎將軍立廟徐聞海口

春秋致祭將軍在官以公事沒于海頗著靈異保護商民有功守臣以爲言故封 海陽山神爲安

流襄績海陽山神歲以季秋九日致祭十二年加封江西鄱陽湖 顯佑安瀾之神春秋致祭爲唐

忠臣張巡布政使李蘭奏言唐御史中丞張巡見危授命保障江淮江西居民廟祀最感捍禦鄱陽

一湖屢昭顯應請加封賜祭從之廟祀於饒州之浮梁縣以上通考

十九年六月以平定臺灣 封海神天妃爲護國庇民妙靈昭應宏仁普濟天妃遣官詣福建莆田

縣致祭通典

二十二年遣官致祭 雞公山神時以議政王大臣等奏大兵向駐永興城中與賊對壘仰荷 上

天眷佑靈神顯赫于雞公山眞武廟旁豎旗立隊一時官兵及賊眾無不共見於是我軍氣奮賊勢

遏阻其雞公山廟神應特致褒旌載之祀典以垂永久從之遣禮部司官齎香帛往祀有司春秋致

祭行禮

雍正二年封雲南各 鹽井神爲普潤龍王之神春秋致祭 三年封 清海水神爲靈顯清海之

之神先是大軍西征道經青海于塞外嚴寒之候湧泉濟軍督臣請加褒封凡之遣官致祭建立石

碑以滿漢蒙古三體字樣勒封號以垂永久

以上通考

四年河臣奏言明工部尚書宋禮開會通河用汶上老人白英策分水濟運事載史冊舊有廟祀請加封號乃封宋禮爲甯漕公白英爲永濟之神於汶上縣祠廟祭之五年九月四川撫臣疏稱都江堰口廟祀李二郎有功蜀地請加封號下禮部議言史記漢書載蜀守李冰鑿離堆穿三江功績可考灌縣志內有使其子二郎鑿山穿江之語元至順初曾加封號今應並崇祀典請封李冰爲敦澤興濟通佑王其子二郎爲承績廣惠顯英王廟祀灌縣從之八年加封浙江顯佑侯戴繼元爲保濟顯佑侯廟祀德清縣又封故廣東雷州府海安營水師副將姜起龍爲英佑驍騎將軍之神廟祀徐聞縣海口十二年以江西鄱陽湖舊祀唐代忠臣張巡封爲顯佑安瀾之神廟祀浮梁縣乾隆二年封天妃爲護國庇民妙靈昭應宏仁普濟福佑羣生天后三年四月以河臣疏言河神

靈應封河南人黃守才爲靈佑襄濟之神廟祀陳留縣

以上通典

四年加封江南彭靈衝漕之神時河臣張斌疏言清口張將軍廟神名祥宿遷入漕船商船虔禱響應請加封號列祀典允之八年加封廣西顯佑英濟廣福王之神時巡撫楊錫紱疏言神爲蜀漢裨將武當溺於溪中屢著靈異請加封號許之二年五十諭東西二淀爲畿輔匯萃清流之所邇年瀦蓄安恬節宣有藉近淀村莊有土泛溢無虞而菰蒲魚蟹之饒利賴於民生者更大茲者春巡郊甸循覽河堤風艇乘流祥飈助順充足徵神貺之昭宜建專祠用答靈佑著該督方觀承

下地與工特崇廟祀以示安神報功之典通考

四十七年三月以陳留河神舊封靈祐襄濟王屢著靈應奉旨於其子孫內賞給奉祀生一人世傳勿替又以順治年間總河朱之錫功著南豫二省沒爲河神屢著靈應封爲助順永甯侯令有

司照例致祭通典

### 右直省專祀

順治十四年 敕建忠節祠先是九年十一月湖廣辰常總兵官左都督徐勇與黔寇白文選戰敗死之至是 世祖章皇帝褒其忠節令建祀祠之

康熙二十一年 敕建雙忠祠時廣西巡撫郝浴請建祠祀殉難廣西巡撫馬雄鎮撫蠻滅寇將軍廣西巡撫傅宏烈從之 三十五年 敕建甯甯鎮總兵官吳萬福福州府知府王之儀邵武府知

府張端午江西建昌府知府高天爵建甯府同知喻三畏邵武府同知高舉侯官縣知縣劉嘉猷龍溪縣知縣李埴福州城守營千總廖有功等祠時禮部議覆福建巡撫卞永譽疏耿逆叛亂之時諸臣守節殉難請建公祠致祭應如所請從之 雍正元年九月 敕建八旗左右翼直省府州縣衛

忠義孝弟祠節孝祠是日 世宗憲皇帝諭旌表節義給銀建坊民間往往視爲具文未曾建立恐日久仍至泯沒不能使民間有所觀感著於學宮內建忠義孝弟祠一所立石碑一道於學宮近處購

買基址建節孝祠一所立大牌坊一座其石碑牌坊將先後忠孝節義之人悉標姓名於其上已故

者設牌位於祠中春秋祭祀用闡幽光以垂永久尋議准行令所在各建忠義孝弟祠一建節孝祠一歲春秋以守土官致祭 謹案舊制直省府州縣附儒學左右皆建有忠孝節孝名宦鄉賢四祠歲春秋丁祭禮畢教諭一人公服詣祠致祭於名宦祠鄉賢祠祭品及行禮儀節均如前其祭文則所在各異再按馬端臨所載祀先代帝王賢臣其餘孝婦烈女固以類及而書入我 朝節婦貞女著聞里巷比屋而有 列聖禮教之孚行實超前古我 皇上慎重名器既令直省督撫核實節孝之祀並 詔諭名宦鄉賢之難其人所爲維風化示觀型典至隆意至切矣

以上通考

二年 諭朕惟周禮有司勲之官凡有功者書名太常祭於大烝祭法曰以死勤事則祀之凡以崇德報功風勵忠節也我 太祖高皇帝肇造鴻圖 太宗文皇帝式廓區夏 世祖章皇帝奄有萬邦自創業以至定鼎將帥之臣致命立功者不少 聖祖仁皇帝臨御六十一年中間殲滅三逆永清朔漢以及平定西藏臺灣雖天戈所指如疾風振槁而師旅之臣捐軀馬革及守土之官見危授命所在多有邇者清海蕩平西域效順然自用兵以來將士奮勇前驅亦有沒於行陣者此皆盡忠報國之臣朕甚嘉之亦甚憫之當於京師建立祠廟春秋妥侑世世血食其偏裨士卒力戰敵愾舍生取義者亦附列左右用褒崇大節揚表芳徽俾遠近觀聽勃然生忠義之心於治道亦有裨益仍令翰林官纂其籍貫事蹟各爲立傳彙成一編垂諸永久九卿詹事科道悉心詳議具奏尋議覆凡文武諸臣臨陣捐軀守土授命及偏裨士卒赤心報國奮不顧身者令兵部查案行文八旗直省將

籍貫事蹟繕冊具奏交工部於京城內度地立祠製牌位恭請 欽定匾額文武諸臣牌位設正祠  
偏牌士卒牌設兩廡入祠日遣官祭每歲春秋二祭太常寺司其事仍令翰林院詳攷史冊立傳從  
之六年工政祠立崇文門內 欽定曰昭忠 御賜表獎忠勲匾額七年詔吉將議定王公大臣官  
員兵丁牌位入祠安設前室正中和碩敬謹莊親王尼堪英誠武勲王揚古利定南武壯王孔有德  
追贈忠勇王黃芳度武襄公巴爾堪五人東次龕贈太傅一等公安北將軍諡忠勇佟國綱等三十  
人西次龕續順公沈瑞等二十四人東又次龕前鋒統領騎都尉劉哈等十八人西又次龕福建提  
督段應舉等十八人東末龕贈左都督太子少保總兵官諡忠愍吳萬福等十八人西末龕贈雲騎  
尉護軍參領署護軍統領郭色等十七人後正室備禦尼馬禪等一百十五人左次龕贈雲騎尉護  
軍參領倭赫等七十八人右次龕一等輕車都尉季普哈達等八十人左又次龕參將劉衍等四十五  
人右又次龕二等輕車都尉莽儀祿等四十人東配樓贈雲騎尉七品官覺羅星德等七十四人左  
次龕贈雲騎尉護軍校德赫得等六十九人右次龕贈雲騎尉驍騎校花色等七十二人左又次  
龕贈雲騎尉護軍校艾塔等一百八十八人右又次龕贈雲騎尉五品官薩郭等一百十三人西配樓贈  
雲騎尉護軍校雅思哈等一百十九人左次龕護軍校胡紐等七十一人右次龕贈七品官護軍覺  
和托等九十四人左又次龕千總李龍等七十三人右又次龕典史贈主簿諸士英等一百一人東  
廡三等輕車都尉赫爾德等五十六人左次龕騎都尉贈雲騎尉汪騰高等七十七人右次龕騎都

尉吳魯禮等五十五人西廡守備劉澤久等五十六人左文龜雲騎尉贈騎都尉牛默瀆等六十九人耐祀兵丁分別東西房共一萬三百有七人八年諭國家効忠宣力之臣勳績懋著必膺崇報之典令其世享丞嘗雍正二年朕已敕建昭忠祠自開國以來致命立功盡忠報國之臣皆得春秋妥侑世世血食顧念古者大烝之祭凡法施于民以勞定國者皆得並列祀典永受明禋則我朝名臣良弼其經邦佐治繼繼昇平者皆祭法所必登朕欲爲之建立祠宇久矣卽如怡親王之精白一心忠誠體國勲在社稷澤被生民其功德隆盛又豈一切効忠宣力者之所可比論乎洪惟太祖

太宗創業垂統厥有一德佐命之良世祖撫綏萬邦實多奮庸熙載之彥迨我聖祖臨御六

十餘年其間良臣碩輔後先相望曩朕所深知者舉其一二如大學士公圖海公賴塔大學士張英尙書顧八代馬爾漢趙申喬河道總督靳輔齊蘇勒總督楊宗仁巡撫陳瓊等持躬正直奉職公忠或垂節鉞之勲或勵冰霜之節俯仰無愧爲朝野所共欽終始不渝無瑕疵之可指此等靖共爾位不愧古大臣之風者正不乏人旣樹羽儀於一世宜隆俎豆於千秋且使世世爲臣者感觀奮發知所慕效羣以臯夔稷契共相期待則明良喜起之盛朕於斯有厚望焉著於京城內選擇吉地特建廟宇命名賢良祠春秋以時展祀其應入祠之人著大學士會同該部察明本朝滿漢文武大臣才德著聞完名全節者詳慎開列具奏請旨將來繼起之臣亦並得沾被恩光永爲盛典是年遵旨議准以怡賢親王允祥大學士謚文襄圖海一等公謚襄毅賴塔大學士謚文端張英尙書謚文端

書馬爾漢尙書諡恭勤趙申喬河道總督諡文襄靳輔河道總督諡勤恪齊蘇勒總督諡清端楊宗

仁巡撫諡清端陳瓊入祀賢良祠

通典

雍正八年起乾隆五十年先後入祀王公大臣前殿和碩怡賢親王和碩超勇襄親王後祠贈大學

士諡文成榜式達海太子太師大學士一等子諡文肅范文程蒙古副都統一等輕車都尉諡襄壯褚

庫巴圖魯太子太傅大學士諡文毅肅完我太子太師諡文恪額色黑太子太保定西將軍內大臣一

等公諡靖康愛星阿太子太保內大臣一等男諡恪僖哈世屯贈太子太保定西將軍都統三等侯

諡敏壯李國翰贈太保四川陝西總督諡文毅孟喬芳四川陝西總督諡勤襄李國英太子太傅大

學士加封一等忠達公諡文襄圖海太子太保大學士兼禮部尙書諡文毅魏裔介太子太傅大學

士兼禮部尙書諡文靖王熙大學士兼吏部尙書諡文襄李之芳贈太子太保大學士兼吏部尙書

諡文清阿蘭奏贈太子太保大學士兼戶部尙書諡文貞張玉書大學士兼刑部尙書諡文端吳瑛

贈太子太保大學士兼禮部尙書諡文端張英贈太子太傅大學士兼吏部尙書諡文貞李光地太

子太保領侍衛內大臣一等公諡恭懿福善太子少師領侍衛內大臣一等公諡襄壯費揚古戶部

尙書議政大臣一等男諡敏果米思翰刑部尙書諡端恪姚文然刑部尙書諡敏果魏象樞工部尙

書兼詹事府詹事諡文正湯斌贈太師禮部尙書諡文端顧八代贈太子太傅議政大臣吏部尙書

諡恭勤馬爾漢贈太子太傅禮部尙書刑部右侍郎諡文恪勵杜納贈太子太保戶部尙書諡恭毅



趙申喬吏部尚書兼翰林院掌院學士諡文敬徐潮贈太傅太子少保尚書銜食俸諡文定徐元夢  
禮部尚書銜福建清巡撫諡端陳瑄贈太子太保河道總督諡文襄靳輔廂藍旂滿洲都統諡襄壯  
根特正白旗滿洲都統追封一等襄績公諡襄毅賴塔正藍旗漢軍都統諡桓偁馮國相贈太子少  
傅靖海侯福建水師提督諡襄壯施琅贈少師靖逆將軍一等侯甘肅提督諡襄壯張勇贈太子太  
保振武將軍甘肅提督諡襄武孫思克贈太子太保奮威將軍陝西提督諡忠勇王進寶鎮南將軍  
鑲白旗護軍統領諡襄壯莽依圖西安將軍諡恭靖佛尼勒勇略將軍雲南貴州總督一等子諡襄  
忠趙良棟贈太子太保江南江西總督諡清端傅胤塔贈太子太保江南江西總督諡清端于成龍  
太子太傅太學士兼吏部尚書諡文恭富甯安贈太傅大學士兼吏部尚書諡文端朱軾贈少保大  
學士兼吏部尚書諡文端張鵬翮太子太傅大學士兼吏部尚書諡文端田從典太子太傅大學士  
兼吏部尚書諡文恪高其位領侍衛內大臣二等公諡懋敬尹德鑲紅旗蒙古都統諡倍恪阿爾納  
贈太子太傅加禮部尚書銜諡文定楊名時贈少保湖廣總督諡清端楊宗仁太子太傅河道總督  
諡勤恪齊蘇勒太子少保直隸總督諡敏達李衛江蘇巡撫徐士林贈太傅大學士兼戶部尚書世  
襲二等伯諡文穆馬齊大學士兼禮部尚書諡文端伊桑阿贈太傅直隸總督諡恪勤那蘇圖贈一  
等伯都統諡襄烈傅清贈一等伯左都御史諡壯果拉布敦太子少保兩廣總督諡文肅陳大受  
福建巡撫諡敏惠潘世榮致仕大學士諡文端福敏將軍一等伯諡武烈和起太子太保兩廣總督

謚文勤鶴年太子少保閩浙總督謚莊恪喀爾吉善贈太子太師吏部尚書謚文端汪由敦大學士兼吏部尚書仍管陝甘總督事忠勤伯謚文襄黃廷桂贈太子太保戶部尚書謚勤恪元季亮贈太子太保大學士兼戶部尚書謚文恪蔣溥贈尚書四川總督謚勤肅鄂弼贈太保大學士謚文靖史貽直贈太保大學士兼吏部尚書謚文莊梁詩正贈太保大學士謚文端來保贈太保協辦大學士戶部尚書武毅謀勇公謚文襄兆惠太子太保戶部尚書果毅公謚襄壯阿里衮太保大學士一等忠勇公謚文忠傳恆太保大學士謚文端尹繼善太子太傅大學士謚文恭陳宏謀太子太保陝甘總督謚勤毅吳達善太子太傅大學士謚文定劉綸太傅大學士謚文正劉統勳太子太傅刑部尚書銜謚文端錢陳羣太子太保河南巡撫無疆恭惠何焯太子太傅大學士兩江總督謚文端高晉太子太保直隸總督謚清愨袁守侗太子太保大學士謚文肅英廉贈尚書銜廣東巡撫謚恭毅李湖九年 敕建忠勇祠時準爾噶賊人乘我西路軍營不備傾其醜類犯卡倫盜駝馬總兵樊廷率領將弁大敗賊眾副將徐宗仁守備劉貴才劉芳雨李國勳于總王大謨徐維新外委把總方正劉世勲等死之事聞 命該督撫動用正項錢糧於西安一帶建立忠勇祠將陣亡將士設造牌位送入祠內令地方官春秋致祭 十年敕建直省賢良祠時奉 諭我朝從前文武大臣持躬正直奉職公忠樹績建勲完名全節者朕已降旨於京師建賢良祠永遠展祀因思外任大臣鎮撫封疆宣猷布化忠勇効命威愛宜民其政績卓然可紀者若於身故後立賢良祠俾永膺祀典既足慰兵民靈

好之心亦足爲後來居官者之勸如近日將軍蔡良提督張起雲總兵大有魏肅國蘇皆素有賢聲  
勤勞王事而歿於官者尤宜在賢良之列著直省各於省會之地立祠其與祀之人追溯從前恐稽  
查未確或致濫膺卽從近年爲始向後有應請入祠者該督撫於一人具一本請旨不必彙奏以上  
通考  
是年奉 旨以將軍謚偉恪阿爾納都統馮國相大學士謚文肅范文程大學士謚文成榜式達海  
大學士謚文清阿爾泰大學士謚文襄李之芳大學士謚文端張鵬翮領侍衛內大臣一等公福善一等公  
謚文貞李光地大學士謚文泰富爾安大學士謚文端張鵬翮領侍衛內大臣一等公福善一等公  
謚襄壯費揚古尚書謚文恪勵杜訥尚書徐湖尚書謚端恪姚文然尚書謚敏果魏象樞尚書湯斌  
提督謚襄壯張勇提督謚忠勇王進寶提督謚襄武孫思克總督謚襄忠趙良棟總督謚清端于成  
龍總督謚清端傅臘塔大學士謚文毅甫完我大學士魏裔介都統謚敏壯李國翰提督謚襄壯施  
琅護軍統領奔依圖一等公謚靖康愛星阿將軍佛尼勒總督謚忠毅孟喬芳大學士謚文恪額色  
黑大學士謚文靖王熙總督謚襄勤李國英都統謚襄壯褚庫巴圖魯領侍衛內大臣二等公尹德  
均入賢良祠十一年賢良祠工竣祠立 地安門外之西 御賜崇忠念舊匾額禮部同工部太常  
寺堂官將王公大臣牌位入祠按文安設祭請遣官致祭得 旨賢良祠之王公大臣等著於本來  
各賜祭一壇又議令賢良祠諸臣入祠日後裔均齊集行禮春秋二季亦照例陪祀十二年奉 旨  
以大學士謚文端田從典大學士謚文恪高其位入祀

乾隆元年 諭昭忠祠崇祀忠節諸臣原屬酬勳之曠典其子孫內或有沒至衰替不克振其家聲

者情殊可憫著將崇祀昭忠祠各員之子孫除見在出仕者無庸具奏外其子孫內如並無出仕之

人而貧乏不給才尚有可用者各該旗簡選引見候旨以示朕崇獎忠勳之至意十三年 諭經略

大學士等奏稱署總兵任舉統攻昔領石城親身督戰奮往直前多所斬獲乘勝追殺致被搶傷兵

陣亡等語考之典禮以死勤事者祀之本朝特建昭忠祠用享疆場効命之臣任舉著入祠祀從又

禮部遵 旨議奏四川軍營三等侍衛丹泰奮勇攻擊殺死賊番三人失盡力戰槍傷陣亡應入祀

昭忠祠仍交翰林院立傳從之是年定八旗世爵官員有年久絕嗣將原立官之人入昭忠祠設立

牌位一體饗祀以昭勞績十四年 諭金川逆囚窮威乞命朕已網開三面允准納降現在振旅班

師但念自用兵以來已逾二載將弁兵丁有攻礮奪卡奮不顧身以致陣亡者深堪憫惻著四川總

督等詳察報明經略核定具奏交部從優議卹尋議覆陣亡傷亡官員兵丁等均入祀昭宗祠交翰

林院立傳從之十五年以駐藏都統加贈一等伯傅清左都御史加贈一等伯拉布敦入祀昭忠祠

十八年定昭忠祠前殿正龕內武襄公巴爾堪西第一龕內輔國公巴賽皆追封簡親王應改題封

號移巴爾堪位於英誠武勳王揚古利之上移巴賽位於定南武壯王孔有德之上前室左右各三

龕祀公侯以下至三品官向皆以爵秩尊卑爲序不論時代先後遂至淆雜無倫應將入祠大臣

官員自天命年以來按代序官同代同官則序年月再前室內見設神牌內有贈襲公侯伯子男世

官員自天命年以來按代序官同代同官則序年月再前室內見設神牌內有贈襲公侯伯子男世

爵而官兼尚書都統侍郎副都統者有任尚書都統等官而世爵不及五等者亦有贈襲世爵而別無兼銜者更有官爵本小以子孫貴顯追封加大者位次最難允協應照賢良祠按代序官之例公侯伯居首大學士內大臣次之尚書都統將軍總督一品子爵前鋒統領護軍統領侍郎巡撫副都統二品男爵三品京卿提督總兵官及武職加贈至正從一品等官皆依文序列於前室四品卿翰林院學士藩臬一等侍衛參領輕車都尉及武職二品之副將等官皆列後正室五品少卿二等侍衛道府佐領騎都尉及武職三品之參將遊擊等官皆列後左室講讀御史部員二等侍衛雲騎尉及武職四品之都司等官皆列後右室同知州通判驍騎等校及武職五品之守備等官皆列前東配室知縣筆帖式州同縣丞以下及武職六七品之子把總等官皆列前西配室以上均按時代官爵爲序庶位次秩然而忠義之靈益昭妥侑至祠內兵丁設位計前後廡共八處應將各龕皆以橫板隔別次第安設春秋配食可垂永久

以上通典

十九年 敕建盛京賢王祠是日 諭朕由吉林至盛京周覽山川刑勝敬稽 實錄所載仰見

列祖締造艱難維時宗室諸王克奮忠勤功成百戰開國遡運之勳彪炳簡冊深切景念思盛京爲龍興重地國初諸王功烈懋著如此並宜建祠以酬舊勳而示來許此地現有怡親王祠應將太廟配享之通達郡王武功郡王慧哲郡王宣獻郡王及禮烈親王饒餘親王鄭簡親王穎毅親王一并崇祀卽命曰賢王祠令所司春秋致祭應行典禮該部詳議以聞祠內碑文可移於正中鑄勒此

旨永昭我朝宗功元祀之鉅典

通考

二十年平定準噶爾以出師陣亡傷亡官員兵丁等入祀昭忠祠交翰林院立傳二十一年以死事義烈公班第剛烈伯鄂安入祀昭忠祠二十四年平定回部以出師陣亡傷亡官員兵丁等入祀昭忠祠交翰林院立傳三十二年以將軍公明瑞都統扎拉豐阿護軍統領觀音保總兵李全王玉廷副都統伊柱入祀昭忠祠

通典

二十三年救建旌勇祠時奉諭將軍公明瑞夙秉忠誠歷著勳績昨命統兵進剿緬匪明瑞身先士卒屢挫賊鋒乃以懸軍深入而額爾登額等有心逗留後援不繼因於猛腊地方保護諸軍身留殿後衝冒矢石以致受傷身殞已降旨加恩優卹並入祀昭忠祠以酬忠勳從前駐藏大臣傅清拉布登錫凶死事曾救建雙忠祠秩在祀典茲明瑞勤事捐軀義烈尤堪嘉尚著循前例於京師特建專祠舉行歲事其先後陣亡之都統扎拉豐阿護軍統領保音觀總兵李全王玉廷均予入祀用慰忠魂所有應錫祠名及建祠事宜各該衙門察例具奏尋議准建祠於地安門外之西錫名曰旌勇正室三間東西廡各三間正室內三龕中奉一等誠嘉毅勇公諡果烈明瑞左奉都統謚昭節札拉豐阿總兵李全右奉護軍統領觀音保總兵王玉廷歲以春秋仲月諏吉遣官致祭

三十四年命以總兵官德福入祀旌勇祠時隨大學士公傅恒擊賊於老官屯受傷陣亡昭例賞

卹

以上通考

右諸臣祠

杜典宗廟門有諸侯大夫士宗廟一條今以臣下家廟應退附吉禮之末我朝親王郡王皆令立家廟蓋卽古者諸侯立廟之禮至品官之家祭及士庶之寢薦載在大清通禮者亦卽古者大夫士庶家祭之禮謹稽定制具載於篇通典

親王世子郡王家廟立廟七間南嚮中五間爲堂左右二間隔以牆爲夾室後堂楣以北分五室中奉始封之王世世不祧高曾祖禰依世次爲二昭二穆昭東穆西親盡則祧由昭祧者藏主於東夾室升昭之二位於一室以二室奉升祔之主由穆祧者藏主於西夾室升祔亦如之庭練以垣南爲中門又南爲廟門左右各設側門庭東西廡各三間東藏遺衣冠西藏祭器樂器廟重簷丹楹采桷綠瓦紅聖壁階所三出陛各七級門繪五色花草出陛如之焚帛鑪在中門之內庭東南隅刲牲房在中門之外西嚮歲以四時仲月諷吉祭其始封祖及高曾祖禰五世仲春之祭並出祧主合食貝勒貝子宗室公家廟立廟五間南嚮中三間爲堂後楣以北分五室奉始封祖暨高曾祖禰兩旁爲夾室奉始封而下親盡祧主如前位廟及大門均綠瓦紅聖壁階五級廟不重楹門不備采餘如前制合食始祖專案專牲羊一豕一東夾室祧主暨二昭專案共牲羊一豕一西夾室祧主暨二穆亦如之時祭皆專案二昭同性二穆同性視親王簞豆各減二不用樂行禮皆一跪三叩餘儀與親王同時節則薦果盤四時羞饗四有事則告朔望則參果饗二庶羞饗二薦獻儀節均與親王同

以上  
通考

品官家祭立廟於居室之東一品至三品官廟五間中三間爲堂左右各一間隔以牆北爲夾室南爲房堂南檐三門房南檐各一門階五級庭東西廡各三間東藏遺衣物西藏祭器庭緣以垣南爲中門又南爲外門左右各設側門四品至七品官廟三間中爲堂左右爲夾室爲房階三級東西廡各一間餘制與三品以上同

世爵公侯伯子視一品男以上按品爲差等

八九品廟三間中廣左右狹階一級堂及垣皆

一門庭無廡以篋分藏遺衣物祭器陳於東西房餘與七品以上同

在籍進士舉人視七品拔歲副貢生視八品堂後楹

北設四室奉高曾祖禰四世皆昭左穆右妣以嫡配南向高祖以上親盡則祧遷室附廟均依昭穆之次東序西序爲耐位伯叔祖之成人無後者伯叔父之成人無後及其長殤

至十六歲至十九歲者兄弟成人

無後及其長殤中殤

十二歲至十五歲

者妻先歿子姓成人無後及其長殤中殤下殤

九歲至十一歲

者皆以版按行

年墨書男統於東女統於西東西向歲以春夏秋冬仲月擇吉致祭

通典

庶士家祭爲龕于寢堂之北以板別爲四室奉高曾祖禰皆以妣配位如前儀南嚮前設香案總一

服親男女成人無後者按行筆書紙位耐食男東女西相嚮事至則陳已事焚之立板歲以春夏

秋冬節日出主而薦黍盛二盤肉食果蔬之屬四器羹二飯二前期主人及與祭者咸致齋薦之前

夕主婦盛服治饌於房中厥明夙興主人吉服率子弟設香案于南然燭置祭文堂北設供案二昭

東穆西均以妣配位均南嚮設耐案于兩序下各一男東女西東西嚮主人以下盥奉木主設于案



設耐位于兩序案訖主人東階下立眾各依行輩東西序立主人詣香案前上香畢率在位者一跪  
三叩興主婦率諸婦出房中薦七箸醢醬跪叩如儀退子弟奉壹諸人詣神案以次斟酒薦就訖皆  
就案南跪叩興子弟薦耐位畢主人跪在位者皆跪祝進至香案之右讀祭文辭見官品祭禮減  
潔牲二字餘同訖  
興退主人以下叩興再獻主婦薦飯羹三獻主婦薦餅餌時蔬主人酌酒跪叩均如初儀畢主人率  
族姓一跪三叩興祝取祭文及耐食紙位焚于庭眾出主人納木主徹退日中而餽春一舉布席於  
堂東西北上陳椅棊匙箸如其人數傳祭食於燕器熱酒饌族姓至主人肅入序位以行輩年齒爲  
等旅揖卽席進酒饌酬酢如禮湯飯畢長者離席告退主人送于門外諸子弟皆隨以出徹僕人餽  
餘食皆盡月朔望日主人及家眾夙興盥洗啟寢室然燭詣香案前依行輩序立主人上香訖子弟  
奉茶主人獻茶復位率眾一跪三叩興徹茶闔室眾退若家有吉事主人盥洗然燭焚香以其事告  
行禮如朔望儀

庶人家祭爲匱于正寢之北奉高曾祖禰神位歲逢節序薦果蔬新物每案不過四器羹飯具其日  
夙興主婦治饌主人率子弟設案然鐙啟室奉神主于案上以昭穆序主人立於香案前家眾序立  
於主人下以行輩爲先後主人上香一跪三叩興主婦陳七箸醢醬羹飯果饅跪叩如儀主人酌  
酒進于各位前凡三次皆跪一叩興畢主人率眾一跪三叩興納主於室徹退日中眾餽神食歲一  
舉論行輩先後同行序齒列坐酒行飯已肅揖以退月朔望日供茶然香鐙行禮告事亦如之均其

庶士儀同以上通考

崇德元年定宗室封王者立家廟致祭

順治五年定宗室封王無嗣者於太廟後殿兩廡附祭有嗣者令其子孫立廟致祭又定莊親王

立一廟禮親王異親王謙郡王共立一廟肅親王立一廟饒餘郡王端重親王共立一廟顯親王顯

承郡王共立一廟豫郡王立一廟克勤郡王行禮郡王共立一廟以上通典

十年議定郡王以上祀追封祖父於家廟貝勒以下祀追封祖父於墳墓嗣又以諸王皆在京師

華墳墓近可隨事親詣致祭其京城內各立家廟令停止至雍正九年世宗憲皇帝篤念怡賢

親王體國忠貞特命立家廟致祭通考

右家廟

卷之五

五

六

七

八

九

十

十一

十二

十三

十四

二十四史九通政典類要合編卷三百十

皇朝十八

禮嘉一 元旦朝賀 冬至朝賀 聖節朝賀 皇太后三大節朝賀 皇后三大節朝賀

常朝 御門聽政 登極 巡幸 經筵 臨雍 附知飲酒

元旦者一歲之始冬至者一陽之始聖節者人君之始帝王所以蒞萬方臣子所以尊君上皆於是觀禮焉 本朝定為三大節元日典禮尤重今列為朝儀之首云

天命元年正月朔 太祖高皇帝御殿行慶賀禮 儀注恭載登極門 每年受朝不備書 始制朝儀 以上通考

天聰元年正月朔 太宗文皇帝率諸貝勒大臣拜 天畢 御殿受朝是日諸貝勒文武羣臣各

按旗序行三跪九叩頭禮國制每於除夕元旦陳樂舞設大宴是日以 太祖喪撤樂停宴崇德元

年定元旦慶進賀表箋奏樂又定元旦前三日至第九日止各官皆朝服 通志

順治元年正月朔 世祖章皇帝御殿受朝賀停筵宴免上表並年例進獻 令和碩禮親王代善

勿拜 二年十二月更定朝儀凡元旦慶賀 皇上先御武英殿內大臣兩翼護軍統領護軍參領

侍衛等內三院都察院大臣及禮部執事各官行禮畢 皇上御太和殿眾官跪迎及陞座諸王貝

子公等奉表於階上上行禮次兩翼滿洲蒙古漢軍各官次漢文武百官次朝鮮國進貢使臣次外國

諸王使臣次吐魯番回回哈密衛人及董蘇固爾地方喇嘛等行禮 通考

八年四月定元旦冬至禮儀 上詣 皇太后宮行禮畢還宮 御太和殿鳴鐘鼓作樂諸王文武

百官行慶賀禮九月頒慶賀表箋式於各藩王及督撫提鎮等衙門又定元旦長至及萬壽聖節  
爲三大節在外直省文武官均設香案朝服望闕行禮與京朝官同通典

康熙元年定王公百官班位親王世子郡王長子貝勒貝子入八分鎮國公輔國公在丹陛上序立不  
入八分公民公以下分爲六班其次各照職銜不論加級違者察處十六年重定百官班位九品共  
爲九班官有兼銜則從其銜之大者二十年設滿漢糾儀御史各二人侍立糾儀通志

雍正元年正月朔世宗憲皇帝詣壽皇殿行禮不陞殿受賀前期禮部等衙門議言帝王卽位

首重元正元者歲之始正者月之始也故曰春王正月所以紀卽位之始也雍正元年爲龍飛之

首歲皇上孝思罔極卽不陞殿受賀而羣臣進表之禮斷不可缺臣等請雍正元年元旦在京師

王百官恭進皇太后表文皇上表文仍照例呈覽交與內閣收貯將此表文式頒示朝鮮直隸

各省於雍正二年具奏冬至萬壽節雖不受賀其表文亦照例具奏交與內閣收貯則孝思已盡

而國典亦全矣從之通考

八年定各直省望闕朝賀設糾儀官省會以道員一人如無道員以府同知一人外府以同知一人

無同知則用通判州縣俱用教官一人監視禮儀如有越次失儀及遲誤不到者糾儀官揭報督撫

指名提參盛京以盛京禮部司官二人通志

乾隆元年正月朔皇上御太和殿中和韶樂設而不作諸王公文武各官朝鮮使臣進表行慶賀禮

表文不宣讀十二月 諭今歲元旦乃朕御極元年朝正大典禮制攸關且在 皇考大事百日之外是以勉從諸王大臣所請御殿受朝明年元旦尙在二十七月之內陞殿受賀朕心不忍不必陞

殿行禮

通典

八年重定 殿內 賜坐儀四品以下官停止 賜茶是歲奉 諭旨嗣後御殿及筵宴日殿內止

大臣賜坐侍衛等均著侍立不必賜坐賜茶時若侍衛輪流奉授不無舛錯遺漏嗣後授茶時著禮部前期取應坐之王公大臣數目每一人令侍衛一人授茶仍依次接回庶不致舛錯遺漏尋禮部議奏 御殿日餘文官二品武官二品以上照舊 賜茶其四品以下官惟 殿內之記注官丹墀

內之外國使臣 賜坐 賜茶其餘百官但 賜坐停止 賜茶從之十六年重定百官朝班禮部奏

准國家建官列品有正從次第秩然順治初文官階未置二品惟加師保及宮衛者充之每常朝尙書左都御史以一品居第一班侍郎內閣學士副都御史通政使大理寺卿以三品居一班祭酒通政副

使大理太常太僕少卿鴻臚卿以四品居三班其下五品居四班六品居五班位次率進本階一等此舊典所載朝班之位也雍正八年改大學士爲正一品尙書左都御史從一品侍郎內閣學士從

二品乾隆十五年又改侍郎爲正二品翰林院掌院學士爲從二品是今尙書左都御史之居一班侍郎學士之居二班適與本階相稱而副都御史以下班位仍舊實爲越次臣愚以爲官品旣已更

改則朝班亦當釐定嗣後恭遇 御殿日及每月常朝百官班次請皆依品序列正從一品爲一班

二品爲二班遞至九品分爲九班毋許越次至翰林詹事爲文學侍從之臣體統視庶僚爲優但舊典以五品列三班六七品列四班亦爲太過今擬少詹事侍讀學士侍講學士仍舊列三班庶子侍讀侍講洗馬國子監祭酒改列四班中允贊善司業修撰編修檢討庶吉士改列五班其京營武職朝班及外省提鎮等官遇事入朝者請照康熙二十二年所定直省行禮班位提督二班總兵官三班副將參將四班遊擊五班守備六班千總等官七班均附於右翼各班之末 十八年停止外省藩臬等官進表箋慶賀 論曰元旦長至萬壽三大節外省文官臬司以上武官副將以上例得隨進表箋稱賀朕思督撫提鎮封疆大吏事皆專達表賀爲宜藩司副將既不得專達章疏其由督撫附進表箋亦不必且不過由部送闕存貯並不呈覽此亦向來虛文陋習甚無取焉其概行停止

通考

二十四年禮部議准凡大朝之期百官仗外侍立各有品級班次從前未經標示一定地位嗣後遇陞殿日交鴻臚寺於儀仗之外照常朝坐班例設立紅漆木牌預先按次排班如有參差斷續錯綜者令糾儀官查參

通志

右元旦朝賀

崇德元年定長至進表慶賀不設宴

順治元年十一月以 南郊禮成 上御殿受諸王貝勒及文武羣臣朝賀八年定長至節於次日

御殿受賀如元日儀

康熙二年二月停止在外各衙門齋進冬至慶賀表文 諭禮部曰冬至慶賀典禮明洪武十四年方定例舉行其後隨令在外各衙門官齋進表文今思官員往返有誤職掌且驛遞繁苦以後在外各衙門官員除元旦聖壽節照舊齋進外冬至齋進慶賀表文著停止惟於本衙門行禮其在京慶賀表文典禮仍照舊行

以上通考

六年十一月冬至次日 御殿諸王大臣上表慶賀以 世祖章皇帝配 天禮成 頒詔大赦

雍正元年十一月冬至 御殿受朝賀以 聖祖仁皇帝配 天禮成 頒詔天下先是 諭大學士

等曰朕惟 聖祖仁皇帝大禮告成普天同慶朕陞殿頒布恩詔蓋以賀 列祖之鴻禱慰萬方之

誠懼也然朕思念 顧復深思中心哀慕今未滿三年不忍陞殿受賀著內閣九卿等詳察典禮酌

古準今務期於理允協庶朕心得安尋大學士等奏言謹按漢禮儀云冬至之日宗祀明堂有靈臺

大赦百官稱賀此冬至配天行慶之明文也自晉至唐宋皆隆其儀宋仁宗皇祐二年以大慶殿爲

明堂合祭天地三聖並侑大慶禮成百官齋表上賀其後仍之名曰慶成禮明會典載大祀禮成次

日御奉天殿受賀我 朝會典載冬至 南朝禮成次日 御殿百官進慶賀表臣等伏思先王制

禮原以節情鉅典攸宜古今不易懇祈 俯允禮臣所請以二十六日 御殿諸王羣臣上表行禮

頒 聖祖仁皇帝配 天恩詔誠於典禮符協得 旨諸臣酌古準今詳察典禮具奏朕今亦難固



却但朕中心實甚不安著允諸臣所請行

禮典

乾隆三年十一月冬至 御殿受朝賀 謹案是歲冬至次日係月十三日以值 聖祖忌辰改於

十四日行禮

冬至朝賀禮儀亞於元日蔡邕獨斷謂冬至陽氣起君道長故賀是也馬端臨朝儀一門具載歷代元旦冬至朝會儀注縱其間有僅一見者有不恆舉行者故特紀之以存一代之掌故焉我 國家典章明備每歲元旦冬至令節禮臣奏請 臨御正殿王公百官及外國陪臣以次行禮中外一家整齊嚴肅洵為往牒所未行固無庸循馬氏之例一一臚列也茲惟恭載制更定諸大端及祇奉諭旨遵行者以昭萬世之典則焉

二十四年十一月冬至次日 御殿受朝賀以回部平定 頒詔中外凡冬至朝賀與禮元日儀同

以上通志

右冬至朝賀

古者華封之祝見於陶唐天保之詩陳於周雅朱子云人臣受恩無可以報謝者但言使君壽考而已至於生辰受賀唐開元禮始有之元宗手詔報左丞相源乾曜等所謂朝野同歡是為美事者也宋志有紫宸殿上壽之文明制始與元日冬至並稱三大節我 朝定制 萬壽聖節進表慶賀王以下文武官俱朝服七日 列聖相承皆以深仁厚澤淪浹人心每遇 聖節薄海臣民羣抒祝嘏之忱蓋有不介以孚者 聖祖仁皇帝五旬六旬大慶及臨御之五十六十年諸臣合詞請上 尊

號皆謙而不居癸巳歲以六旬 萬壽 特頒恩詔遐邇均霑其詳載于 萬壽盛典一編 聖恩之渥自古所未有也 世宗憲皇帝五十聖壽禁止設立經壇 論督撫不得進獻玩好 皇上御極以來恭儉惟德謙尊而光凡恭遇 萬壽慶辰必先期傳 諭內外臣工毋得購覓珍奇輒有進獻禁止各省士民設經壇建碑亭之舉而且 特沛恩綸俾天下均霑樂利之休同登壽域尤仰見我 皇上敬 天法 祖德合無疆洵度越千古矣

崇德元年定 萬壽聖節進表朝賀與元日同 二年十月己未 萬壽節 上御篤恭殿內外和碩親王多羅郡王多羅貝勒固山貝子三順王及朝鮮質子文武各官上表稱賀進獻鞍馬黃金纓疋等物以上通考

四年十月 萬壽節 御殿受賀次日賜諸王貝勒文武諸臣大宴五年十月 萬壽節 頒詔大赦 上諭內院大臣曰今日乃朕誕辰內外諸王貝勒及文武羣臣莫不懼怖但小民及罪人等亦宜加恩令其同霑膏澤爾等可於朕未御殿時先宣讀赦書宣畢來奏宣讀畢復奏 上乃御崇政殿受王公百官朝賀如儀賜羣臣宴於禮部通志

順治八年四月定 萬壽聖節朝賀儀凡遇 萬壽節鹵簿大駕全設 上先詣 太廟行禮次詣 皇太后宮行禮畢陞太和殿鳴鐘鼓作樂諸王文武百官行慶祝禮直省文官知州以上武官守備以上各差官進慶祝表通考

康熙元年三月 萬壽聖節 聖祖仁皇帝諸王大臣詣 太皇太后 仁憲皇太后 慈和皇太

后宮行禮畢 御殿受朝賀自是恭遇 萬壽聖節皆詣 兩宮行禮如儀通典

四十二年三月癸丑 萬壽節停止朝賀筵宴是日 頒詔天下先是正月壬子諸王貝勒貝子公

文武諸臣奏今年三月十八日 皇上五旬大慶茲 聖駕巡閱南河臣等請於 駕發之前豫行

慶賀禮恭進鞍馬緞疋等物 上諭曰朕之誕辰爾等如此進獻在外督撫亦必效之朕必不受朕

素嗜文學爾等諸臣有以詩文獻者朕當留覽焉既大學士等及部院諸臣恭進慶祝 萬壽無疆

屏 上復却之於是大學士等及部院諸臣復以慶祝 萬壽屏文繕寫冊頁進呈奏曰臣等恭製

此屏皆敕陳我 皇上功德實事乞 賜留覽得 旨屏內所書之詞俱已載在冊頁朕留冊頁即

與留屏無異屆期 上詣 皇太后宮行禮停止朝賀通考

五十二年三月以 六旬萬壽受朝賀 頒詔天下是年直省官員紳士耆庶先期赴 闕分建綵

棚自西直門至 暢春園 相屬二十里禮部奏言每歲恭遇 萬壽聖節王以下文武各官朝服

七日在 暢春園蟒袍服今歲恭遇 萬壽六旬大慶非尋常可比應自三月初一日起至月終咸

朝服蟒袍補服嗣後每遇十年照此例行得 旨著自初一日至二十日屆期 上奉 皇太后御

盤陳大駕鹵簿由 暢春園回宮直隸各省官員士庶夾道跪迎耆老等進獻萬年壽鵬 上停輦慰

勞偏賜老人等壽桃及食品諸王文武大臣等並於誦經處跪迎 上齊谷俯視皆賜以食品遣官

祇告 天地 太廟 社稷 頒詔天下是日 上率諸王大臣詣 皇太后宮行禮畢 御殿

王以下文武各官及致仕給還官員行慶賀禮八旗兵丁直隸各省耆老士庶齊集 午門外叩祝

行禮 上回宮內大臣侍衛內閣翰林院禮部都察院詹事府等衙門侍直官員詣 乾清宮門行

禮是日 上奉 皇太后幸暢春園王以下滿漢文武官員直隸各省耆老士庶仍於各誦經處跪送

是月宴漢大臣官員士庶年九十以上者三十三人八十以上者五百三十八人七十以上者一千

八百二十三入六十五以上者一千八百四十六人於 暢春園正門內 皇子等出視食品宗室

子執爵授飲 上陞座命扶掖八十以上老人至 御前 親視飲酒越二日宴八旗大臣官員兵

丁閑散等年九十以上者七八十以上者一百九十二人七十以上者一千三百九十四人六十

五以上者一千十二人於 暢春園正門前如前儀翼日八旗滿洲蒙古漢軍老婦齊集 暢春園

皇太后宮前隨召九十以上者入宮門內八十以上者至丹墀下七十以上者集宮門外大臣妻年

老者亦皆召至宮門內賜坐 皇太后同 上親視頒賜茶果酒食品物其餘皆 皇子率宗室子

以次頒給並賜衣飾綵緞數珠銀兩有差准諸臣奏編纂 萬壽盛典六十年正月以 御極通志

六十年三月 萬壽聖節諸王公大臣百官合詞請上 尊號曰聖神文武欽明濬哲大孝弘仁體

元壽世至聖皇帝 聖祖仁皇帝謙讓不許並 命停止慶賀直省老民等詣京叩祝並進土產諸

物皆却之仍賞賚有差通典

二月 禮嘉 正月 禮嘉 五 約雅堂藏板

雍正元年十月 萬壽節停止朝賀筵宴令中外臣工毋得建立道場先是七月 諭諸王大臣及內外文武各官朕惟自古帝王撫御寰區治化隆盛中外臣民紀功述德頌禱情殷故天保之詩卷阿之什擬升恆於日月期純嘏之彌長祝釐之詞形諸歌詠者往往有之我 聖祖仁皇帝御極六十餘年至治神功參兩 天地深仁厚澤超邁百王薄海內外無不食德飲和淪肌浹髓臣工黎庶無以致其感激愛戴之誠故每於 萬壽聖節京師暨直省各建道場誦經祝壽總因 聖祖仁皇帝恩德及人者至久感人者至深諸臣於無可報答之中勉竭忱悃以普天同慶之心儆華封稱祝之意在諸臣亦藉以自盡其心耳今朕嗣位之初夙夜祇懼不敢少懈所以立政圖治者安能及 聖祖之萬一爾諸臣於朕誕日倘仍照從前建立道場則自此以後將成定例在京王公以下及部院等官未免從事靡文稽遲公事在外文武大吏亦恐科派屬員貽累地方且以有用之財供無益之費既非朕以勤儉勵有位之心又非朕以康阜期海內之意尙虛文而無裨實政朕甚無取焉特宣布中外於朕誕日毋得建立祝壽道場但冀內外諸臣各殫厥心勉襄化理勤修職業利濟蒼生以慰朕宵衣旰食之焦勞卽不啻天保卷阿之祝頌矣若不遵旨朕必加以處分不少寬貸

通考

慶祝 萬壽不許

通志

乾隆元年八月 萬壽聖節 皇上詣 雍和宮行禮畢還 宮詣 皇太后宮行禮停止慶賀

論諸臣曰朕前降旨三年之內不行慶賀禮今八月十二日為朕誕辰禮部循例題請已降旨停止行禮並令朝臣勿穿蟒袍補服所有外省慶賀本章俱著內閣發還五年八月萬壽聖節御殿受朝賀前期諭曰八月十三日為朕誕辰聞內外臣工以今年為三十萬壽之期欲行慶賀貢獻之禮朕甚不取今年春間外省督撫提臣中有請八月進京陛見者朕批諭止之蓋朕年甫及壯不言慶賀且朕所望於內外臣工者總在實心實政為國家宣猷效力不在稱觴祝嘏之儀文善即傳諭內外臣工等仍照常年之例行若有在常例之外者即俱著停止典

六年八年萬壽節恭遇上巡幸熱河上詣皇太后行宮行禮畢御行殿扈從諸王貝勒

貝子公及文武大臣官員暨外藩蒙古王以下各官行慶賀禮先是七月禮部奏旨八月十二日萬

壽聖節恭遇聖駕巡幸扈從王大臣官員應於行宮前行慶賀禮其班位王公大臣在網城內

三品以下官在網城外在京王公大臣官員於午門前行慶賀禮其筵宴應請停止從之嗣是每

歲巡幸熱河恭遇聖節慶賀之禮俱照此行惟每閱十年恭逢大慶始於京師行御殿受

賀禮通志

十五年八月癸未萬壽節御殿受朝賀是歲四月諭曰今年八月為朕四十壽辰閱督撫諸

臣奏摺有陳請來京慶祝者各省將軍督撫皆有封疆重任豈有概離職守來京慶祝之理一處陳

請他處從而效之若明知不能悉允所請而各繕本章往來批答徒成具文豈君臣間以至誠相孚

之誕耶當年 皇祖聖祖仁皇帝四十五十聖壽 皇考世宗憲皇帝五十聖壽俱未行慶賀禮

皇祖壽登六十始允臣民之請舉行慶賀今朕四十壽辰未屆應行祝嘏之時何必遽事紛紛陳奏  
著傳諭各省文武大臣不必具摺奏請來月 諭國家茂膺多福瑞社駢臻思與海內同茲嘉慶

在壬申辛巳兩遇 慶典再開 萬壽恩科今歲爲朕六十誕辰明年恭遇 皇太后八旬萬壽

仰惟 慈禧光被敷洽敷天允宜申錫無疆彙征叶吉用彰行慶作人之盛著於本年八月舉行恩

科鄉試來歲二月舉行會試俾多士忭舞觀光副朕錫類延 釐至意該部卽遵諭行六月 諭向

遇國家慶典衍聖公及五經博士俱有來京朝賀之例今思五經博士雖膺章服之榮究與各省紳

士無異且其品秩不崇非若衍聖公之身膺顯爵者可比伊等趨詣闕廷無由一體延見加恩徒令

其跋涉往來致滋糜費甚無謂也嗣後五經博士凡遇慶典俱在各本籍隨班行禮其來京朝見之

例著永行停止至衍聖公孔昭煥昨已傳諭令其今年且不必來京將來遇有應行朝賀之事並著

先期奏請候旨遵行著爲令八月 萬壽聖節 上率王公大臣等詣 皇太后宮行禮畢 御殿

王公文武大臣官員行慶賀禮 賜宗室王公內廷大臣及諸外藩回部等燕通

五十年五月 上御極五十年大慶 頒詔天下舉行千叟宴 賜王公宗室內外文武大臣官員

紳士兵農等年六十以上者宴於 乾清宮合三千人列席於階上階下一品及九十以上者 親

賜卮酒其餘 命皇子及宗室子授爵人各 賜 御製千叟宴詩及杖並以次賞賚有差通

志

右聖節朝賀

古者命婦有朝女君之禮唐開元禮載太皇太后皇太后及皇后受羣臣朝及外命婦朝會儀我朝列聖以孝治天下御極之始尊奉慈寧每遇三大節親率王公大臣行慶賀禮皇上嗣位以來尊養聖母皇太后間安視膳典禮有加仰見聖朝家法禮制崇孝兼備隆情文並華尤爲皇古以來所未有云

順治三年正月朔世祖章皇帝詣皇太后宮行禮畢受諸王大臣朝賀八年四月定皇太后

三大節禮儀是日皇太后儀杖全設皇帝皇后詣皇太后宮皇太后陞內殿皇帝

皇后先行禮畢還宮公主和碩福晉以下都統尚書子命婦以上俱詣皇太后宮行禮十年二

月甲辰世祖章皇帝率內大臣侍衛等詣慈甯宮預行慶賀皇太后聖壽禮乙巳公主和碩

福晉以下一品命婦以上行慶賀禮賜宴謹案一月八日孝莊文皇后聖壽節是歲以社稷

齋期故移於前一日

通考

康熙八年定元旦冬至慶賀禮儀是日太皇太后皇太后儀駕俱全設皇帝御禮服率王公

內大臣侍衛暨都統尚書子以上咸朝服先朝於太皇太后宮畢次詣皇太后宮行禮次皇

后御禮服率公主福晉命婦咸朝服朝於太皇太后宮畢次詣皇太后宮行禮二十二年二月

禮部議凡遇喜慶太皇太后皇太后宮行禮時王以下入八分公以上內大臣侍衛大學士等



照常行禮八旗一品大臣及滿漢尚書俱令在午門外眾班內行禮從之又定甯壽宮行禮時

置糾儀御史二人於甯壽門外二人於儀駕末二人於午門外監禮通典

乾隆二年正月停止王大臣等詣皇太后宮行禮前期奉上諭朕前降旨明年停止御殿受朝

皇太后前照常行禮今奏知皇太后蒙降懿旨明年元旦尙在世宗憲皇帝服制二十七

月之內皇帝既不受朝其王公大臣赴慈甯宮行禮亦著停止五年十一月定皇太后萬壽聖

節大小臣工咸服蟒袍七日不理刑名著爲令通志

十二年正月禮部議向例凡遇慶賀大典皇太后宮行禮公主福晉以下止及一品大臣命婦謹

按察先蠶壇二品大臣命婦皆與嗣後凡遇慶典二品命婦亦準入班行禮從之十四年四月

諭朕閱禮部所進儀注朝賀皇太后行禮之世爵大臣止列入公侯伯子而男爵則未之及蓋

因男爵原係二品向例惟一品大臣在長信門外行禮後以人數過少增入侍衛副都統而禮部所

進儀注仍循前例不及男爵是五等之班竟闕其一未爲允協著一併增入二十八年二月通政

使司奏言各省督撫慶賀皇太后本章及貼黃俱請純用黃紙其面頁仍用黃綾黃發本內毋庸

另行加簽從之通考

三十七年十一月萬壽節奉諭奉皇太后懿旨向來每遇慶典令節皇帝詣慈甯宮朝賀至

永康左門外卽降輿步入今皇帝春秋已逾六旬雖體氣強健精力如常而禮數過勞之處亦宜隨

時擗節嗣後元旦行禮在慈甯門東階下降輿萬壽行禮在慈甯門西階下降輿並就門旁著內監設便座以資小憩以示惓惓愛護之意欽此朕欽承 慈命敢不祇遵著傳諭各該衙門載入儀注敬謹遵照

通志

### 右皇太后三大節朝賀

杜典載開元禮有皇后至正受賀儀注而歷代則未詳焉 國朝定制 皇后宮慶賀禮以元旦

冬至千秋節為三大節敬稽會典所載著於篇中

康熙八年元日設 皇后儀駕於 太和殿前時修 乾清宮尚未竣工設丹陛大樂於 中和殿前 皇后詣

太皇太后 皇太后宮行禮畢公主福晉以下一品命婦以上咸朝服行禮冬至禮同十年定

皇后儀駕丹陛大樂設於 坤甯宮前十一年定 皇后千秋節慶賀儀與元日同

雍正六年定 皇后千秋節王公百官咸蟒袍補服以上通典

乾隆六年禮部奏 皇后千秋節恭進慶賀箋文向未列班行禮於典禮未備嗣後文武各官擬於

午門外齊集行禮奉 旨仍照舊例行 十六年奏準 皇后千秋節正值 皇上恭奉 皇太

后祇謁 泰陵應行典禮應請停止賀箋仍屆期送闕 二十七年 定慶賀 皇后題本式題本

面頁用紅綾紅簽本內加紅簽 二十八年更定慶賀題本式通政使寶麟等奏言各省督撫慶賀

皇后千秋本章內加簽有用半簽有用全簽有並未加簽者殊未畫一嗣後慶賀 皇后本章及

貼黃請改用紅紙其面頁仍用紅綾紅簽本內毋庸另行加簽疏入令大學士等集議應如所請惟面頁面簽臣等酌議亦用黃綾以昭畫一從之通考

### 右皇后三大節朝賀

常朝之禮唐時有朔望御太極殿文武職事官九品以上皆入朝文官五品以上日參號常參官武官三品以上三日一朝號九參官五品以上五日一朝號六參官宋初以文御殿入閣爲常朝之盛禮文武官每日赴文德殿正衙日常參五日一赴崇德殿或垂拱殿曰起居熙寧以後罷入閣儀始定月朔御文德殿望日御紫宸殿而常參六參朔望參其儀不廢由金迄明朝參常朝制亦與唐宋等 本朝大典以每月五日十五日二十五日爲常朝之期先期鴻臚寺奏請 御殿王公百官應謝 恩者及外國陪臣以次行禮若不 御殿則王公列坐於 太和門外百官列坐於 午門外內務府官列坐於 右翼門外糾儀官察其失儀者移時乃退所以昭儀度而辨品秩也若夫常朝之外八旗官員則於月朔及十日二十日坐班左右翼王公分單雙日坐班上三旗領侍衛大臣侍衛等每日坐班滿漢御史司員各加糾察是仿唐宋常參六參之意而益精詳也今皆著於篇

崇德元年定每月初五十五二十五日 御殿聽政及各官謝 恩儀凡王以下各官遇陞賞等事於每月常朝日行謝 恩禮王貝勒貝子等謝 恩者皆啟奏進內行禮官員有功陞賞者亦啟奏進內行禮其因事謝 恩者 大清門外行禮革職官不許具朝服行禮外藩王貝勒貝子及外藩

官謝 恩亦於常朝日行禮凡王以下文武官陞遷謝 恩者行三跪九叩禮 賜銀幣等物行二跪六叩禮 賜食行一跪三叩禮凡賞賽謝 恩皆常服不贊是歲五月諸王貝勒等以 賜儀仗皆入 清寧宮丹墀謝 恩次眾官欲謝 恩禮部官奏曰官員甚眾若俱入 清寧宮丹墀行禮恐不能容札蘭章京以下應於 大清門外行禮 太宗文皇帝曰向例惟獲罪官員方在外遠處謝恩豈可因人多不容遂令門外行禮乎因俱令入內行禮

以上通考

順治八年九月定王以下各官以上陞級授官謝 恩王貝勒貝子公大臣等出師凱旋受賞謝

恩王以下文武官以上及喀爾喀貢使朝見俱設鹵簿奏樂鳴鐘鼓 御太和殿鳴贊官贊唱行禮

王以下官員以上 欽命婚娶者或於 中和殿或於 位育宮俱朝服行禮不唱贊其不時賞賽

謝 恩常服行禮亦不唱贊九年二月定每月初五十五二十五日 御太和殿在京文武百官俱

朝服入朝行朝參禮凡陞遷起用及覓朝辭朝等官有應面朝者於 太和殿前丹墀行禮其餘俱於

午門外行禮八月定凡朝期 御太和殿和鹵簿全設奏中和丹陛樂鳴鐘鼓鳴鞭內大臣侍衛列

殿內兩旁王以下輔國公以上集於朝房文武各官列 午門外其謝 恩辭朝陞見等官該部分

別應在內在外行禮先期奏 聞親王以下文武官進爵陞官及王貝勒貝子公大臣出征凱旋

賞賽及謝 恩賜俱於常朝日進內聽唱贊行禮漢軍漢人官員赴任及外省朝覲應行禮各官亦進

內行禮應在外行禮各官俱於 午門外行禮如是日不 御殿赴任及朝見官員均在 午門外

行禮外藩王以下公台吉以上來朝及喀爾喀厄魯特諸部落入貢使臣亦於常朝日行禮又定八旗武官除大朝常朝外每月初一初十二十日具公服於 午門外分翼坐班如遇 巡幸除朝期

外每日於 午門外坐班用常服十年定常朝日謝 恩及見朝辭朝文武官四品以上 太和殿

前行禮五品以下 午門外行禮

通典

康熙九年令都察院糾察諸王大臣失儀者 諭都察院曰國家朝儀大體所在貴於整肅嚴飭不

止係堂陛之觀瞻亦以見臣心之敬肆諸王大臣有踰越班行交相接語或輕佻嬉笑禮不踰階而

相與言又况其甚乎爾衙門監察御史侍班切近見而不糾皆緣畏事徇情所以如此都察院職任

重大朕躬有失尚爾指陳王及諸臣乃不參奏接之事理實所未協今後有失儀者毋得容隱

通考

二十年設常朝糾儀御史及司員凡常朝及八旗上朝坐班之日班首班末皆以滿漢御史各一人

監察吏部禮部亦派滿漢司員監察如有失儀指名題參

雍正二年遣侍衛四人監察朝班又定凡 御殿日未明以前鴻臚寺官左右各二人引左右翼官

從兩掖門入各就本班坐鼓嚴威起立聽唱贊由仗南引進依次排班行禮

以上通志

乾隆元年二月 諭曰每月逢五朝期鴻臚寺照例奏請御殿朕雖未准行而未經降旨曉諭蓋此

二十七月之內如遇國家重大典禮萬不可已者間一御殿外此概不舉行從前諭旨甚為明晰似

此朝會常儀理應停止俟二十七月之後再行奏請二年定凡朝期除 內廷行走各官外凡滿漢

文武大小官均於黎明齊集坐班如有事故先期於朝單內聲明至期都察院吏禮二部官稽查有無故不到者指名參奏三年定每月八旗官員坐班日禮部兵部各派司官二人稽查又凡文武官選授之後吏兵二部開列名單知會鴻臚寺俟領憑領劄十日之內鴻臚寺傳集演禮四品以上於午門外五品以下於天安門外謝恩逾期不到者四品以上由鴻臚寺指名題參四品以下送吏兵二部察議彙奏十七年禮部奏常朝坐班向無定時今定春冬以辰正夏秋以卯正屆期各官依次列坐後至者指參又定各部院堂官惟實有事故不能到班方許於冊內聲明若遇本署奏事仍留一人率屬就列毋得曠闕二十八年七月定文武月選官於給發憑劄日齊集吏兵二部先期行知鴻臚寺派員率領謝恩其各省揀發陞調薦舉卓異豫行保舉人員例應給照者由部彙齊人數定期知照鴻臚寺率領謝恩再行給照赴任二十九年六月定凡外任文武各官引見後仍令吏兵二部將職名咨送鴻臚寺由寺定期傳示帶領謝恩三傳不到者鴻臚寺按季彙參

典通

三十五年定外藩使臣朝賀儀凡外藩使臣來京應入於何班朝賀俱由禮部先期奏請是年猛拱頭目興堂札貢象來京奉旨隨五品班之末行禮又蒿漢使臣來京奏准入於三品班之末行禮三十八年哈薩克阿布賴遣子阿第勒素坦來京禮部具奏行禮班次奉旨交軍機大臣查奏入於蒙古公之次回子之前其同來瑪木克等入於三品班之末四十年禮部以土爾扈特郡王第

楞德勒克來京恭遇 皇帝陞殿奏准入于蒙古王公之次行禮 常朝儀每月五日常朝之期

皇帝有旨陞殿謝恩各官銜名送鴻臚寺列疏交送內閣至日五鼓所司豫設案一於 太和殿

內之西陳筆硯樂部和聲署入展中和韶樂於 殿檐前展丹陛樂於 太和門檐前鑾儀衛率官

校入陳 法駕鹵簿鳴鞭仗馬步暨五輅馴象鼓吹常朝象依次如式侍班執事官王公文武百官

班位如朝賀儀通考

### 右常朝

國初定制每日聽政必 御正門九卿科道各員齊集啟奏率以為常至雍正初始定 御門之典

凡部院折本下內閣者積如千件始得 旨舉行其儀至為整肅至每日 召對內閣部院大臣引

覲庶僚咨詢政治披閱章奏皆 臨御內殿寒暑無間仰見 列聖相承敕幾疑續育肝不違以所

其無逸之心用集萬年太平無疆之祚依敷盛哉

順治二年定每日奏事吏戶禮兵工五部輪流首奏刑部常列三班並令翰林科道同奏事官齊進

侍班記注

康熙六年 聖祖仁皇帝親政行慶賀禮是日 御乾清門聽政嗣後日以為常 十三年令各部

漢司官照滿司官例隨堂官入奏 十八年九月 諭大學士等朕每日聽政一切折出票簽應商

酌者皆國家切要政務得失所係今後起居注官除照常記注外遇有折本啟奏俱令侍班記注比

考通

三十二年諭曰朕觀近日政務簡少每日啟奏部院大臣中有年邁者甚屬勞苦自後年逾六旬以外大臣令其量力間二三日一來啟奏至折本內遇緊要事朕有旨傳進爾等方來請旨若無朕旨爾部將折本彙齊亦間二三日一來啟奏尋大學士等奏言 皇上宵旰勤勞勵精圖治天下已享太平政務亦極清簡臣等敢請每日奏章校送內閣 皇上隔三四日御門一次聽理引見人員與綠頭牌啟奏諸事以於政事亦不致有悞 諭曰朕聽政三十餘年已成常規不日日御門理事即覺不安若隔三四日恐漸致倦怠不能始終如一矣此乾清門乃朕宮中亦有何勞但念年老大臣黎明從家中入奏甚為勞苦故有此諭朕仍照常每日聽政通典

雍正元年 世宗憲皇帝御門聽政時總理事務王大臣等以 聖祖仁皇帝奉安 山陵大禮已

成奏請 上御門聽政得 旨 皇考梓宮尚在享殿安奉朕今卽臨御正門理事心實不忍應俟

奉安 地宮之後舉行諸王大臣復援典禮懇請再三乃允之通考

二年定吏部奏事在各部院衙門之後三年定聽政日於翰林院編修檢討內按俸以四人侍班班在科道之上七年十二月 諭內閣十五日御門辦事奏事大臣及引見官員等俱着用補服嗣後朕臨御前殿照常朝服至御門理事祇用補服遇應服蟒袍之日亦著補服蟒袍永著爲例通典

乾隆元年十一月 上御門聽政先是雍正十三年十二月 諭曰據禮部奏請初十日御門辦事



朕查雍正元年四月間諸王大臣奏請御門聽政 皇考聖意欲俟 山陵禮成之後經王大臣再

三懇請始降 旨允行計已五閱月矣今百日甫過朕即臨御正門理事心實不安朕受 皇考付

託之重所有國家政務在便殿隨時辦事不敢略有曠廢其御門之典俟明春再行請旨至是年二

月復奉 諭曰禮部奏請二月十二日御門聽政朕思百日之後雖閱兩月但 皇考梓宮現在雍

和宮朕即御門聽政心實不忍可俟 梓宮奉移 山陵後再行請旨十月奉移 世宗憲皇帝梓

宮禮成至是月 上始御門理事如儀

通考

二年令 御門日設氈墊於大學士等跪所 諭曰向來御門聽政大學士等俱不設氈墊惟圓明

園奉 皇考特旨鋪設而乾清門尚仍其舊原定制之意蓋以君尊臣卑預防專擅之漸然亦不係

乎此況古有三公坐論之禮大學士等皆年老大臣當此嚴寒就地長跪朕心特切軫念嗣後著鋪

氈墊以示優禮至意凡 御 門聽政之典常日部院章奏未奉 聖旨者折本下內閣積若干件

得旨 御門聽政內閣宣布在京部院寺各部院寺官檢所應進奏事於函飭陪奏官屬吏部轉飭

侍班官員古服依期畢會

通志

右御門聽政

馬端臨王禮考不載登極之儀王者踐阼而治萬國應期啟聖握紀御符典禮詎宜從略元史禮樂

志載即位受朝儀明史禮志亦首載登極儀於例為協洪惟我 太祖肇興王業建元受朝式創受

命之規 太宗拓土啟疆諸部咸附建國號曰 太清築壇告 天宣表稱賀益宏開國之模

世祖定鼎燕京柴燎告 天行卽位禮遂成萬年一統中外之業至於 列聖繼體守文正位凝命

告於 几筵臨蒞萬國所定儀注斟酌古今之宜至孝至仁超軼千古我 皇上嗣皇帝位悉遵

前典敬迓 天庥茲按 五朝實錄 起居注及 大清會典敬謹編載以垂示無極

天命元年正月朔諸王百官上 太祖高皇帝尊號曰覆育列國英明皇帝建元天命 御殿受朝

賀是日內外貝勒大臣率羣臣集殿前分八旗序立 上御殿陞座取貝勒大臣率羣臣跪入大臣

出班跪進表章近侍侍衛阿敦巴克什額爾德尼接表額爾德尼在 御前宣表訖 上乃降御座

焚香告 天率貝勒諸臣行三跪九叩禮畢復 陞座取貝勒大臣各率本旗人員行慶賀禮 十

一年九月 太宗文皇帝嗣皇帝位 御殿受羣臣朝 頒詔大赦是日三大員勒諸貝勒大臣及

文武各官暨於朝具 法駕設鹵簿 上率貝勒羣臣焚香告 天行三跪九叩禮畢 上陞座諸

貝勒大臣文武官員行三跪九叩禮畢 頒詔大赦以明年爲天聰元年以上通考 寬溫仁聖皇帝

天聰十年四月乙酉建 國號曰 大清改元崇德和碩貝勒羣臣上 尊號曰 寬溫仁聖皇帝

前期築壇於 天壇之東設 寶座於壇上設鹵簿大駕於壇前屆期 太宗文皇帝率貝勒以下

文武百官出德盛門詣 天壇祇告 天 地禮成文武各官奉 御寶先至 天壇之東導引官

二人恭導 太宗文皇帝由中階陞壇 御寶座貝勒大臣等行三跪九叩禮畢皆跪和碩貝勒等

是月 禮嘉 上二約雅堂藏板

奉 御寶跪獻 太宗文皇帝受寶授內院官羣臣復行三跪九叩禮畢皆跪宣讀官奉滿洲蒙古

漢字三體表文立於壇東以次宣讀羣臣復行三跪九叩禮畢復位乃列儀仗奏樂 還宮次日行

慶賀禮 太宗文皇帝御殿樂作貝勒大臣率滿洲各官行三跪九叩禮畢奉表跪進侍臣接至

御前跪宣羣臣復行三跪九叩禮畢退次外藩貝勒大臣進表行禮次漢官進表行禮均如前儀次

執事各官行三跪九叩禮畢 賜貝勒羣臣等燕禮成 頒詔大赦崇德八年 世祖章皇帝嗣

皇帝位前期遣官祇告 天地 太廟屆日王公百官朝服齊集 篤恭殿前 世祖章皇帝乘

輿由左翊門出羣臣跪迎 世祖章皇帝御寶座王以下文武百官行三跪九叩禮次外藩王以下

官屬行三跪九叩禮畢復跪乃頌 恩詔大學士詣案前奉 詔書至丹陛上左宣畢復行三跪九

叩禮復位 世祖章皇帝乘輿還宮王公百官跪送不設鹵簿不作樂不設燕禮

順治元年十月朔以定鼎燕京告 天行即位禮 御殿受朝賀 頒詔天下前期司禮監設金椅

於 郊壇之東南向設寶案於金椅前是日 駕由大清門出作樂前導 上躬詣 南郊告祭

天 地畢內院大學士率文武各官跪奏告祭禮成贊引官恭導進詣壇東幄次更衣 陞座鳴贊

官贊排班贊進贊跪祝俱跪學士詹前於案上捧寶授大學士剛林剛林奉寶奏云 皇帝君臨萬

國諸王文武羣臣不勝歡忭奏畢以寶仍授學士置於案上皆退立原班鳴贊官贊跪叩興眾俱行

三跪九叩禮興贊退俱復原位立候 駕還宮鹵簿前導作樂進 大清門眾俱退是日鳩曠寺設

御座於皇極門正中今名太設表案於門櫓之東王等齊集於金水橋之北文武各官齊集於金水

橋之南東西相向樂作和門上陞座樂止鳴鞭內大臣侍衛內院禮部都察院及鴻臚寺執事各官先

於階上行三跪九叩禮畢各司其事諸王率文武各官跪進表內院大學士捧諸王等所進三體表

文跪置案上興鳴贊官贊宣表內院大學士詣案前取表以次跪宣畢興捧表仍跪置案上行三叩

禮興退立原位諸王以下文武各官行三跪九叩禮興上還宮各退越九日御皇極門頒詔天下

詔曰我國家受天眷佑肇造東土列祖創興鴻業皇考式廓前猷遂舉蕩邦誕膺新命迨朕

嗣服雖在冲齡締念紹庭永綏厥位頃緣賊氛游熾極禍中原是用倚任親賢救民塗炭乃方馳金

鼓旋奏澄清既解倒懸非富天下而王公列辟文武羣臣暨軍民耆老合詞勸進懇切再三乃於今

年十月初一日祇告天地宗廟社稷卽皇帝位定鼎燕京紀元順治稱維峻命不易創業

尤艱況當改革之初更屬變通之會是用準今酌古揆天時人事之宜庶幾吏習民安彰祖功

宗德之大於戲天作君師惟鑒臨於有德民歌父母斯悅豫於無疆既已俞旨布恩宏敷大賚將

便投誠歸命無阻幽深惟爾萬方與朕一德布告遐邇咸使聞知通考

十八年聖祖仁皇帝嗣皇帝位遣官祇告天地大廟社稷聖祖仁皇帝衰服詣

世祖章皇帝几筵前行三跪九拜禮祇告受命詣側殿更禮服乃詣聖祖母太皇太后官行三

跪九拜禮次詣聖母仁憲皇太后宮聖母慈和皇太后宮各行三跪九拜禮先御中和殿內大

三十四日九月廿五日禮嘉  
三十三 禮嘉  
十三 禮嘉

臣侍衛內院禮部都察院執事各官行禮乃 御太和殿即 皇帝位王公百官上表行禮不宣表

不作樂 賜茶不設燕 駕還宮反喪服就苦次以 登極禮成 頒詔天下通典

詔曰惟我國家受 天眷命 祖功 宗德肇造丕基我 皇考大行皇帝盛德至仁英資大度繼

承歷數統一寰區方期邦國永底雍熙不幸奄棄臣民遽升 龍馭諸王貝勒大臣文武官員人等

僉謂神器既已攸歸天位不宜久曠堅請再三朕俯徇輿志勉抑哀衷於是月初九日祇告 天

地 宗廟 社稷即皇帝位其以明年為康熙元年與天下更始凡爾親賢文武其尙輔翼菲躬共

矢嘉謨以成至治布告天下咸使聞知通典

康熙六十一年十一月辛丑 世宗憲皇帝嗣 皇帝位禮儀與順治十八年同惟免 賜茶屆日

內監下 乾清宮籛鑾儀衛於 乾清宮丹陛中設金輿奏請 世宗憲皇帝乘輿由 乾清門中

門出奉 旨乾清宮雖下籛朕何忍於 皇考前乘輿出中門朕從乾清門左旁門出外乘輿心中

始安禮成 頒詔天下通典

詔曰 皇考大行皇帝臨御六十一年德茂功高文經武緯海宇甯謐歷數悠長不謂謝棄臣民遽

升 龍馭親授神器屬於藐躬朕 皇考大行皇帝 德妃之子昔皇二子弱齡建立深為 聖慈

鍾愛不幸中年神志昏憤病類風狂 皇考念宗社重任付託為艱不得已再行廢斥待至十有餘

年沉疾如故痊可無期是以 皇考升遐之日詔朕繼承大統茲因諸王貝勒大臣文武官員人等

僉謂天位不可久虛 宗社允宜蚤主再三陳請朕勉徇輿情暫抑悲痛於是月二十日祇告 天地 宗廟 社稷卽皇帝位以明年爲雍正元年凡爾親賢文武其共矢蓋誠各輸心膂用紹無

疆之業永垂有道之麻布告天下咸使聞知通考

雍正十三年九月己亥 皇上嗣 皇帝位禮部遵照康熙六十一年禮儀具奏奉 旨是停止宣

表免賜茶此奏內稱奉輿於乾清門正中今 皇考梓宮見安奉乾清宮朕曷敢於乾清門中乘輿

著安輿於左旁禮成 頒詔天下通典

詔曰 皇考大行皇帝纘承大統御宇十有三年夙夜憂勞勤求至治薄海時雍中外蒙福方期永

綏隆祚仰荷鴻禧何意奄棄臣黎遽升 龍馭以 宗廟 社稷之重屬於藐躬朕自惟涼德懼弗

克勝顧念神器不可久虛勉抑哀衷欽遵 成命於九月初一日祭告 天地 宗廟 社稷卽皇

帝位以明年爲乾隆元年諸王文武大小臣工其共殫公忠協心襄贊懋圖上理祇迓洪庥以光大

我國家無疆之祚布告天下咸使聞知通考

### 右登極

四巡之典載在虞書時邁之歌列於周頌所以觀民設教展義示度典至重也漢唐以後偶有巡幸  
之文鮮聞勤民之實我 朝 列聖相承以無逸作所爲 家法 聖祖仁皇帝翠華臨幸察吏治

恤民隱相度河防講求水利若山東山西若河南陝西若江南浙江 宸遊所經父老謳思數十年

如一日以至塞垣清暑畿輔水國歲每舉行凡以體乾健而敷兌澤 聖謨深遠誠足爲萬世法我

皇上繩 武紹聞自強不息 御極五十年來舉行時巡之典 詣盛京 幸齊魯禮嵩洛歷三

晉而東南吳越 車駕持六至焉所過整飭官吏加惠黎元嶽瀆懷柔神人胥洽至於河隄海塘

躬親相度指示機宜以爲一勞永逸之計前者敬遵 聖祖仁皇帝前後省方恭侍 太皇太后鉅

典祇奉 皇太后 聖母親掖 安輿錫類推恩罔不周溥仰見 天家孝德之隆 聖母尊養之

備遠邇欣愉殊音同聲則又稽諸往牒罕有倫比者也

通考

順治八年四月 世祖章皇帝啟蹕巡幸塞外五月 駐蹕上都河及喀喇河屯是月入古北口 上回宮

康熙十年九月 聖祖仁皇帝東巡恭謁 福陵 昭陵行告成禮啟行前一日恭謁 太廟祇告

至 盛京謁 陵禮畢設騎駕鹵簿於 太清門前 聖祖御門陞座作樂 賜宴頒賞 回鑾恭

謁太廟行祇告禮

以上通志

十一年正月 上奉 太皇太后幸赤城湯泉先期 諭有司動支帑銀前往修理道路毋得擾民

啟蹕之日 上隨 太皇太后登步行至神武門乘馬路出南口遣內大臣祭明代諸陵過八達

嶺 上自山麓下馬扶 太皇太后轎 太皇太后念 上步行勞苦諭乘馬 上奏曰此處道險

必扶御輦於心始安至坦道始乘馬過長安嶺亦如之 駐東山廟地少水是日山泉忽湧成河人

馬皆足飲及至湯泉每日詣 太皇太后行宮問 安以耕藉屆期回京行禮禮畢復 幸湯泉給

換班兵丁口糧銀兩 回鑾日 上扶 太皇太后輦行數步方乘馬行過長安嶺大雨 上下馬步行扶 輦至領上 太皇太后欲少憩 上卽趨行命取涼棚親視安置及下嶺仍步行如初過

入達嶺亦如初及回京至神武門下馬扶 太皇太后輦入宮隨詣 太皇太后宮問 安 謹按天子之德莫先於孝 聖祖仁皇帝孝事 兩宮恭奉 太皇太后詣湯泉步行扶輦嗣後奉 仁

憲皇太后南巡覽江山之名勝土庶之歡并喜動 慈顏中外傳爲盛事我 皇上敬承 家法時邁所至恭奉 聖母皇太后安輿以展養志之誠仰見我 朝 聖母慈徽衍慶 一人推恩錫類

之隆軌前後輝耀伊古以來所未有也

通考

十六年九月 聖祖仁皇帝啟蹕恭謁 孝陵禮成 巡幸塞外出喜峯口 駐蹕和爾和克必喇

次 駐蹕喀喇河屯 賜來朝喀拉沁諸部郡王鎮國公等弓矢銀幣各有差是月入喜峯口十月

上回宮 謹按 聖朝聲教廣訖邊關以外與中土郡邑無異歲時臨蒞習武功於徵塞盛王會

於遜藩典莫隆焉自 世祖章皇帝清蹕肇臨 聖祖仁皇帝六飛時御創垂典則昭示來茲康熙

四十二年肇建 避暑山莊於熱河歲爲 巡幸聽政之所 皇上闡迪 前光以乾隆六年 親

蒞行園嗣乃間歲一至後遂定爲每歲 秋巡合典關門士庶瞻就 光華藩部名王歲時來辟施

惠行慶朝觀宴賚之禮歲舉爲常有紀載不能盡述者茲謹載肇事之歲月著於篇中以昭 秋巡

大典之原起焉



乾隆十六年 上奉 皇太后南巡江浙過山東遣官致祭 岱宗 先師孔子 元聖周公至宿

遷登舟遣官祭 河濱 淮濱 江濱之神諭淮揚抵浙江遣官致祭 南鎮會稽山 躬詣 禹

陵明太祖陵致祭凡河工海塘咸 指授機宜 諭以修防之道 閱視八旗駐防及水陸標營駢

射是年疊頒 諭旨截留漕糧蠲免積欠普行慶惠以上通志

江浙為東南重地百數十年來休養生息土沃民稠洪惟 聖祖仁皇帝六巡江浙德意深厚昭著

史册我 皇上克繩 祖武所其無逸自乾隆十六年以來亦復 翠華六莅 闡澤汪濊以才選

加史不勝書其在乙酉歲以前則皆恭奉 聖母皇太后問 安視膳凡名勝所在親掖 金根以

承 歡豫海內咸頌 天子之孝焉經過地方蠲免額賦有差而省會 駐蹕之區則悉免本年正

供留漕艘以平市直免運租以省催科清理庶獄軍流以下咸予曲宥海內咸頌 一人之仁焉學

校所以儲才也增博士弟子之額廣選拔貢生之途諸生之進獻詩賦者 親試之其入高等者

特授以官樂育人才之典古未有也 召見地方官吏問民疾苦察其賢否而黜陟之 閱視八旗

駐防及水陸綠營騎射文武員弁咸晉秩一級有以公事注吏議者令其開復凡以飭官方面崇實

政也舊臣之子告里居者加銜晉秩 優賜之俸 加恩子孫俾列賢書其餘皆 賞賚有差八旗

駐防及各州縣老民老婦並有 恩賜為壽優老之典有加而靡已焉 念河渠海塘為東南數省要

務 躬親相度審地形之高下量水勢之緩急增築堤防講求宣導發帑興工費逾鉅萬以為民生

壽一勞永逸之計至於所過名山大川先代陵廟或遣官展祀或親詣行禮以將誠敬名臣忠烈皆遣官奠酒懷柔之典洽於神人又如此謹按古稱天子所至曰幸蔡邕獨斷云車駕所至見令長三老官屬親臨軒作樂賜以食帛民爵有級或賜田租故謂之幸惟我聖祖仁皇帝垂憲於前皇上紹述於後省方展義慶賜遂行歷考百王未有倫比凡在山陬海澨莫不喁喁然望幸惟殷而三吳之民瞻雲就日被恩尤渥其爲欣幸洵有名言之莫罄者矣通考

### 右巡幸

經筵之禮至宋始舉以是爲杜典之所未及伏惟我朝列祖以來崇經重道歲必舉行典至重也其祇告傳心殿禮已見吉禮茲祇載經筵典制於篇順治九定每歲春秋仲月各舉經筵一次大學士知經筵事以尙書左都御史通政使大理寺卿學士等官侍班以翰林官二人進講又定御經筵後行日講禮每日進講冬夏至前一日乃輟講又定滿漢進講官每日撰擬講章先以正本進呈御覽次奉副本詣乾清宮設於案行一跪三叩禮畢以次進講講畢行禮如前乃退十四年定每歲春秋行經筵禮豫期酌取講官人數具疏奏聞經書講章令講官撰擬內閣改定恭呈御覽以上通典

康熙二十四年定制以大學士尙書左都御史侍郎學士詹事充經筵講官滿漢各八人歲以滿漢官各二人分講經書至日皇帝御文華殿滿漢講官各一人進講四子書義畢皇帝闕發書義

宣示臣工講官暨侍班官跪聆畢興滿漢講官各一人進講經義畢 皇帝闕發經義各官跪聆亦如之各官至丹墀行禮畢講官入 殿內 賜坐 賜茶成禮 皇帝還宮是日 賜燕於 太和門東廊二月 文華殿告成行 經筵禮前一日祇告 皇師 帝師 王師 先聖 先師 傳心殿至日 上御文華殿進講如儀恭遇自後 經筵行禮並同

雍正三年諭自古修己治人之道載在經書帝王御宇膺圖咸資典學我 聖祖仁皇帝天資聰明而好古敏求六十餘年孜孜不倦朕幼承 庭訓時習簡編自即位以來更欲以研經味道之功爲

敷政監人之本於八月二十三日爲釋服之期爾等可擇日舉行經筵典禮

以上通志

乾隆五年諭經筵之設原欲敷宣經旨以獻箴規朕觀近日所進講章頌揚之辭多而箴規之義少殊非責難陳善君臣咨儆一堂之意人君臨御天下敷政監人豈能毫無闕失正賴以古證今庶可替否庶收經筵進講之益若頌美過多不能實踐躬行反滋朕心之愧此後務割切敷陳期有裨於政治學問勿尙鋪張溢美之虛文而無稽古典學之實義是年衍聖公入 覲來京恭遇 經筵卽

令入班聽講二年舉行 經筵屆日 皇上親詣 傳心殿行禮七年二月 諭今日舉行經筵典禮禮

部據向例以天雨奏請改期朕思魏文侯出獵而雨左右不欲行文侯曰吾已與虞人期矣豈可無期會哉乃往身自罷之夫田獵之娛尙不以雨失期況經筵大典業經祭告自應舉行但執事諸臣例應在丹墀內行禮未免衣冠沾濕著衣雨服列班駕到卽入殿進講講畢卽奏禮成其階下行禮

殿內賜茶諸儀停止嗣後遇兩皆照此例四十一年二月以新建文淵閣告成御經筵畢幸文淵閣賜講官及聽講諸臣燕四十四年正月論經筵典禮兩年未舉行本年二月已過大祥且經筵爲闕學崇經又無宮懸之奏自可如常行禮今以二月初四日御經筵所有應行事宜著各該衙門照例豫備四十七年御經筵禮畢御文淵閣賜四庫全書總裁等官燕並賞資有差謹按乾隆五十一年仲春皇上御經筵禮畢賜講官及聽講諸臣燕命歌抑戒之詩典禮光昭益彰至教茲以成書在五十年所有五十一年以後諸典禮應俟續纂時敬謹編載恭識于此

右經筵

杜典於吉禮釋奠之前立太學一門凡臨雍典禮悉入之今從大清通禮之例以臨雍入嘉禮伏考我朝列聖視學必行講書之禮於彝倫堂我皇上命稽禮經舊式於太學彝倫堂肇建辟雍殿規制崇備茲恭稽列聖以來視學講書之禮仰見德教熙洽訓垂萬世皇上臨雍講學敷言錫福圖橋門而觀聽者凡三千餘人靡不涵詠聖涯沐浴教澤爲從古未有之盛典彼史冊所稱永平聽講以億萬計紀載未免近誣且以辟雍爲養老習射處支離傳會杜典亦宗其說陋矣

順治八年世祖章皇帝幸太學行釋奠禮畢詣彝倫堂御講幄國子監祭酒講四子書司業講經宣敕以勉太學諸生凡衍聖公五經博士各氏後裔咸隨班聽講禮成衍聖公及祭酒等上表

行禮 賜燕於禮部 賜衍聖公等金紵有差各氏後裔並送監讀書廣國子監諸生鄉試中額十

五名 賜敕勉勵師生等十七年重修 文廟落成 視學禮儀與八年同

以上通典

康熙八年聖祖仁皇帝幸太學行釋奠禮講學於藝倫堂頒 敕諭一道 賜衍聖公國子監祭酒

以下與順治九年同

雍正二年正月 諭帝王視學大典所以尊師重道爲教化之本朕覽史冊所載多稱幸學近日奏

章儀注相沿未改此臣下尊君之詞朕心有所未安今釋奠伊邇朕將親詣行禮以後奏章儀注稱

幸非宜應改爲詣學二月上丁 世宗憲皇帝詣學典禮與康熙八年同其在京進士舉人與觀禮

者與貢監生同 賜白金

乾隆二年 諭國學 文廟特命易蓋黃瓦是年奏准閔氏冉氏言氏卜氏顯孫氏端木氏世襲五

經博士均照五氏之例行取陪祀並取閔冉氏各二人赴京觀禮三年仲春 上視學典禮與雍正

二年同重頒 勅諭一道訓勵諸生四配十二哲後裔暨元圣周公裔東野氏來京觀禮者均送監

讀書是年 召見衍聖公暨五經博士各氏後裔等十有八人

以上通志

四十八年諭曰 朕念國學爲人文薈萃之地規制宜隆而辟雍之立自元明以來典尚闕如自應

增建以臻美備著派禮部尙書德保工部尙書兼管國子監事務劉墉侍郎德成敬謹前往閱視度

地鳩工諏吉興建落成之日朕將舉行臨雍典禮以昭久道化成之盛尋禮部尙書德保等遵 旨

往國子監相度地勢於藝倫堂之南營建繪圖具奏得旨據德保等將辟雍圖式呈進自應仿照禮經舊制度地營建卽著派德保劉墉德成總司其事敬謹承辦以光盛典四十九年工成御製闕學新建辟雍圍水工成碑記五十年皇上親詣文廟釋奠禮成御辟雍殿行講學禮命滿漢大學士二人以次講書滿漢祭酒以次講經皇上親製御論二篇關發書義經訓宣示臣工王公衍聖公大學士以下及諸生均跪聆畢賜王公衍聖公大學士九卿詹事等官茶禮成

回鑾通典

右臨雍

附載鄉飲酒

順治元年定京府及直省府州縣每歲于正月十五日十月初一日舉行鄉飲酒禮設賓介主人賓賓之席順天以府尹爲主直省府以知府州以知州縣以知縣爲主大賓擇鄉里年高有德之人位于西北介以次長位於西南二賓以賓之次者爲之位于賓席之西眾賓序齒列坐司正以教職爲之主揚解以罰失儀者贊禮請法以生員爲之以申明朝廷之法敦序長幼之節二年定順天府詳稽鄉飲酒舊制移送禮部題請施行嗣復每歲由順天府具題將所舉賓介等姓名履歷呈部存案鄉飲酒讀律令曰律令凡鄉飲酒序長幼論賢良年高有德者居上其次序齒列坐有過犯者不得干與違者罪以違制失儀則揚解者以禮責之

通志

康熙元年定奉天府舉行鄉飲酒禮

通典

雍正元年 諭鄉飲酒禮乃敬老尊賢之古制近聞年久視為具文應飭令加謹舉行是年順天府

舉行鄉飲酒禮 特命禮部堂官前往監禮歲以為常

通志

二年定例嗣後所舉賓介務貴齒德兼優尤協鄉評者舉之如地方官徇情濫舉即應題參若所舉

得六而不法之徒或藉端阻撓者著加究治

通典

乾隆二年覆准鄉飲之典必賓介得人始足以示觀感而興教化應通行嚴飭嗣後所舉賓介務擇

齒德兼優尤協鄉評之人如地方官徇情濫舉即應題參若所舉得人而不法之徒或有藉端阻撓

者亦應嚴加究治

通志

七年 御製補筭詩六篇 命於舉行鄉飲酒禮時奏之十八年禮部奏言各省舉行鄉飲酒禮事

不盡一旦竟有舉致曠大典者應令督撫轉飭各屬府州縣遵照定例於正月十月舉行二次

其賓介之數據舊禮所載鄉飲酒有大賓介賓一賓二賓三賓眾賓與大僕二僕三僕之名按儀

禮賓若有違者諸公大夫則既一人舉解乃入注言今文遵為僕又曰此鄉之人仕至大夫者來助

主人樂賓主人所榮而遵法者也又曰不干主人正禮也又按經文主人親速賓及介而眾賓從之

至於門外主人拜賓及介而眾賓自入其獻酬辭讓之儀甚繁及介已省至於眾賓升投坐祭立飲

不作而降皆無一言及僕者所謂不干主人正禮者也嗣後應令順天府及直省府州縣先期訪紳

士之年高德劭者一人爲賓次爲介又次爲衆賓皆由州縣詳報府尹督撫擇定舉行其本地有仕  
三顯官偶居鄉里願來觀禮者依古禮坐於東北順天府及直省會城一品席南嚮二三品席西嚮  
各府州縣三品以上席南嚮四五品席西嚮無則闕之不立一僕二僕三僕之名不入舉報之內仍  
將所舉賓介造具姓名籍貫清冊送部存案倘鄉飲後間有過犯按所犯輕重詳報褫革咨部除名  
并將原舉之官議處從之二十五年九月令直省舉報鄉飲由儒學及州縣具詳責成布政布核實  
報明督撫察核存案不得其人卽詳明停止不得拘於成例苟且塞責 謹按乾隆五十年命歲  
時舉行鄉飲酒禮毋庸大典五十一年正月順天府舉行鄉飲酒禮恭奏 御製補筵詩六章元音  
宣播禮典光昭洵爲盛舉茲以成書在五十年應俟續纂時敬謹編載並識於此

謹案通典於常朝後次以朝位通考通志無今攻朝位所載如康熙元年十六年定大朝及常朝  
班次見通志元旦朝賀乾隆六年定行在恭遇聖節朝賀行禮見通志聖節朝賀八年定賜坐賜  
茶十六年釐定朝班見通考元旦朝賀二十四年大朝之期百官班次設立紅漆木牌見通考元  
旦朝賀考志所載凡班次儀節既經輯錄通典朝位允宜從省





皇朝十九

禮嘉一上尊號冊封公主冊封福晉夫人冊封郡主冊封郡主冊封妃嬪冊封皇太子冊封諸王貝勒貝子冊封諸王貝勒貝子皇子皇孫婚冊封諸王貝勒貝子

王以下婚 公主下嫁 郡主以下出嫁 品官庶士庶人婚

帝王踐阼之始尊崇母后帝母稱皇太后祖母稱太皇太后漢時設之官屬或因所居宮為號如長樂長信之類是也宋天聖中始上皇太后應元崇德仁壽慈聖之號遼金元明皆有上徽號儀馬氏以上尊號禮儀附見帝系考今從王圻續考之例載入王禮考伏惟 列聖以孝治天下奉事 聖闈孝思誠至每遇大慶典則舉恭上 徽號之儀 孝莊文皇后於順治朝上 徽號者四康熙朝加上 徽號者五 孝惠章皇后於康熙朝加上 徽號者五 孝康章皇后於康熙朝上 徽號者一 孝恭仁皇后於雍正朝上 徽號者一 皇上至孝至誠奉事 聖母崇慶慈宣康惠敦和裕壽純禧恭懿安祺甯豫皇太后自 御極以來恭遇慶典晉上 崇稱者凡九上稽前典下順輿情備極 尊崇之隆禮若夫尊封太妃列代厥有故事 國朝定制尊封 太妃 太嬪或遣官將事或 至尊親自行禮悉據會典通禮所述儀注附列於後以垂億萬年之定制焉 通考

廟制門我 朝恭上 列聖 列后尊諡已恭載於 太廟篇中伏惟 列聖以孝治天下尊奉

大慶典晉上 徽號 聖祖仁皇帝孝事 重閣則有恭上 太皇太后徽號之儀纂章

允洽備極崇隆 皇上尊奉 皇太后 徽稱疊晉 瑞寶 璆册輝映萬祺謹述隆儀彙著於篇

通典

崇德八年 世祖章皇帝嗣位尊 聖母皇后為 皇太后 聖母為 皇太后 通考

順治八年二月 世祖章皇帝親政恭上 聖母皇太后徽號曰 昭聖慈壽皇太后進 册寶行

禮禮成 頒詔天下八月 世祖章皇帝大婚禮成恭加上 昭聖慈壽恭簡皇太后徽號奉 册

寶行禮如儀次日 御太和殿諸王貝勒文武羣臣上表行慶賀禮 頒詔天下十一年六月 世

祖章皇帝大婚禮成恭加上 昭聖慈壽恭簡安懿皇太后徽號奉 册寶行禮 頒詔如儀十三

年十二月 册封皇貴妃禮成恭加上 昭聖慈壽恭簡安懿章慶皇太后徽號奉 册寶行禮

頒詔如儀 通典

康熙元年加上 聖祖母太皇太后徽號曰 昭聖慈壽恭簡安懿章慶敦惠太皇太后恭上 母

后皇太后徽號曰 仁憲皇太后恭上 聖母皇太后徽號曰 慈和皇太后 太皇太后 兩宮

皇太后 皇帝鹵簿儀仗俱不設免諸王大臣官員朝賀次日 頒詔天下 禮部題尊上 太皇

太后 仁憲皇太后 慈和皇太后尊號大禮既成詔告天下各藩王併直隸各省文武官五品以

上諸司例應齊進慶賀表文嗣後凡遇元旦 聖壽冬至各進表入賀得 旨是四年以 大婚禮

成加上 太皇太后徽號曰 昭聖慈壽恭簡安懿章壽敦惠溫莊太皇太后加上 仁憲皇太后

徽號曰 仁憲恪順皇太后 太皇太后 皇太后儀仗全設於宮門前設 大駕鹵簿於 太和

門前 聖祖仁皇帝具禮服鳴鐘鼓 御太和殿開 冊寶畢內閣禮部堂官捧置亭內校尉舉亭

次第前行 駕陞興禮部堂官導詣 太皇太后宮 皇太后宮恭獻 冊寶禮畢還宮次日 頒

詔天下

通考

二十年以滇黔蕩平恭加上 昭聖慈壽恭簡安懿章慶敦惠溫莊康和仁宣弘靖太皇太后徽號

恭加上 仁憲恪順誠惠純淑端禧皇太后徽號前期遣大學士勒德洪明珠詣 慈甯宮奏加上

徽號禮儀 太皇太后諭曰自叛逆構亂於今八年皇帝焦心勞思運奇制勝故得寇盜削平海

宇甯謐皇帝應受尊號以答臣民之望予處深宮之中不與外事受此尊號於心未愜此典禮不必

行勒德洪等奉 太皇太后旨還奏復遣詣 慈甯宮奏曰歷稽往代國家凡有大慶必歸美於尊

親 太皇太后鑒臣微忱特允奏請臣雖無尊號傳示中外亦有榮光 太皇太后復不允勒德洪

等還奏復遣詣 慈甯宮奏曰自寇亂用兵以來將士疲勞生民困苦瘡痍未復喘息未蘇雖兵戈

乍戢疆宇初平國家紀綱正宜整頓地方元氣正宜培養臣何敢晏然自處以爲太平無事受納尊

號惟祈 太皇太后聖心歡豫俯體羣情允行大典臣實幸甚天下幸甚 大皇太后曰皇帝既倦

倦懇請至於再三予亦不能固辭可照禮議行屆期恭奉 冊寶詣 太皇太后 皇太后宮加上

徽號行禮 頒詔天下 通典

三十六年以湖漢平定請加上 仁憲恪順誠惠純淑端禱皇太后徽號 懿旨不允 大學士等

擬尊上 皇太后壽康顯甯徽號 聖祖仁皇帝命滿大學士等奏知 皇太后 皇太后不允

上復令大學士奏請奉 皇太后懿旨皇帝懋建宏勳予不勝欣悅際此昌期予心慰矣尊加徽號

向雖有例並非斷不可已者著停止予心始安大學士等回奏 上命大學士集議大學士等復奏

請 皇太后 皇太后諭曰皇帝既不受尊號這加徽號不必行大學士等乃議言 皇太后不受

徽號懿旨已經三頒相應謹遵 懿旨 上從之 通考

六十一年 世宗憲皇帝嗣位尊 聖母為 皇太后禮部奏恭上 皇太后尊號禮儀奉 懿旨

予自幼入宮蒙 大行皇帝深恩備位妃列幾五十年雖夙夜小心勤修內職未能圖報萬一 龍

取升遐即欲相從皇帝再三諫阻情詞懇至勉慰其心未伸予志今諸王大臣援引舊典請上尊稱

此時 梓宮大事正在舉行淒切哀衷何暇他及尊崇典禮實非予心所安況予戒慎居心謙沖訓

子但願予子體 先帝之心永保令名諸王大臣體 先帝之心各抒忠悃則兆民胥賴海宇蒙休

予躬大有光榮勝於受尊稱遠矣諸王大臣復叩請再三始蒙 慈允恭上 徽號曰 仁壽皇太

后奉 冊寶行禮如儀

雍正十三年九月 皇上御極尊 聖母為 皇太后十二月恭上 聖母皇太后崇號曰 崇慶

皇太后奉 冊寶行禮如儀禮成 頒詔天下不 御殿受賀

乾隆二年 冊立 皇后禮成恭加上 崇慶慈宣皇太后徽號奉 冊寶行禮如儀次日 御太

和殿王公百官進表行慶賀禮 頒詔天下十四年以金川平定恭加上 崇慶慈宣康惠皇太后

徽號奉 冊寶 禮如儀次日 上率王公大臣詣 皇太后宮行慶賀禮百官於 午門外隨行

禮畢 上御太和殿王公文武羣臣上表行慶賀禮 頒詔天下 以上通典

十五年以 冊立 皇后禮成加上 聖母皇太后徽號曰 崇慶慈宣康惠敦和皇太后前期一

日遣官告祭 天地 太廟後殿 奉先殿 社稷 上詣 皇太后宮恭上奏書至日 上御

太和殿開 冊寶率王公大臣詣 皇太后宮恭進 冊寶行禮次日 上詣 皇太后宮率王公

大臣進表行慶賀禮百官於 午門外隨行禮次 皇后率 貴妃 妃 嬪公主王妃命婦詣

皇太后宮行慶賀禮 上御太和殿王公百官上表慶賀行禮次 皇后率 貴妃 妃 嬪於

皇上前行禮次 貴妃 妃 嬪公主王妃命婦於 皇太后前慶賀行禮 頒詔天下 十六年以

皇太后六十萬壽加上徽號曰 崇慶慈宣康惠敦和裕壽皇太后 上御太和殿開 冊寶率

王公大臣詣 皇太后宮恭上 冊寶行禮越三日 上率王公大臣詣 皇太后宮恭祝 萬壽

宣表行慶賀禮 上御太和殿王公百官上表行慶賀禮 頒詔天下 通考

二十年以伊犂平定大功告成恭加上 崇慶慈宣康惠敦和裕壽純禧皇太后徽號 上率

王公大臣恭進 冊寶宣表行慶賀禮 上御太和殿王公百官上表行慶賀禮 頒詔天下 一  
十六年 皇太后七十萬壽恭加上 崇慶慈宣康惠敦和裕壽純禧恭懿皇太后徽號 上率王  
公大臣恭進 冊寶行禮越二日 上率王公大臣詣 皇太后宮恭祝 萬壽宣表行慶賀禮百  
官於 午門外隨行禮 上御太和殿王公百官上表行慶賀禮 頒詔天下 三十六年 皇太  
后八十萬壽恭加上 崇慶慈宣康惠敦和裕壽純禧恭懿安祺皇太后徽號 上率王公大臣等  
詣 皇太后宮恭進 玉冊 玉寶行禮禮成 上詣 慈甯宮率諸王公大臣恭祝 聖壽宣表  
行慶賀禮 御太和殿 頒詔天下 四十一年五月以平定兩金川大功告成恭加上 崇慶慈  
宣康惠敦和裕壽純禧恭懿安祺甯豫皇太后徽號 上率王公大臣恭進 冊寶行慶賀禮如儀

御太和殿 頒詔天下 通典

右至尊號徽號

尊封太妃前代厥有故事杜典關馬伏攷 國朝定制尊封 太妃 太嬪或遺官將事或 至尊  
親自行禮其儀特為隆重今據會典所述彙列如左 通典

順治九年小月丁卯尊封 太宗文皇帝二妃曰 皇考懿靖太貴妃 皇考康惠淑妃設黃幄二

於 昭聖慈壽皇太后宮前東西相向設 太妃座於幄內 太貴妃在東 淑妃在西 世祖章

皇帝親奉冊寶於 二妃前共行三跪九拜禮次日 御殿行慶賀禮 通考

十八年 聖祖仁皇帝登極尊封 太祖高皇帝妃爲 皇祖壽康太妃內院禮部官奉 冊寶設

黃案上昇送至 太妃宮門前內監送入宮內 太妃受 冊寶訖內院禮部官各退

康熙十五年 聖祖仁皇帝尊封 世祖章皇帝妃四位曰 皇考恭靖妃 皇考淑惠妃 皇考

端順妃 皇考甯懿妃典禮與順治十八年同

雍正二年 世宗憲皇帝尊封 聖祖仁皇帝妃四位嬪一位曰 皇考皇貴妃 皇考貴妃 皇

考密妃 皇考定妃 皇考通嬪典禮與順治十八年同 以上通典

乾隆元年尊封 聖祖仁皇帝四妃曰 皇祖壽祺皇貴太妃 皇祖溫惠貴太妃 皇祖順懿密

太妃 皇祖純裕勤太妃 上親詣 甯壽宮行禮以 世宗憲皇帝服制不奏樂停止慶賀

通考

尊封 聖祖仁皇帝嬪四位曰 皇祖襄嬪 皇祖熙嬪 皇祖謹嬪 皇祖靜嬪遣官行禮如儀

二年九月 尊封 世宗憲皇帝妃二位曰 皇考貴妃 皇考謙妃典禮與雍正二年同 通典

八年尊封 皇祖溫惠貴太妃曰 皇祖溫惠皇貴太妃 上親詣行禮如儀 通考

四十三年二月 諭曰 裕貴妃母妃侍奉 皇考護育和親王淑慎素著朕御極之初卽欽奉

聖母皇太后懿旨晉封貴妃以申敬禮之意四十餘年 慈甯隨侍 親愛尤深茲年屆九旬寶宮

闕盛事宜崇位號以介蕃釐晉封爲 皇貴妃所有應行事宜各該衙門察例預辦屆期涓吉舉行



三四月之通正典類考卷三十一 皇朝  
十月 上以 裕皇貴妃九十壽日晉奉 冊寶並 御筆匾額 御制詩章壽星 親詣 裕皇  
貴妃宮行禮 通典

右尊封

納后之禮著於春秋臨軒冊命載於後漢志東晉升平初講求納后禮儀始詳唐開元禮有納后及  
冊命皇后儀後世多采用之馬端臨以納后冊后禮儀附見帝系考今據 本朝會典通禮所述  
大婚 冊立之儀載於王禮考而 冊封 妃 嬪儀注以次附見焉 通考

鄭樵通志載天子納后妃天子冊立妃嬪夫人之儀茲謹據 本朝會典通禮所述 皇帝大婚  
冊立 皇后暨 冊封 妃 嬪之典著於篇中其儀節之詳備見于通禮者不復具載 通志

崇德元年 冊立中宮嫡妃爲 皇后是日設黃幄於 清寧宮前設黃案於幄內王公百官朝服  
序立 崇政殿前 太宗文皇帝御殿開冊寶 命正副使持節至 清寧宮宣讀 冊文行 冊  
立禮禮成正副使持節復命 皇后率公主王妃命婦於 太宗文皇帝殿前行六肅三跪二拜禮  
諸 妃率公主王妃命婦詣 中宮行六肅三跪二拜禮 上御殿諸王大臣進滿洲蒙古漢字二  
種表文次第宣讀行慶賀禮 賜王公百官宴 通考

順治八年 世祖章皇帝大婚冊立 皇后前期題定納采大徵禮數 大婚前一日遣官祭告  
天 地 太廟屆日質明 上朝服出御太和殿視 冊寶授冊封使臣禮部官前導由 協和門

出詣皇后邸是日先遣親王二人奏請 皇太后至位育宮 上出宮步迎至 太和門內 皇太后由太和殿入宮册封使臣既至 皇后邸內院官讀 册寶文畢獻 皇后 皇后跪受望 闕行六肅三跪三叩禮畢 皇后升輦至 太和殿階下 皇后降輦由中道入宮禮部堂官奏請上御中和殿率諸王入宮于 皇太后前行三跪九叩禮畢 上復御中和殿 皇后率諸王妃朝見 皇太后行六肅三跪三叩禮畢禮成 皇后還宮諸王妃入侍 皇太后燕 上出御太和殿賜諸王及察哈爾額駙阿布魯親王十謝圖親王卓禮克圖親王等並貝勒文武羣臣宴畢 上回宮 皇太后乘輦還 慈寧宮 上恭送如初次日 上御太和殿諸王貝勒文武羣臣上表行慶賀禮 頒詔天下十一年 册立 皇后行大婚禮前期 諭禮部諷吉日擬定儀注及 大婚之日 御太和殿閱 册寶宣 制命正副使持節詣 皇后邸行 册立禮有司具儀駕鹵簿奉迎 皇后升輦入宮大婚禮成次日 上御太和殿文武羣臣上表行慶賀禮賜宴 頒詔天下

通志

康熙四年 聖祖仁皇帝大婚 册立 皇后前期一日行大徵禮屆日 上御太和殿閱册寶畢授册封使臣捧 册寶至 皇后第宣讀 皇后謝恩行禮畢變儀衛陳儀仗車輅鼓樂前導 皇后由大清中門行 御道入中宮 上具禮服詣 太皇太后宮 皇太后宮行禮還宮行合巹禮畢 上陞太和殿賜 皇后親屬及諸王百官筵宴 皇后詣 太皇太后宮筵宴諸王以下免行

禮公主王妃以下免會宴次日 皇后詣 太皇太后 皇太后宮行朝見禮癸巳 上御太和殿

王以下文武各官上表朝賀 頒詔天下 通考

十六年 孝昭仁皇后正位中宮行 冊立禮 聖祖仁皇帝御太和殿閱冊寶乃宣 制命正副

使持節行 冊立禮正副使至 景運門內監接奉 節 冊寶入宮 孝昭仁皇后受 冊寶行

禮如儀禮成越三日 聖祖仁皇帝御太和殿王公百官上表行慶賀禮免公主福晉命婦詣 孝

昭仁皇后宮行禮 頒詔天下 二十八年 孝懿仁皇后正位 中宮行 冊立禮如儀 通典

雍正元年 冊立嫡妃爲 皇后前期遣官告祭 天 地 太廟 社稷至期行 冊立禮俱如

儀惟慶賀典禮得 旨後三年後補行次日 頒詔天下 通志

乾隆二年十二月 冊立嫡妃富察氏爲 皇后先是雍正十三年十二月 諭禮部 朕祇遵

慈命立嫡妃富察氏爲皇后應行典禮爾部詳察具奏乾隆元年二月禮部擬定典禮具奏得 旨

冊立皇后典禮著於二十七月後舉行及二年十二月始行 冊立禮前期遣官告祭 天 地

太廟 社稷至是日 御太和殿宣 制遣使 皇后受 冊寶行禮均如儀王公百官上表稱賀

頒詔天下 十五年八月 冊立攝六宮事皇貴妃那拉氏爲 皇后先是七月奉 諭旨朕恭

奉 皇太后懿旨皇貴妃攝六宮事那拉氏孝謹成性德著椒塗乾隆十三年值孝賢皇后大事內

治需賢卽諭皇帝宜敬循 祖制以嫺貴妃那拉氏繼體坤甯皇帝秉禮準情不忍遽行冊立

權制冊命嫔貴妃那拉氏爲皇貴妃攝事六宮閣今二載嬪嬙效職壹政茂修茲逢皇帝四十大慶所當舉行冊立皇后典禮以愜予懷以符成命欽此朕敬遵 慈命載考彝章冊命皇貴妃攝事六宮事那拉氏爲皇后所有應行典禮大學士會同禮部內務府詳議以聞尋大學士等擬定儀注具奏得 旨報可 冊立之前一日遣官告祭 天地 太廟 社稷至是日御殿遣使受 冊寶暨慶賀行禮諸儀均與乾隆二年同 通考

右冊立皇后

冊封 貴妃儀 命下所司供備製 冊寶均以金既諫吉奏請 命使遣官祇告 太廟後殿 奉先殿至日遣使發 冊並如 冊封 皇貴妃之儀是日內變儀衛設 貴妃儀仗於本宮門外宣 冊寶受 冊寶及朝見儀與 皇貴妃禮同

冊封 妃儀 命下所司製 冊印均以金奏請 命使祇告 太廟後殿 奉先殿至日遣使發 冊如 冊封 貴妃之儀是日內變儀衛設 妃采仗於本宮門外宣 冊印受 冊印及朝見儀俱與 貴妃同

冊封 嬪儀 命下所司製 冊以金奏請 命使 不遣官 祇告 至日發 冊 不設 印案 如 冊妃儀是日內變儀衛設 嬪采仗於本宮門外宣 冊受 冊暨朝見儀均與 妃同

冊封 皇貴妃儀凡 冊封 皇貴妃 命下禮部諫吉以 聞乃徧布諸司供備先期工部製

冊禮部製 寶均以金送內閣鑄字行禮如儀 以上通考

崇德元年 孝莊文皇后肇封 西永福宮莊妃暨 冊封東關睢宮宸妃 西麟趾宮貴妃 東

行慶宮淑妃是日設黃幄於 清甯宮前設黃案於幄內 太宗文皇帝御崇政殿 閱冊寶宣

制 命正副使持 節至 清甯宮行 冊封禮成 妃等率公主福晉以下及大臣命婦於 太

宗文皇帝前行六肅三跪三叩禮又於 孝端文皇后前行六肅三跪三叩禮次公主福晉大臣命

婦於 妃前各行四肅二跪二叩禮各如儀

順治十三年 冊封 皇貴妃 世祖章皇帝駕幸南苑於 行宮正殿 閱冊寶遣使持 節往

封 皇貴妃受 冊寶行禮如儀禮成 頒詔天下

康熙十六年 孝昭仁皇后正位中宮同日 孝懿仁皇后肇封 貴妃又 冊封 安嬪 敬嬪

端嬪 榮嬪 惠嬪 宜嬪 僖嬪各行禮如儀其公主福晉以下及大臣命婦奉 旨均免慶

賀十八年 孝恭仁皇后肇封 德嬪行禮如儀二十年 孝懿仁皇后以 貴妃晉封 皇貴妃

孝恭仁皇后以 德嬪晉封 德妃同日封 貴妃又 惠嬪封惠妃 宜嬪封宜妃 榮嬪封

榮妃均行禮如儀停止慶賀三十七年 冊封 貴妃 和嬪 良嬪均行禮如儀五十七年 冊

封 宣妃 和妃 成妃 密嬪 定嬪 勤嬪各行禮如儀是日 諸嬪增給宋仗視 妃儀仗

內減紅緞瑞草繖拂子各一對並 命補給 端嬪宋仗

雍正元年 世宗憲皇帝 册立中宮同日 孝聖憲皇后奉封 熹妃暨封 貴妃 齊妃 懋  
嬪 裕嬪各行禮如儀是日陳設 貴妃儀仗福晉以下大臣命婦等行慶賀 皇后禮畢於 貴  
妃前行慶賀禮十二年 册封 謙嬪行禮如儀

乾隆二年 皇上行册立中宮禮同日封 貴妃 嫺妃 純妃 嘉嬪均行禮如儀六年 嘉嬪

晉封 嘉妃暨 册封 愉嬪 怡嬪 舒嬪均行禮如儀十年 貴妃晉封 皇貴妃 嫺妃 純

妃晉封 貴妃 愉嬪晉封 愉妃暨 册封 令嬪均行禮如儀十四年 册封 攝六宮事皇

貴妃同日 嘉妃晉封 貴妃 合嬪 舒嬪晉封 妃暨 册封 婉嬪均行禮如儀奉 諭部

所進册封皇貴妃攝六宮事及晉封貴妃儀注內稱公主福晉命婦皆詣皇貴妃貴妃宮行禮等語

朕意初封卽係貴妃者公主福晉命婦自應行禮若由妃晉封者儀節較當酌減此一定之差等且

今皇貴妃及嘉貴妃同日受封而公主福晉命婦行禮略無區別則於儀制亦未允協嘉貴妃前者

照純貴妃之例不必行禮十六年 册封 慶嬪 穎嬪十九年 册封 忻嬪均行禮如儀二十

四年 令妃晉封 貴妃 慶嬪 穎嬪晉封 妃暨 册封 豫嬪均行禮如儀二十五年 純

貴妃晉封 皇貴妃行禮如儀二十八年 忻嬪 豫嬪晉封 妃均行禮如儀三十年 令貴妃

晉封 皇貴妃行禮如儀三十三年 慶妃晉封 貴妃 容嬪晉封 妃暨 册封 順嬪均行

禮如儀三十六年 册封 惇嬪行禮如儀三十九年 惇嬪晉封 妃行禮如儀四十一年 順

三十四年元月又具奏皇貴妃 卷三十一 皇月 禮嘉 七 約雅堂藏板

嬪晉封二妃暨 册封 誠嬪 循嬪均行禮如儀 以上通典

右册封妃嬪

册立 皇太子 册封附 古稱建儲為國本史册所載或以貴宗招攝或因讒間獲咎往往有之蓋古今

事勢不同未可執一而論也我 朝 列聖相承 天眷有德付託得人 聖祖仁皇帝時以理密

親王分居嫡長册建東宮 教誨成全至再至三其後終以罪廢嗣是臣僚有以建儲請者 特召

諸大臣宣諭以為君難為臣不易今欲立皇太子必能以朕心為心方可立之豈宜輕舉及 顧命

之際以神器授我 世宗憲皇帝天下臣民莫不傾心悅服僉謂 聖祖之深識遠慮高出於從古

帝王萬萬也我 皇上生知天縱自冲齡即蒙 聖祖鍾愛及 世宗踐阼之初 眷注攸屬 召

集諸王大臣密書 諭旨藏之 乾清宮最高之處 神明化裁勅勅古人所未有初不假受册出閣

之虛文也 皇上續緒以來慎選臣僚授經內廷程課尤密 臣等恭讀 諭旨謂建儲一事如封建

井田不可行之近世仰見 睿照高深洞徹時勢此論實古今所未發又以史册所載立建儲事

蹟有關鑿戒者編輯古今儲貳金鑑一書垂世久遠煌煌 聖訓具載簡端謹述之卷中以開千禩

之感云

康熙十四年 册立嫡子允禔為 皇太子前期一日遣官告祭 天 地 太廟 社稷至是日

御太和殿遣輔國公葉伯舒大學士圖海為正使戶部尚書覺羅勒德洪兵部尚書王熙為副使

持節行 冊立禮 上率諸王貝勒貝子公內大臣大學士都統尚書子侍衛等詣 太皇太后

皇太后宮行禮次日 御太和殿受賀 頒詔天下 四十八年三月辛巳以復立 皇太子 頒

詔天下前期遣官告祭 天 地 太廟 社稷是日行冊立禮次日 頒詔天下 以上通考

五十二年 聖祖仁皇帝諭領侍衛內大臣大學士九卿等曰趙申喬陳奏皇太子爲國本應行冊

立朕自幼讀書凡事留意繕悉無遺况建儲大事朕豈忘懷但關係甚重有未可輕立者昔立允祚

爲皇太子時索額圖懷私倡議凡皇太子服御諸物俱用黃色所定一切儀注幾與朕相似驕縱之

漸實由於此索額圖誠本朝第一罪人也宋仁宗二十年未立太子我 太祖皇帝並未預立皇太

子 太宗皇帝亦未預立皇太子漢唐以來太子幼冲尚保無事若太子年長其左右羣小結黨營

私鮮有能無事者今眾皇子學問見識不後於人但年俱長成已經分封其所屬人員未有不各庇

護其主者即使立之能保將來無事乎今欲立皇太子必能以朕心爲心者方可立之豈宜輕舉朕

將允祚從幼教訓迨後長成變爲暴虐無所不爲推其故皆由瘋狂成疾迷惑所致此疾有一十餘

載矣自廢而復立以來朕尤加意教訓心血耗盡因伊狂疾終不痊愈故又行廢黜立皇太子事未

可輕定特召集爾眾大臣明示朕意

通典

雍正元年 世宗憲皇帝 召總理事務王大臣滿漢文武大臣九卿面 諭曰我 聖祖仁皇帝

爲 宗社臣民計慎選于諸子之中命朕繼承統緒于去年十一月十二日倉猝之間一言而定大



計 聖祖之精神力量默運于事先貫注于事後高出乎千古帝王之上自能主持若朕則豈能及此也今朕諸子尚幼建儲一事必須詳慎此時安可舉行然 聖祖既大付託于朕朕身為 宗社之主不得不預爲之計今朕特將此事親寫密封藏于匣內置之乾清宮正中 世祖章皇帝御書

正大光明匾額之後乃宮中最高之處以備不虞朕意若此諸王大臣其共議之諸王大臣奏曰

皇上聖慮周詳臣下豈有異議惟當謹遵 聖旨 上曰爾諸臣既同心遵奉諭旨朕心深爲慰悅

乃命諸臣退仍留總理事務王大臣將密封錦匣收藏于 乾清宮正大光明匾額後乃出 通考

乾隆元年召總理事務王大臣九卿等面 諭曰朕思 宗社大計莫如建儲一事自古帝王卽位

首先舉行所以重國本而定鴻基也朕卽位已逾半載而未經降旨者並非不稽古典而視此事爲

緩圖良以後世人心不古往往有因建儲太早以致別生事端者或本人恃貴驕矜漸至失德或左

右逢迎諂媚誘引作非甚且奸宄之徒窺視讒構以搖動之是以 皇祖當日于建儲一事大費苦

心及授神器于我 皇考時一言而定萬世之業我 皇考御極之元年 聖心卽默注朕躬不肯

宣布中外而傳集諸王大臣九卿特加訓諭 親書密旨收藏于乾清宮正大光明匾額之後此我

皇考監古宜今寶愛玉成之妙用也今朕當春秋方盛之時皇子年齒又尚沖幼揆之事勢雖若

可緩而國本攸係自以預定爲宜再四思維惟有循用 皇考成式親書密旨照前收藏將來皇子

年齒漸長日就月將識見擴充志氣堅定萬無驕貴引誘之習朕仍應布告天下明正儲貳之位今

日朕親書密旨著總理事務王大臣親看宮中總管太監謹收藏于乾清宮正大光明匾額之後以  
上通考

四十八年九月 上諭三代以後人心不古秦漢預立太子其後爭奪廢立禍亂相尋不可枚舉遠  
而唐高祖立建成爲太子至于兄弟相殘建成被害近而明神宗朝羣臣奏請預立國本紛紜擾亂  
大率皆爲後來希榮固寵之地甚至宵小乘間伺釀爲亂階如梃擊等案神宗召見太子立爲慰  
藉父子之間至于如此閱之眞可寒心可知建儲册立非國家之福召亂起釁多由於此是以 皇  
祖有鑒於茲自理密親王既廢不復建儲迨我 皇祖龍馭上賓傳位 皇考詔登大寶十三年勵  
精圖治中外肅清 皇考敬法 前徽雖不預立儲位而於宗祜大計實早爲籌定雍正元年卽

親書朕名緘藏於乾清宮正大光明匾內又另書密封一匣常以隨身至雍正十三年八月 皇  
考升遐朕同爾時大臣敬謹啟視傳位于朕之 御筆復取出內府緘盒密記核對膺合人心翕然  
此天下臣民所共知者也朕登極之初恪遵 家法以皇次子乃 孝賢皇后所生嫡子爲人端重

醇良依 皇考之例曾封其名藏于乾清宮正大光明匾內後乃稟命不融未幾薨逝遂命大學士  
鄂爾泰張廷玉將其名撤出追諡爲端慧皇太子是未嘗不立嫡也但不以明告衆耳嗣後皇七子  
亦 孝賢皇后所出秉資純粹深愜朕心惜不久亦卽悼殤其時朕視皇五子於諸子中覺貴重且  
漢文滿洲蒙古語馬步射及算法等事並皆嫻習頗屬意於彼而未明言乃復因病旋逝設依書生

三四月... 正... 卷三十一... 皇...  
之見規倣古制繼建元良則朕三十餘年之內國儲凡三易尚復成何事體是以前於癸巳年復書所立皇子之名藏於匣內常以自隨是年 南郊大祀命諸皇子在 壇襄事曾以所定皇子默禱

上帝若所定... 克承堂構則祈 昊蒼眷佑俾得年命延長倘非 天意所屬則速奪其算朕

亦可另爲選擇毋誤我國家宗社生民重寄本年恭詣 盛京祇謁 祖陵亦如告 天之言默祝

於 太祖 太宗之前仰祈 靈爽式憑永垂昭鑒朕非不愛子也誠以宗社爲重若朕之子孫皆

以朕此心爲心實大清國億萬斯年之福也總之建儲一事卽如井田封建之必不可行朕雖未有

明詔立儲而於 天 祖之前旣先爲齋心默告實與立儲無異但不似往代覆轍之務虛名而實

受禍耳十月 諭曰朕歷覽前代建儲諸弊及我朝 家法相承於立儲一事之不可行已明降諭

旨宣示中外至史冊所載因建立儲貳致釀事端者不可枚舉自當勒成一書以昭殷鑒著皇子等

同軍機大臣及上書房總師傅等將歷代冊立太子事蹟有關鑿戒者採輯成書陸續進呈卽著皇

孫等之師傅爲騰錄書成名爲古今儲貳金鑑 通典

四十九年 上召見諸皇子大學士軍機大臣諭曰朕卽位之初默告 上天若蒙 穹蒼眷佑願

如 皇祖御極六十年之久不敢復有奢望其時朕年甫二十五歲並未計及六十年當至八十五

歲至過五旬萬壽後始憶及此因暇日侍 聖母時面奏及此曾蒙 慈諭皇帝如此勤政愛民天

下臣民亦必不肯聽皇帝歸政朕因默念若得 上天嘉佑 聖母壽逾百齡朕卽八十五歲亦何

敢卽言歸政今旣始願不遂追憶斯言實深悲咽朕春秋七十有四距歸政尙十一年倘蒙 嘉貺  
將來得歸政願養親爲授受豈非古今稀有之盛事而朕之心亦可明於天下後世朕非不立儲特  
不肯效立儲之虛名俾衆人有所窺伺致父子之間有責善則離之不祥爾此正朕維持調護之殷  
衷 天地 祖宗實鑒朕心若子子孫孫皆能以朕此心爲心則我大清億萬年可永承 鴻貺於  
無疆也 通考

右册立皇太子

鄭志有册封諸王侯一條我 朝監古定制無册封藩國之典茲謹循會典通禮所載 册封親王  
親王世子郡王儀節著于篇中

凡 册封親王及親王世子 命下禮工二部製 册寶皆以金若嗣封王則注名于 册寶世相

傳授預期禮部諫吉奏請 命內大臣散秩大臣一人爲正使內閣學士翰林院學士禮部侍郎一

人副之詣王邸第正使持 節前行副使奉 制册禮部官奉寶隨行王率所屬官朝服跪迎入門

行三跪九叩禮宣 制册官賈王退立拜位行三跪九叩禮畢正使奉 節出王率屬出大門外跪

送如儀封使回還 節有司退若 册封郡王製 册寶皆銀質金飾餘與親王及世子同凡 册

封郡王長子貝勒貝子 命下工部製 制册以紙前期禮部奏請 命內閣侍讀學士侍讀翰林

院侍讀學士侍講學士侍讀侍講一人爲正使禮部郎中員外郎一人副之迎 節册受 册送

節均如諸王儀 以上通志

杜典有策拜諸王侯一條蓋兼同異姓而言之今考我朝定制同姓封爵載在會典者和碩親王親王世子多羅郡王郡王長子多羅貝勒固山貝子鎮國公輔國公未入八分鎮國公未入八分輔國公鎮國將軍輔國將軍奉國將軍奉恩將軍凡十有四等親王以下貝子以上受封者 旨下舉行 冊封典禮謹據 六清會典備列如左

崇德元年定 冊封諸王貝勒貝子之禮屆日諸王貝勒及文武各官均於 崇政殿前分翼序立內院官奉 制冊印設 殿內黃案上請 旨授封內院官引諸王貝勒依次進跪 殿前宣 制冊官及奉 制冊官於黃案東面立次第宣 制冊畢奉 制冊印授諸王貝勒王等祇受轉授從官從官跪受王等次第各復原位立 冊封禮成奉 制冊印官前行王等隨後進至 清甯宮前前行官分翼東西面立鳴贊官贊排班贊進贊跪叩興王等於 皇帝前行三跪九叩禮畢前引官前行王等隨後由 大清門次第出諸王貝勒相賀接班次序立互行二跪六叩禮各回府第諸王福晉貝勒夫人等各於王貝勒前行慶賀禮畢王府屬官僚各於本王前慶賀行二跪六叩禮貝勒府屬官各於貝勒前慶賀行一跪三叩禮

順治九年定諸王貝勒貝子公等受封謝 恩禮部具題於每月常朝日進 殿前行禮十四年定親王郡王嗣封者傳至宗人府禮部堂官授 冊寶該嗣王跪受貝勒以下奉恩將軍以上傳至宗

入府宗人府官頒給 誥命均跪受若年幼者就府第官賜

康熙十二年定封親王世子郡王 欽點正副使持 節往封受 冊寶印禮儀封親王曰寶郡王

曰印貝勒有 制冊無印其行禮並同

乾隆三十九年諸王遞降之例自貝勒貝子公以下至奉恩將軍不過六七傳卽至奉恩將軍世襲罔替朕心仍有所不忍嗣後著加恩凡親王以次遞降者至鎮國公而止郡王以次遞降者至輔國公而止其公爵均著世襲罔替著爲令 四十二年奉 旨復還睿親王封號並令補繼襲封又信郡王改復豫親王原封康親王改復禮親王簡親王改復鄭親王顯親王改復肅親王平郡王改復克勤郡王原號 以上通典

右冊封諸王貝勒貝子

凡 冊封公主正使用內大臣散秩大臣副使用禮部滿侍郎內閣滿學士翰林院滿掌院學士劄

欽天監擇吉後行文各該衙門移取銜名開列奏請 欽派正副使仍將 冊封儀注奏 閱得

旨行知正副使及公主府行太常寺派宣讀官部派筆帖式二員前引 通考

崇德元年定 冊封公主之禮是日內院官奉 制冊設采亭內陳設 崇政殿請 旨投封特

節官前行次 冊亭次封使至公主府門公主率侍從等出儀門右迎入行受 冊禮禮成封使持

節復 命公主送 節至儀門外是日諸王貝勒文武各官咸於 崇政殿前分翼序立 皇帝陛



命

康熙十二年定凡封親王世子郡王福晉奏遣正副使及宣讀官與親王世子郡王例同封貝勒諸子夫人與封貝勒貝子例同鎮國公夫人以下奉恩將軍恭人以上由宗人府禮部給授 誥命三十九年定王福晉以下貝子夫人以上未經受封者五年一次由部彙題遣使往封 以上通典三十八年正月奉 旨嗣後福晉及多羅格格以上俱稱位其夫人以下概應稱人不得稱位 通考

右册封福晉夫人

凡封郡主縣主郡君間五歲禮部彙請遣使往封均用紙册 凡親王嫡繼福晉所生女俱封郡主側福晉所生女降二等封郡君親王世子郡王嫡繼福晉所生女俱封縣主側福晉所生女降二等封縣定凡親王郡王妾所生女均不准封郡王長子貝勒嫡夫人所生長女封郡君其餘俱作爲側夫人所生之女貝子嫡夫人所生長女封縣君其餘俱作爲側夫人所生之女入八分公嫡夫人之長女封鄉君其餘俱作側夫人所生之女凡貝勒以下准封嫡出之女一人其餘及側夫人妾所生之女均不准封凡親王郡王庶出女許字外藩者照公嫡出女之例請封 通考

順治十一年定封郡主縣主郡君禮儀均與公主同唯封郡主以下均給授 誥命

康熙十二年定封郡主縣主郡君奏遣正副使宣讀 制册官均與封貝勒貝子例同縣君鄉君由宗人府禮部給授 誥命三十九年定郡主縣主郡君未經受封五年一次由部彙題遣使往封 以上通典



乾隆十二年議准宗室庶女從無受封之例有許字蒙古者念其遠通外藩格外加恩以示優禮嗣後本家奏准許婚後報宗人府請旨交部照例具題二十七年奉旨凡王公之女請封俱先

呈報宗人府再行知禮部

通考

右册封郡主縣主郡君縣君鄉君

凡 皇子指婚內務府豫劄欽天監諫吉日並列大臣命婦中偕老者奏襄婚事既得旨以告于

福晉家屆期贊事大臣偕福晉父蟒袍補服詣乾清門東階下福晉父北面跪贊事大臣西面稱

有旨今以某氏女作配與皇子某為福晉福晉父承旨訖行三跪九叩禮退適諫旨納幣奉迎

合香品物禮節如儀婚禮既成翼日皇子及福晉夙興朝服內務府管領妻一人導詣皇太后

皇帝皇后前行朝見禮皇子三跪九叩福晉六肅三跪三叩其有妃嬪所出者次詣所出

妃嬪前行禮皇子二跪六叩福晉四肅二跪二叩各如儀

通志

凡 皇孫皇曾孫指婚由內務府辦理會同禮部具奏後禮部傳行齊集既分府即傳行於府第

齊集皇孫婚禮初定日設宴二十席成婚日設宴四十席皇曾孫婚禮初定日設宴十六席成

婚日設宴二十席其餘皆如皇子儀

通考

康熙年定皇子婚禮由內務府承旨交欽天監擇吉具奏至日命大臣婦偕老者一人傳

旨福晉父祇受命行謝恩禮皇子往福晉父家行禮擇吉行納采禮采幣等物詳見通禮成婚禮均設

燕 皇子婚娶前期於 皇太后 皇帝 皇后前行禮成婚次日偕福晉於 皇太后 皇帝

皇后前行禮如 行幸駐蹕 時巡省方俟 回鑾擇吉行禮

定 皇孫婚禮納采用表裏八十棉二百五十斤餘均與 皇子同納采設筵席羊二十六酒四十四瓶成婚設筵席羊三十五酒五十瓶餘均與 皇子同

乾隆四十六年十月定 皇曾孫婚禮納采用表裏五十棉一百七十斤餘均與 皇孫同納采設筵席羊十二酒十六瓶成婚設筵席羊十六酒二十瓶餘均與 皇孫同 以上通典

### 右皇子皇孫婚

凡親王將及冠訪朝臣女或外藩王女年齒相當者奏 聞請 旨 命下以次行禮定婚納幣成婚如儀如奉 旨賜婚者是日王朝服詣 太和殿前謝 恩如儀既成婚之明日王及福晉夙興朝服詣 大內謝 恩行禮如 皇子婚儀凡世子郡王納幣禮降于親王一等若聘外藩親王女鞍馬甲冑繒帛白金器如親王聘外藩郡王女之數婚禮既成餽贈外藩親王郡王及福晉送女來者並女之兄弟及隨從男婦衣物均如親王例凡長子貝勒婚儀納幣禮數降于郡王一等凡貝子宗室公宗室將軍閑散宗室婚儀各以次降一等 通志

宗德初定親王郡王親王世子郡王長子貝勒貝子鎮國公輔國公鎮國將軍輔國將軍奉國將軍閑散宗室婚禮 詳見通禮 又定覺羅婚禮有職者各照品級無職者與庶民同

順治九年定王以下公以上奉 旨賜婚者咸朝服於 中和殿或 位育宮和殿 保謝 恩行三跪九叩禮成婚日行禮同又定王公未受 封之子婚禮視其父已受 封者各從其爵

康熙元年定王以下入八分公以上有婚嫁事報禮部具題奉 旨賜婚者咸朝服於 太和殿或

宮門前行謝 恩禮 以上通典

右親王以下婚

凡公主下嫁之禮內務府豫劄欽天監諷指婚吉日並列大臣命婦中偕老者奏襄婚事既得 旨

禮部以告于額駙家居期贊事大臣偕額駙蟒袍補服詣 乾清門東階下額駙北面跪賞事大臣

西面稱有 旨今以某公主擇配某人額駙祇受 命行三跪九叩禮退初定筵宴 皇帝御保和

殿 賜額駙父等宴如 太和殿宴禮宴畢內務府鴻臚寺官引額駙父等至 乾清門西階下行

三跪九叩禮退是日 皇后率 皇貴妃 貴妃 妃 嬪詣 慈甯宮 皇太后陞寶座筵宴額

駙母及諸婦行禮各如儀內監引額駙母及諸婦詣 皇后宮行六肅三跪三叩禮退于歸合登禮

成翼日行朝謝禮公主額駙夙興朝服公主詣 皇太后 皇帝 皇后前行禮具有 妃嬪所出

者並詣所出 妃嬪前行禮額駙詣 慈甯門外東階下 乾清門外 內右門外行禮各如儀通志

順治初定公主下嫁之禮有 旨指婚乃擇吉令大臣命婦偕老者一人傳 旨至日召額駙及其

父兄至 宮門前大臣傳 旨訖謝 恩行禮擇吉納采具駝馬筵席羊酒詳見通禮額駙於是日詣

午門恭進乃設燕行禮如儀下嫁前一日額駙詣 宮門前謝 恩是日遣官齎送妝奩詣額駙第  
鋪設至日額駙恭進鞍馬甲冑馬駝筵席羊酒及設燕如納采儀詳見通禮下嫁日以 皇子福晉近支  
王福晉貝勒貝子夫人內 欽命二人送親合衾襄禮成婚後九日行歸甯禮通典

### 右公主下嫁

凡郡主將及笄訪外藩蒙古王子年齒相當者奏 聞請 旨 命下以次行禮若奉 旨賜婚者  
額駙先詣 乾清門謝 恩如公主指婚之儀成婚之明日額駙偕郡主夙興朝服詣 大內謝

恩行禮如親王納福晉儀凡縣主出嫁納幣視郡主降一等筵宴儀準郡王郡君出嫁筵宴儀準貝  
勒縣君筵宴儀準貝子鄉君筵宴儀準宗室公其納幣禮數各以次降一等通志

崇德初定郡主縣主郡君縣君鄉君子歸禮詳見通禮順治九年定凡奉 旨賜婚公主郡主等外藩王

以下內外各官咸朝服于 中和殿或 位育宮謝 恩行三跪九叩禮成婚日行禮同

康熙元年定奉 旨賜婚者外藩王以下內外各官詣 太和殿或 宮門前行謝 恩禮以上通

### 右郡主以下出嫁

順治九年定官員士庶婚禮公納采禮緞衣五襲緞衾褥三具金領約一具金簪二枝金耳飾全副  
是日具筵用牲九成婚日具筵二十席侯納采禮與公同納采日具筵用牲八成婚日具筵十有八  
席伯納采禮與侯納采同日具筵用牲七成婚日具筵十有七席一品官納采禮緞衣四襲餘與侯

伯同納采日具筵用牲六成婚日具筵十有五席二品官納采禮緞衣二襲緞衾褥一具餘與一品官同納采日具筵用牲四成婚日具筵十席三品官納采禮與二品官同納采日具筵用牲三成婚日具筵八席四品官納采禮緞衣二襲緞衾褥一具金領約一具金耳飾全副納采日具筵用牲二成婚具筵六席五品官納采禮與四品官同納采日具筵用牲二成婚日具筵五席六品以下官納采禮與五品官同納采日具筵用牲二成婚日用牲三軍民人等納采禮衣一襲衾褥一具金耳環全副納采日具筵用牲一成婚日用牲二

康熙七年定公納采禮緞衣五襲緞衾褥四具金領約一具金簪四枝金耳飾全副金指環四是日具筵十有六席成婚日筵二十六席侯納采禮緞衣五襲緞衾褥二具金領約一具金簪二枝金耳飾全副是日具筵十有三席成婚日筵二十席伯納采禮與侯同納采日具筵十有二席成婚日筵十有八席一品官納采禮緞衣四襲緞衾褥三具金領約一具金簪二枝金耳飾全副是日具筵十席成婚日筵十有六席二品官納采禮緞衣三襲緞衾褥一具餘與一品同是日具筵八席成婚日筵十有二席三品官納采禮與二品官同納采日具筵用牲八成婚日具筵九席四品官納采禮緞衣二襲餘與二品官同納采日具筵用牲七成婚日具筵八席五品官納采禮與四品官同納采日具筵用牲六成婚具筵六席六品以下官納采禮與五品官同納采日具筵用牲五成婚日用牲七雍正元年定公納采禮金領約一具金簪三枝金耳飾一副緞衣四襲緞衾褥二具納采日具筵用牲

九成婚日具筵二十席侯納采禮與公同納采日燕用牲八成婚日具筵十有八席伯納采禮與侯同納采日燕用牲七成婚日具筵十有七席一品官納采禮緞衣三襲餘與伯同納采日燕用牲六成婚日具筵十有五席二品官納采禮緞衣二襲緞衾褥一具餘與一品同納采日燕用牲四成婚日具筵十有三席三品官納采禮金簪一枝餘與一品同納采日燕用牲三成婚日具筵八席四品官納采禮金領約一具金耳飾一副緞衣一襲緞衾褥一具納采日燕用牲二成婚日具筵六席五品官納采禮與四品同納采日燕用牲二成婚日具筵五席六品以下官納采禮與五品官同納采日具筵用牲二成婚日用牲三自四品以下領約耳飾各聽其力能具者備用軍民人等納采禮衣一襲衾褥一具具筵用牲一成婚日用牲二凡有品級官員婚嫁或用本官執事鼓樂人不得過十一名鑼不得過六對無品級人及生監軍民不得僭用執事鼓樂人不得過八名鑼不得過四對一應慶費概行嚴禁又定漢人婚娶納采及成婚禮四品官以上綢緞不得過八疋金銀首飾不得過八件食品不得過十五品以下官各減二八品官以下有頂帶人員以上又各減二軍民人等細絹不得過四果合不得過四具金銀財禮軍民概不許用至庶民婦女有僭用冠幘補服大轎者禁違者罪坐夫男 以上通典

右品官庶士庶人婚

謹案我朝定制永不建儲冊立典禮久廢不舉茲纂仍從通考之例特立冊立條目者重

國本也

又案嘉禮內如冠服寶印車輿等類文物典章有裨識小一器一名具宜甄錄第以方綱既張細目自舉且瓌瓌臚載三通巨秩集隘難容今謹從省務歸簡要

二十四史九通政典類要合編卷三百十二

皇朝二十

禮軍大閱

大將

親征

命將出征

凱旋效勞

受降

獻俘受俘

獻俘受俘

杜典有出師儀制一條以揚兵講武附焉夫所謂出師儀制者即親征是也考杜典此條所載亦祇

各代閱兵講武之典而已今從 大清通禮之例改爲大閱並移於軍禮之首伏考 皇朝天聰年

間 太宗文皇帝率貝勒等演習行陣是爲 大閱之始 列朝皆舉行之以爲恆制 皇上續承

前烈訓武習勤於 南苑及 暢春園西廡屢行 大閱之禮 敕定儀注益爲完備茲悉恭紀

於篇至於內而京營外而直省教閱之制別詳兵典云

天聰七年太宗文皇帝舉行大閱分八旗護軍爲左右翼舊漢人馬步軍爲一營滿洲步軍爲一

營俱四面環列前設紅衣礮三十位及各種大小礮隊旣成乃上奏 土覆甲乘馬率大貝勒代善

及諸貝勒先 周視眾軍畢陞 御座諸貝勒率護軍如對敵狀護軍在前諸貝勒率親軍立於

後吶喊三次傳令聞礮聲三卽喊而進聞蒙古角聲卽退於是眾軍皆依令而進依令而退次舊漢

人馬步軍次滿洲步軍亦如對敵三喊而進攻礮軍礮軍亦聲礮對戰 閱畢 碩論申明軍令

通

順治十六年世祖章皇帝論大閱典禮三年一行永著爲例連年尚未修舉著卽傳諭

典

九年官兵整



肅軍谷候秋月朕親行閱視

通考

康熙二十四年聖祖仁皇帝諭兵部國家武備不可

一日懈弛舊例每歲必操練將士習試火礮爾

部傳諭八旗都統等豫爲整備朕將親閱是年上由午門出宣武門八旗都統各率所部將士

授甲冑屬靈驪建旗纛自營子里夾道分列至拱極城前鋒官軍自盧溝橋夾道分列至王家嶺山

麓官軍排列槍礮分東西次第布列上登王家嶺御黃幄陞座軍中吹螺角者三發巨礮三排

槍相繼齊發命將士發巨礮八旗所列將軍礮位及諸火器一時齊發凡二次禮成御行宮召

扈從諸王大臣等賜燕畢御黃幄設布侯較射而還

通志

乾隆三年兵部議奏大閱之禮照順治十六年定例三年一次具奏請旨其辦理事宜照雍正

六年規制舉行奉旨朕於明年大閱嗣後遇朕親閱之年該部豫期具奏先命王大臣操演仍三

年一次請旨

通考

四年奏定大閱吉期由操演兵丁王大臣約計月分奏請交與欽天監選擇先期二日各旗往

南苑設立連營演兵王大臣等會同領隊大臣率官兵前往住宿武備院設御營帳殿於南苑

瞭鷹臺帳殿後設圓帳恭候皇帝躬御甲冑鑾儀衛於帳殿前左右設三旗蒙古畫角侍衛

班領設親軍海螺兵部設八旗傳令海螺於臺下乘馬以次排至鹿角前八旗各建大纛於本旗汎

地中列八旗漢軍鹿角於陣前次列漢軍礮車左右列滿洲礮車鳥槍護軍驍騎以次排列八旗前

鋒在大器營兵之後首隊之前排列其次護軍驍騎各按本翼本旗排列成陣次隊護軍驍騎在首隊兵後按翼按旗排列又設兩翼援兵於首隊兩旁各張旗幟既成列兵部堂官奏請 皇帝閱操 皇帝駕臨瞻鷹臺圍囿 躬環甲冑扈從內大臣侍衛親軍等均甲冑兵部堂官奏請 親閱隊

伍內大臣兵部堂官前導後扈大臣及總理演兵王大臣隨從之 御前大臣侍衛 乾清門侍衛

滿洲大學士等均隨行其次豹尾班侍衛隨行又次黃龍大纛隨行又次上三旗侍衛按次隨行在

火器營兵之後首隊之前自左至右閱隊一周還 御瞭鷹臺帳殿兵部堂官進前跪奏請鳴角

帳殿前蒙古畫角先鳴次親軍海螺傳令海螺以次遞鳴聲至鹿角前首隊次隊海螺齊鳴傳令海

螺漸次退至臺下兩邊排列舉鹿角兵聞鼓而進鳴金而止麾紅旗則槍礮齊發鳴金則止如此九

次至第十次連環齊發鳴金三次連環乃止滿洲礮至第七次停發將礮馱載馬上入隊隨行連環

發畢鳴金後鹿角分爲八門首隊前鋒護軍驍騎排開駐立次隊亦隨進在礮槍之後駐立首隊排

齊候鳴礮皆聲喊前進兩翼應援兵亦斜向前進以次及殿後兵進八旗火器營礮位鳥槍護軍驍

騎首隊前鋒護軍驍騎按數各赴本旗號纛相近處駐立將鹿角分爲八行鳴礮而回在原排列處

排列首隊兵回後鳴礮殿軍亦結隊回鹿角內在原排列處排立畢兵部堂官奏 大閱禮成 駕

御圓幄釋甲自隨從大臣侍衛隨釋甲 駕還行宮以次 賜食賞饌筵有差通志

二十年定 大閱日陳 騎駕鹵簿於 行宮門外 駕出作鏡歌大樂奏壯軍容之章 回鑾作

二四身才通正典身有終  
卷三十一  
二  
鏡歌清樂奏皇威之章 駕將出聲礮三 駕御帳殿開操時軍中三舉礮 大閱禮成 駕回

行宮聲礮三將士各歸營伍餘如前儀

典通

二十八年 皇上大閱於 暢春園之西廠是日 上御大西門幄次 賜宴烏罕來使和卓密爾

哈拔達克山來使阿布都爾阿咱木霍罕來使巴巴什克西哈薩克譚爾根濟部來使塞德克勒啟

齊玉斯部來使烏呼巴什布魯特部及回部年班入覲之喀什噶爾諸城阿奇木伯克等宴 命諸

王滿漢文武大臣朝正外藩蒙古王公貝勒貝子額駙白吉入宴回部郡王霍集斯等並預坐晏畢

上御幄次前牽帳 閱健銳營八旗火器營前鋒護軍漢軍槍礮陣法 命諸回部使臣皆與觀

大閱畢 諭此次大閱於前一日晚間傳行次日兵丁即全帶器械前往伺候妥協此方不負滿

洲世僕朕嘉悅焉著加恩將大閱內所有兵丁每人賞給錢糧其餘雖不在操演之內但聽傳即往

亦著加恩每人賞給

通考

右大閱

古者蒐苗獮狩之典所以講武事而數軍實其事與振旅治兵相表裏降及兩漢射熊長楊之館校

獵廣成之苑詞臣鋪張形於賦頌唐開元禮有田狩儀宋初恆以秋冬或正月田於四郊元時御位

及諸王位下皆有打捕獵戶而近郊捕獵則謂之飛放今之 南苑即元飛放泊也明時亦稱南子置

海戶千餘守之永樂天順間常蒐獵於此我 朝以神武定天下 太祖 太宗開國之初常率諸

貝勒大臣親行校獵申嚴軍令賞罰必當 世祖一統中外歲時 行幸南苑間或 幸塞外行圍  
以習武備 聖祖際承平之運自三學平定以後兵革不試然猶 時巡塞外建 山莊於熱河每  
歲避暑於此蒙古諸部獻其牧地以爲 至尊肄武合圍之所秋時大獵名王扈從射獵奔走恐後  
畏威懷德悉主悉臣蓋於講武示威之中寓柔遠綏邊之略古所稱烏乾豆爲賓客而有事者規模  
更宏遠矣我 皇上恪遵 家法每歲 巡幸木蘭舉行焮獵之典四十九旗及喀爾喀青海王公  
分班入覲負弩先驅一如故事加以 天威遠暢西域蕩平康居大食之名王布露大宛之貢使投  
誠歸命稽首塞垣者莫不瞻仰 清光蹈舞震響所以法 天行繩 祖武鑿文恬武嬉之失而  
靡持盈保泰之衷訓武習勤治內安外用永固此丕丕基也猶歎盛哉

通考

崇德二年上幸請王往獵於某赫地方 上渡遼河行獵時有護軍統領哈靈噶巴都禮等率獵人  
前後雜任行 上怒責之曰爾等皆習熟敗獵之人凡獵必先整圍場然後併力合圍乃可獲獸今  
爾等漫無紀律或前或後何獸之可得耶此皆該管章京懦弱不能約束之所致今姑寬宥後再加  
此定治以重罪

以上通考

順治八年九月禮部擬奏儀注凡 車駕出獵外藩王以下於 行在朝見賜燕各官侍班鳴贊唱  
贊行禮如不賜燕不侍班亦不鳴贊從之十年三月 世祖章皇帝幸南苑行圍 謹按 南苑方  
一百六十里在永定門外二十里元爲下馬飛放泊明永樂中增廣其地以爲蕃養禽獸種植蔬果

之所中有海子大小凡三有貯鷹臺亦名按鷹臺皆元舊也禁城北有海子故名南海子 國朝設  
總管防禦等官守之周繚以垣四達爲門時 命禁旅合圍校獵其儀制具詳於後過年春季 皇

子等於此行圍蓋卽以肄武事也

通典

康熙元年定恭遇 御駕行圍嚮導奏定 駐蹕之地護軍統領營總各一人率護軍參領護軍校

護軍預往相度地勢廣狹同武備院卿司帳及工部官設立 行營中建帳殿 御幄繚以黃髹木

城建旌門覆以黃幕其外爲網城正南暨東西各設一門正南建正白東建鑲黃西建正黃護軍旗

各二東西門後三面設連帳旌門領侍衛內大臣率侍衛親軍宿衛網城門八旗護軍統領率官兵

宿衛又外八旗各設帳房專委官兵禁止喧譁 御營之前扈從諸臣不得駐宿東四旗在左翼西

四旗在右翼均去 御營百步建鑲黃旗護軍纛於後正黃旗護軍纛於右正白旗護軍纛於左扈

從人等各按翼駐宿去 行營二里外前鋒營相形勢設卡倫於路左右八旗各設帳房豎旗幟以

爲偵哨以禁行人蒙古王公台吉去 御營三五里外各酌立營帳路中設頓營或一或二亦由嚮

導指定地方護軍參領率護軍建黃布幔城武備院設帳殿每日輜重行時豫期奏請 欽點大臣

數入統轄武備院卿嚮導護軍參領率 御營輜重前行次三旗營總護軍參領率三旗護軍纛并

行王以下輜重均各隨纛行毋許攬越十年奉 旨停用木城均用黃布幔城 二十四年 上幸

古北口外行圍 謹按康熙二十四年 上幸古北口外行圍實爲秋獮大典所由始自是每年一

肆武訓戎殺輯藩服垂爲成軌增其 行宮建立圍場法制昭於萬古茲誌始事之年自後每歲行圍有紀載不能盡述者並互見於 皇朝通典通考茲不備詳焉

通志

乾隆六年七月上幸木蘭行圍是歲三月工部奏今次 大駕進哨行圍經由橋梁道路應飭地方官如式修墊其口外橋梁道路向係各蒙古修墊者令理藩院轉飭遵行得 旨國家武備不可廢弛朕於本年秋月出口行圍原以訓練兵丁仿古獨狩之禮昔我 皇祖每歲舉行所經由道路及一切事宜俱有章程朕今歲踵行悉遵舊制但恐歷年已久地方官員或借端派累隨從之人或有恣意需索及強買物件不按時價者著總督孫嘉淦不時查參毋得容隱七月 上奉 皇太后啟行 降旨免所過州縣今年額賦十分之三

嗣後每年出口行圍免例並同

八月入圍場九月 回鑾王公大臣等

恭迎如儀 謹按木蘭者圍場之總名也周一千三百餘里南北相距二百餘里東西相距三百餘里周遭設卡倫守之每歲白露後鹿始出聲而鳴效其聲呼之可至謂之哨鹿 國語謂之木蘭今卽爲圍場之通稱矣凡圍場六十餘所每歲 車駕大獵或十八九圍多或二十圍蓋於講武中寓好生之德與成湯三面解網之意同一揆也

通考

七年幸木蘭行圍時大兵平定準噶爾綽羅斯白吉噶爾藏多爾濟等入覲 賜觀圍二十一年

幸木蘭行圍時都爾伯特台吉伯什阿噶什來覲及土爾扈特汗敦噶布喇什之使臣吹札布入貢 皆 賜觀圍二十二年 幸木蘭行圍時哈薩克汗阿布賴使臣肯集哈拉等入貢 賜觀圍二十

三年 幸木蘭行圍時布魯特使臣車里克齊等先後入貢皆 賜觀圍 上以西域諸部降附來朝自乙亥丁丑戊寅三年皆適會於布呼圖口地靈佳兆若有神異改其地名曰伊縣峪伊縣者

國語會極歸極之美也

通典

二十四年建濟爾哈朗圖 行宮自波羅河屯入圍場有二道東道由崖口西道由濟爾哈朗圖每歲行圍多從崖口出入至是建 行宮於濟爾哈朗圖二十七年復於濟爾哈朗圖之北建阿穆呼朗圖 行宮嗣後 聖駕行圍若從崖口入則 回鑾由濟爾哈朗圖若從濟爾哈朗圖入則 回鑾由崖口永以爲例

通志

### 右大將

杜典載周禮天子將出征類宜造禡并祭所過山川各條皆屬親征之禮歷代亦未能具舉也伏惟我 朝武烈奮揚薄海震疊 太祖高皇帝親履行陣肇迹拓統 太宗文皇帝証明征服朝鮮 聖祖仁皇帝蕩平朔漠皆 親統六師用彰撻伐 殊勳 偉烈載在 實錄 方略昭示萬年茲敬稽 親征之禮著於會典者如告 天及祭 堂子皆類祭遺意告 太廟告 社稷卽所謂宜於社而造於禡也至列纛行禮是爲禡祭又遣祭道路之神而所過名山大川咸遣官致祭如禮及凱旋而告至受成儀悉備焉

崇德元年太宗文皇帝親統大軍往征朝鮮先期告 天告 廟 頒行軍律令乃分兵爲左右翼

右翼兵由 東京大路至渾河排列左翼兵由撫順大路排列 聖駕出撫近門設鹵簿吹螺奏樂  
恭謁 堂子行三跪九拜禮復於 堂子外建立八轟吹螺奏樂行三跪九拜禮畢遂啟行大軍直  
抵南漢城西駐營朝鮮降服二年 太宗文皇帝率從征王貝勒大臣等班師朝鮮國王率羣臣出  
王城十里外跪送 太宗文皇帝下馬升座該王率羣臣行三跪九叩禮 賜國王侍坐于 御座  
之側 賜茶國王起謝畢遣大臣二人送還國 諭親王等各宜嚴束士卒毋得殺降擾民 太宗  
文皇帝乃於軍中率諸王貝子群臣以班師祭旗羣行禮沿途各地方官率眾遠迎跪候 聖駕過  
隨大軍後至 駐營處 賜各官遙坐遣大臣 賜酒次日 駕發時地方官員進獻牛米等物率  
軍民道旁跪送留 盛京鄭親王等於齋奏賀表後深至 盛京城二十里外除道設黃幄在 盛  
京王貝子文武羣臣及土默特鄂爾多斯蒙古呼爾哈部長等皆前期祇候 聖駕將臨離營五里  
許跪迎道左候過隨行 太宗文皇帝入黃幄陞座王等率眾排班贊禮官贊王等奉表跪進國史  
院大學士接表跪宣畢王等率眾行三跪九叩禮乃大燕燕畢起行至 盛京日恭謁 堂子行禮  
由懷遠門入還 清寧宮

以上  
通典

康熙三十五年二月聖祖仁皇帝以厄魯特噶爾丹悖虐遺孽大兵分道並進 躬統六師由中道  
聲罪致討欽天監擇日啟行至日遣官致祭 道路 火礮之神 聖駕出宮進 堂子街門行三  
跪九叩禮畢致禮於 旗纛之神 聖駕啟行至西巴臺遣使齋 勅往諭噶爾丹 躬率前鋒軍



進發噶爾丹驚遁 聖駕至克魯倫河復率前軍追至托諾分兵遣平北將軍追攝 聖駕回鑾是年九月噶爾丹收集散亡復圖侵掠大將軍報至 聖祖仁皇帝親巡行北邊經理機務欽天監擇定行軍日期十九日 聖祖仁皇帝駕發京師十月至白塔向歸化城十一月至和坦和碩渡河是時河冰未凍獨於渡處數里結爲堅冰車馬坦行厄魯特來降者絡繹不絕噶爾丹知部曲潰散遣使納款復願 勅諭遣使齋牲招撫乃自棟斯垓統軍 回鑾三十六年 聖祖仁皇帝三舉北征仍分兩路出師 聖駕巡晉及秦就近調遣口外王貝勒白吉等時哈密已擒逆子俘送軍前青海八台吉懇請來朝厄魯特之部長宰桑等皆納款求降噶爾丹仰藥自殺丹濟拉諾顏格隆等攜其尸來歸朔漠蕩平 聖駕自黃河舟行 回鑾通志

右親征

杜典有命將出征一條今仍其例敬考 大清會典所載 命將出征各條及乾隆十四年 諭藏經略印一大將軍將軍印各七千 皇史宬遇有應用具奏請給藏事仍舊收貯以示昭信宣武之道

崇德元年 太宗文皇帝 命多羅武英郡王貝勒貝子等率諸大臣官兵出征蒙古 親臨送出撫近門設鹵簿詣 堂子行禮又於 堂子外列護軍八纛行三跪九拜禮畢 親送至演武場誠諭遣行是年 命和碩睿親王和碩豫親王貝勒貝子公大臣等率大軍出征蒙古分兩翼前後啟

行至日 上親率出師諸王貝勒貝子大臣出撫近門謁 堂子行禮列入纛復行禮畢 上親送出師諸王等至演武場 上陞御座召諸王貝勒貝子大臣等近前誠諭諸王等率兵營礮三啟行

聖駕入地載門還宮

以上通典

順治元年世祖章皇帝命攝政和碩睿親王同多羅豫郡王貝勒貝子公八旗都統副都統暨恭順懷順智順三王等率兵略定中原詣 堂子列入纛行禮畢大軍聲礮啟行是年 命和碩英親王

爲靖遠大將軍往征流寇賜之以 勅 世祖章皇帝御門陞座內院大臣奉三體 勅書宣讀畢

奉 勅印授大將軍王及出征各官行三跪九叩禮畢啟行五年 命都統爲征南大將軍統兵征

討江西賜之以 勅儀與元年同是年 命固山貝子爲平西大將軍討陝西叛獯賜 勅儀同

通志

康熙十三年正月 命多羅順承郡王爲寧南靖寇大將軍帥師之湖廣都統爲安西將軍帥師之

四川是日內閣大臣設 勅印於 太和殿外東旁黃案上出征王至丹陞上禮部堂官奏請 御

殿 陞座出征王及各官跪大學士奉 勅印授王王跪受轉授從從內閣官行三跪九叩禮畢禮

部堂官奏請恭詣 堂子行禮 聖駕至出征王及諸王貝勒都統尙書等官出征副都統以上各

官咸隨至 堂子禮部堂官恭導就位行禮 聖祖仁皇帝行三跪九拜禮 聖駕出樂作進長安

左門樂暫止 聖駕出長安右門外送行禮成啟行是年八月 命王貝勒爲大將軍將軍領兵出

征湖廣不詣 堂子行禮不 親送大將軍等出 午門遣親王內大臣出 長安右門往送餘儀

官同十月 命和碩簡親王爲揚威大將軍帥師之江甯和碩安親王爲定遠平寇大將軍帥師之

廣東 聖祖仁皇帝御太和殿賜以 勅印詣 堂子行禮拜蠶還出 長安右門送之行通典

雍正七年議准 命將出征之前日應遣官行告 廟禮起行之日應遣官祇告 奉先殿其祝文

均由翰林院撰擬是年議准 命將出師授大將軍 勅印拜蠶儀又議准 命使齋送 勅印大

將軍於軍中恭受儀

乾隆十三年命大學士忠勇公經略統兵討金川先期授 勅印出師之日隨 皇帝先詣 堂子

行禮次祭 蠶畢 駕至長安左門外 御黃幄陞座親賜經略卮酒遂啟行 欽命大學士率侍

衛爲經略祖道畢望 闕謝 恩啟行三十三年 命大學士忠勇公爲經略帥師討緬甸授 勅

印 親祭 堂子祭 蠶 御賜經略卮酒祖道並如十三年之儀 謹按 皇朝 勇略丕昭軍

政整肅自 列聖以來 命將出師武功赫濯我 皇上神武震疊 光烈觀揚西師之役諸將士

秉承 廟算不數年間平定伊犁回部拓地二萬餘里西陲永靖及兩金川負 恩反噬上千 天

討將軍副將軍等皆就軍中 命帥未行 命將出征之典而 聖天子運籌密勿指示機宜用能

迅奏膚功武成者定益以見 天威之無遠弗届也以上通志

右命將出征

國朝定制凡出征有功凱旋至 京師 命廷臣以茶酒出郭迎勞其有擒賊滅寇立功尤大者

皇帝親行郊勞并令成功將領行抱膝跪見禮以示優異典禮至爲崇鉅茲敬稽 國史所載次第詳著於篇

崇德元年和碩睿親王豫親王貝勒貝子等征蒙古大兵凱旋 太宗文皇帝率王貝勒貝子公等

及文武各官出城十里外迎勞設八纛吹螺作樂 太宗文皇帝率眾拜 天行三跪九拜禮畢

御黃幄陞座出征王貝勒等跪進獻捷表文行三跪九叩禮 諭出征王貝勒大臣等近前行禮王

等以次趨至 御前一跪三叩畢 賜坐設燕 上親賜酒燕畢謝 恩及至京 上躬率凱旋王

貝勒貝子公大臣等謁 堂子禮成還宮

以上通典

順治二年以南京平定 世祖章皇帝御殿攝政王率王公文武百官上表行慶賀禮是日遣百祇

告 天 地 太廟 社稷是年定國大將軍和碩豫親王班師還京 世祖章皇帝出正陽門迎

勞設大纛十作樂率諸王貝勒文武百官拜 天行三跪九叩禮畢 御黃幄諸王列侍左右大將

軍和碩豫親王及出師王貝子各官朝見行三跪九叩禮和碩豫親王起近前跪行謁見禮投誠諸

王亦行禮分坐 賜茶畢還宮

康熙十九年定遠平寇大將軍和碩安親王自湖廣班師凱旋 上率王公大臣出郊迎勞 駐蹕

盧溝橋次日自 駐蹕處迎凱旋大軍於二十里外大軍旣至率諸王大臣等拜 天禮畢 御黃

幄凱旋王大臣率將帥行禮 詔王近前 親起抱見行禮命近 御座左側坐諸大臣依次列坐

其行間効力軍士亦依次列坐 賜茶畢還宮是年大將軍和碩康親王自福建凱旋 上出郊迎

勞儀同 二十一年定遠平寇大將軍貝子征南大將軍都統等自雲南凱旋 上出郊迎勞如儀

三十五年撫遠大將軍伯大破噶爾丹於昭默多之地凱旋後留駐斥埃是歲冬 上巡狩至鄂爾

多斯有 旨著大將軍伯自軍中乘驛前來將至 命皇子往迎 聖駕出黃幔城大將軍伯趨進

跪請 聖安乃召入黃幔城 賜坐 賜茶遂扈從於和坦和碩之南 賜大將軍伯 御佩璽纒

弓矢復遣還軍

以上通志

乾隆十四年平定金川經略大學士忠勇公傅恆凱旋還京 皇上命王公大臣迎勞于阜成門外

至日 御殿經略大學士忠勇公率凱旋諸臣朝服至丹陛上謝 恩行禮翼日 賜燕于 瀛臺

頒賞有差是年議准凱旋禮一曰告成之儀經略大將軍奏凱功成應祭告 天 地 廟 社

稷 陵寢釋奠于 先師孔子勒碑太學並 命儒臣輯平定方略以垂奕禩一曰勞師之儀經略

大將軍克捷師旋應 遣廷臣出郊迎勞 上臨軒經略大將軍率凱旋諸臣于丹陛上謝 恩行

禮恭繳 敕印如受 敕儀翼日 賜燕經略大將軍及凱旋大臣官員將士咸與燕王公滿漢大

臣陪燕禮成經略大將軍及隨征大臣並官弁等所立功勳由兵部考覈議叙爵賞各有差

通典

二十五年西域平定定邊將軍武毅謀勇公等凱旋還京 上駐蹕黃新莊親行郊勞是日設黃幄

御座於郊勞處正中南向兩翼設青幕各八東西向築臺於黃幄正南臺上設將軍等凱旋儀於

左右設 皇帝拜褥於臺上正中設下馬紅柱東西各一樂部設饒歌樂於臺左右設凱歌樂於

御道左右設鳴螺軍士按翼於臺左右屆時 皇帝出行宮至郊勞處軍士鳴螺饒歌樂作將軍及

從征官兵咸甲冑於紅柱外跪恭請 聖安 皇帝降輿至臺上拜 天行三跪九拜禮將軍及王

公大臣均隨行禮畢 御黃幄陞座將軍等行三跪九叩禮候 旨將軍大臣行抱見禮 賜坐

賜茶禮部堂官奏禮成 皇帝出御幄乘騎馬上凱歌樂作 駕還行宮是年 上御殿行慶賀禮

祇告 天 地 太廟 社稷 賜宴將軍等於 紫光閣並命圖繪功臣百人像於 紫光閣中

前五十功臣 御製贊詞後五十功臣 命儒臣擬贊並寫得勝靈臺及俘獲軍器於 閣中 御

製平定回部碑文勒石太學並 命儒臣纂輯方略四十一年金川平定西將軍大學士誠謀英

勇公凱旋回京 上親行郊勞並如二十五年之儀慶賀祇告 賜宴繪像並與二十五年同 御

製平定金川碑文勒石太學並 命儒臣纂輯方略

通志

### 右郊勞

天聰七年孔有德耿仲明率部下自皮島航海來歸 太宗文皇帝賞馬二千餘匹陸續接應並備

設供帳令暫駐馬東京休息從容來見勿致勞頓既至預設黃幄于渾河岸 太宗文皇帝陞黃幄

工御座孔有德耿仲明率各官以次序立二人行朝見禮畢復近 御座前叩頭抱膝見次各官行

三跪九叩禮乃大燕以金卮酌酒 親賜之燕畢各賜蟒袍貂裘鞍馬弓矢等物封孔有德爲都元

帥耿仲明爲總兵官 崇德元年大封諸王時封孔有德爲恭順王耿仲明爲懷順王二年 太宗文皇帝 命致書切責朝鮮國王並齎 勅文往諭朝鮮國王服罪請降于是禮臣擇漢江東岸築壇設黃幄 聖駕出御營奏樂渡江登壇設鹵簿如常儀朝鮮國王率文武羣臣步行來朝遣官一人迎於一里外引至儀仗下 太宗文皇帝降座率朝鮮國王及羣臣對 天行三跪九拜禮還座該王率羣臣伏地請罪行三跪九叩禮畢 命該王班次坐於左翼和碩親王之上朝鮮王長子坐於左翼貝勒之下次子三子坐於右翼貝勒之下乃 賜燕盡還其俘 賜該王王妃及三子大臣貂裘等物率眾謝 恩畢 聖駕還御營

康熙三十五年聖祖仁皇帝駐蹕中拖陵撫遠大將軍費揚古奏報剿滅噶爾丹于昭莫多之地遂命安插厄魯特降人于邊外 諭駐扎歸化城安親王等著往阿巴該西喇穆楞之斤墩于大兵進斤墩之前暫行駐扎如有厄魯特潰散逃竄來投降者令其收受又 諭歸化城留大臣一人受厄魯特降人完其夫婦給其衣食如有厄魯特降人分上入下人各給以白金皮衣有差是年厄魯特降人丹巴哈什哈等一百六十口及大將軍送到伊家人一百六十一口均令於張家口外居住其所需衣服衾褥著于張家口司官處支領噶爾丹降人懇都等二百四十三口一同暫居張家口外應給口糧仍以張家口倉中所貯米計口頒發又安郡王解到降人厄魯特縛克圖巴圖爾唐古特宰桑等所屬弓箭手一百十有八人喇嘛四人婦女童穉五十四人奉 旨著給縛克圖巴圖爾

唐古特宰桑茶飯衣食帶此二人赴安郡王所令酌發此次降人於厄魯特內配以蒙古兵收服厄魯特之離散者其厄魯特降人家口著善爲防護還至張家口外與丹巴哈什哈等一同安插沿途給伊等行糧駐劄後照常給以口糧三十六年滅噶爾丹有阿喇卜坦等率部眾歸降 諭以德意並加獎賞

乾隆十四年經略大學士忠勇公傅恆平定金川番首莎羅奔等乞命投誠泥首請罪經略奉 詔受降遣命番眾于軍門外除道設壇鋪陳供帳至時經略升帳出征大臣等同至營門莎羅奔等率眾喇嘛及頭人番眾跪迎皆服解衣舉香作樂至經略帳下俯伏經略責以抗拒之罪示以 朝廷如天好生之恩皆泥首伏辜畏威懷德經略遂大書露布馳告 京師是年定受降之儀凡克捷受降軍營應飛章入告得 旨允降乃大書露布傳示中外築受降壇于大營之左壇方南向壇以南百步許樹大旗書奉 詔納降字降者至兵部官率引立旗下經略大將軍出營鼓吹聲礮參贊大臣及各官皆隨行兵部官命降者于受降旗旁北向跪匍伏候經略大將軍登壇鼓吹聲礮參贊大臣及一品大臣分翼僉坐隊伍將領等官分兩旁肅立其餘官校兵丁分班排列兵部官引降者抵壇前匍伏經略大將軍宣諭 德意訖酌加賞資軍門鼓吹降者泥首叩謝而退

右受降

以上通典

康熙三十六年王師大捷哈密擒厄魯特噶爾丹之子色布騰巴爾珠爾俘獻于 駐蹕之神木縣



聖祖仁皇帝御行營一等侍衛學士以上諸臣侍立解俘將校引色布騰巴爾珠爾入伏地不敢仰視遂遣送京師遵旨拘禁於理藩院仍支給食物旋奉旨赦而不誅四十年宥釋授以一

等侍衛給之妻室

通典

雍正二年命將計平青海解送俘囚至京師欽天監擇日獻俘於太廟社稷至期兵部率解

俘官員兵丁押所解之俘白組繫頸至太廟街門外向北立候承祭官至俘向北跪承祭官入

太廟陪祀文武各官分東西班豫集承祭官就行禮位行禮如時饗儀禮成兵部率解俘官員兵丁

押俘至社稷街門外候承祭官入社稷壇行禮如春秋祈報儀禮成兵部率解俘官員兵丁押

俘出次日行受俘禮前期工部設御座於午門樓檐下正中至日武備院鑾儀衛陳設諸王以下

文武各官咸齊集皇帝鑾輿出宮陞寶座兵部堂官奏平定青海所獲叛逆俘囚謹獻闕下

請旨宣制曰所獻俘交刑部刑部堂官跪頌旨押俘出王以下文武各官行三跪九叩禮

聖駕還宮是日賜解俘官員兵丁銀幣有差恩賜該將軍鞍馬采幣其擒獲俘囚之將校及管

領擒獲之人分別各加賞賚

乾隆十四年議准凡出師克捷應照雍正二年平定青海以俘獻於廟社如儀獻俘次日行受

俘禮均如雍正二年之儀有赦而不殺者奉旨釋縛交理藩院

以上通志

二十年六月擒獲巴朗孟克特穆爾羅卜藏丹津以俘來獻皇上御午門受俘悉如雍正二年議

定之禮有赦而不殺者奉 旨釋縛交理藩院十月平定準噶爾擒獲達瓦齊 皇上御午門受俘  
行禮有罪儀與二十年同二十五年平定回部函霍集占之首以獻 皇上御午門受俘誠四十一  
年四月平定兩金川生擒逆酋索諾木等七人並函送逆酋僧格桑首級獻於 闕下 皇上御午  
門行受俘禮是年奉 諭禮部等所奏二十八日受俘儀注將軍等應入百官班內在午門前行禮  
但將軍等于郊勞及凱燕兩次俱有行禮之處受俘時將軍及自軍營回京之在御前乾清門行走  
者俱着扈從登午門樓不必入班行禮止須令福康安帶領押俘將校等在午門前行禮

通典

### 右獻俘受俘

謹按通考不立五禮名目而自郊社宗廟以暨王禮並屬禮家故大狩一篇列於王禮卽通典  
通志所述之軍禮也第大狩大閱胥屬軍禮而通考以大狩入王禮以大閱入兵考未能盡一  
茲輯大狩大閱並歸軍禮乃遵用典志體例然與通考妄有違異也

又按通典軍禮有馬政日月食救護條目通考通志不載攷杜典馬政篇旁注馬祭蓋與鄭志  
軍禮所載馬祖之祭事例實同今會典事例馬政有欄馬之禮通考因以欄馬附馬政允符禮  
制至鄭志以合朔伐鼓列軍禮者殆以古者救日月食太僕贊鼓實夏官之屬故載入軍禮歟  
第通典遵杜而通志不從鄭例何耶通志謂合朔伐鼓祭馬祖爲祠祭司及太僕寺之職掌不  
必列於軍禮誠爲篤論茲輯軍禮其馬政日月食救護兩篇謹從通志省

...

...

...

...

...

...

...

...

...

...

...

...

...

...

...

二十四史九通政典類要合編卷三百十三

皇朝二十一

禮賓 朝貢附信節館儀 敕封外國 相見儀

越裳獻雉西旅貢葵古稱外蕃之國各以寶貴爲誓是也洪惟 國朝自 列聖以來聲教誕敷  
恩威遐暨衣冠玉帛萬國攸同我 皇上念服屬外臣日以增擴嘗 敕所司繪爲 皇清職貢圖  
以詔方來由是繼 武策勳西陲大功載蒞而濛瀛二萬餘里悉入版圖有若愛烏罕巴達克山之  
屬遠至貢駒安集延痕都斯坦之倫偕來輯瑞又土爾扈特歸自窮邊凡蒙古之族無不隸於臣僕  
茲以徼外山海諸國來朝入貢屬於禮部職掌者 恩禮隆洽儀典光昭敬稽 大清會典叅以職

貢圖所述纂爲外國朝貢篇云

通典

凡四夷屬國按期修職貢遣其陪臣齋表文方物來朝 京師貢使將入境朝鮮以禮部通官二人  
迎於 盛京鳳凰城安南琉球緬甸暹羅荷蘭蘇祿南掌諸國貢道所經之省督撫遣佐貳雜職官  
一人迎於邊界西洋以內務府司官及西洋人供職欽天監者各一人迎於廣東皆給以郵符經過  
地方有司供其次舍廩餼車舟夫馬沿途營汛遞遣官軍防護以達於 京畿禮部豫行工部修飾  
館舍備器用薪炭戶部給粟米芻豆光祿寺給牲魚酒漿蔬果之屬既至提督會同四譯館鴻臚寺  
少卿飭屬延接入館以時稽其人眾均其飲食貢使就館翼日檢其方物表文貢使暨從官各服本

國朝服以埃禮部儀制司官設表案於堂上正中黎明館卿朝服率貢使詣部由左角門入恭埃階下之左正使奉表在前副使次之從官在後鴻臚寺贊跪貢使以下皆跪贊接表正使舉表館卿恭接以授禮部侍郎受表陳於案正中復位贊叩興正使以下行三跪九叩禮興序班引退館卿率以出儀制司送表內閣埃 命下禮部以方物分納所司貢使上表訖恭過大朝常期 皇帝御太和殿百官行禮畢序班引貢使暨從官詣丹墀西班末 賜坐 賜茶如儀若不遇朝期禮部諷日奏請 召見館卿豫戒貢使及通事官習肄禮儀至日率貢使服其國公服通事補服詣 官門外祇埃 皇帝御便殿領侍衛內大臣內大臣侍衛左右侍立如常儀禮部尚書一人蟒袍補服引貢使入通事隨入至丹墀西行三跪九叩禮畢引由西階升至 殿門外跪 皇帝降 旨慰問禮部尚書承傳通事轉諭貢使對詞通事譯言禮部尚書代奏禮畢興引自西階降出引退如待以優禮是日 皇帝御便殿侍衛如前議政大臣暨八旗大臣咸蟒袍補服入 殿按翼侍立禮部尚書引貢使至丹墀西行三跪九叩禮興引由西階升入 殿右門立右翼大臣之末通事隨入稍後立 皇帝有 旨賜坐領侍衛內大臣內大臣議政大臣八旗都統副都統禮部尚書就位立一叩序坐貢使跪叩坐乃 賜茶尚茶進 皇帝茶眾跪叩侍衛徧授大臣及貢使茶咸跪受一叩坐飲畢跪叩如初 皇帝降 旨慰問貢使跪聆答奏皆禮部尚書承傳通事譯言如前儀禮畢禮部尚書引貢使出至朝房承 旨賜貢使尚方飲食訖館卿率以退翼日黎明領赴 午門外謝 恩

瀉臚寺傳贊貢使行三跪九叩禮如儀退朝貢禮畢禮部疏請 頒賜國王並燕養使臣及其從官

從人既得 旨移諸司供備翼日所司陳 賜物於午門外道左皮幣布帛白金陳於案馬陳於庭

鞍轡具惟朝鮮貢使賜馬館卿朝服率貢使暨從官各服其國朝服由東長安門 天安門 端門至西朝

房前東面序立祇候禮部侍郎以下眾官序立鳴贊贊齊班序班引貢使至西丹墀門以次序立

北面東上贊行三跪九叩禮畢主客司官奉頒給國王 賜物前授貢使貢使跪受轉授從人乃以

次頒貢使及從官從人 賜物主客司捧授各跪受訖贊行三跪九叩禮興引退館卿率貢使及從

官從人出 賜宴於禮部如儀畢皆退事竣貢使將回國光祿寺備牲酒果蔬禮部侍郎一人詣館

舍筵燕如儀朝鮮南掌仍以迎接官伴送出境安南琉球緬甸暹羅荷蘭蘇祿禮部奏 遣司官一

人伴送西洋以原迎官二人給郵符沿途供館舍舟車飲食官軍防護如初來禮至貢道所經省會

賜燕司道一人主之儀與禮部燕同督撫大吏別遣官送出境自京伴送官以事竣復 命於

朝凡貢道朝鮮由鳳凰城琉球由福建荷蘭由廣東後改由福建緬甸由雲南安南由廣西太平府

西洋由廣東暹羅由廣東蘇祿由福建南掌由雲南凡貢期朝鮮每年進貢一次並 聖節元旦冬

至三大節爲四貢同進琉球二年一次荷蘭八年一次後改爲五年一次安南三年一次後改爲六

年一次暹羅三年一次南掌五年一次後改爲十年一次蘇祿五年一次凡貢物各將其國之土物

非土產者勿進朝鮮安南琉球緬甸蘇祿南掌皆貢有常物西洋暹羅無常貢惟其所獻或輸內務

禮 二 約雅堂藏板

府或入武備院或納鑾儀衛或留於盛京及邊省各付所司備用有因事慶賀及謝恩加貢者

廩餼資予如常儀其方物則留充正貢之數凡從人朝鮮貢使從書狀官一人大通官三人護貢二

十四人有賞從役三十人無賞從役無常數琉球西洋暹羅蘇祿貢舟無過三每舟人無過百赴京

無過二十安南緬甸南掌入貢人無過百赴京無過二十其不赴京者留於邊境邊吏廩餼之族使

回至邊率之歸國

通志

崇德二年定朝鮮年貢方物萬壽聖節禮物又定凡朝鮮國來使有職銜稱君者俟朝賀行禮畢引

入殿內坐於右翼輔國公之下

順治元年定外國朝貢以方物為憑該督撫察驗的實方准具題入貢又定貢使到京所貢方物會

同館報部提督該管司官赴館察驗撥役管領由部奏聞貢物交進內務府象交鑾儀衛馬交上

駟院刀及鹿皮青黍皮等交武備院十一年琉球國世子尚質遣陪臣進貢慶賀方物十三年荷蘭

國王恭進御前方物十八年安南國王黎維禛奉表投誠入貢方物是年恩詔有外藩王公福

晉夫人加恩賜一款又定朝鮮國遣陪臣慶賀謝恩及有事陳奏各進貢方物賜來使及從

人與元巨節同若附正貢同來統於正貢之賜非正貢而數事並來者總賜一次

康熙三年定外國慕化來貢方物照其所進收受不拘舊例九年西洋國王阿豐肅遣陪臣奉表入

貢方物凡十有七種

雍正三年西洋意達里亞國教化王伯納第多遣使奉表進貢方物六十種奉 勅覽王表並進方物具見悃誠我 聖祖仁皇帝怙冒萬方無遠弗届 龍馭升遐中外臣民悲思永慕朕曩承大統勉思紹述 前徵教化王遠行陳奏感 先帝之垂恩祝朕躬之衍慶周詳懇至辭意虔恭披閱之下朕心嘉慰使臣遠來朕已加禮優待至於西洋寓居中國之人朕以萬物一體為懷時教其謹飭安辭果能慎守法度行止無愆朕自推恩撫卹茲因使臣歸國特頒斯勅並賜緞緞錦緞大緞六十疋次緞四十疋王其受領悉朕惓惓之意五年西洋博爾都噶國王若望遣使麥德樂等具表慶賀恭請 聖安儀與五十九年同進貢方物四十種蘇祿國王母漢末母拉律林遣使奉表入貢方物十有二種奉 諭蘇祿國向來未通職貢今該國王輪誠嚮化遣使遠來進貢方物奏辭懇切具見悃誠其有應行議奏之處著大學士九卿詳議尋大學士等遵 旨議奏蘇祿國入貢照東南海外安南琉球荷蘭暹羅諸國初次納貢之例南掌國蘇嗎喇薩提拉烏孫差頭目叭猛花等奉銷金緬字蒲葉表文一道貢馴象一禮部奏南掌國通事刁猛雖通漢語語言蹇澀奏對時不能明晰有伴送貢使之把總康天賜熟悉南掌國言語令其隨貢使進 見其頒賞照蘇祿國初次例

乾隆十六年緬甸國遣陪臣希里覺填奉表入貢 御前方物氈緞四緬布十有二馴象八 皇太后前馴象二奉 諭緬甸越在荒裔自前明嘉靖後職貢不通茲復專遣陪臣齎表闕廷嚮化奉琛具昭忱悃向來南掌等國入貢筵燕賞賚均照各國貢使之禮所有緬甸貢使到京一應接待事宜



亦應照各國例以示綏懷尋禮部奏言緬甸國使臣等奉表來京恭遇 陛殿已經行禮應照例停其進見從之四十六年暹羅國先為緬匪所破至是國人鄭昭報讐復土國王無後吏民推昭為國王遣使入貢以上通典

右朝貢

附載信節館餉

崇德二年定朝鮮進貢及奉表奏事由禮部奏准移咨兵部給發信票移文守關官撥人件送至盛京驗票放入回時兵部仍給信票遣官伴送守關官驗票放出

順治元年定貢使歸國差官給勘合由驛遞伴送交明該督撫即還該督撫照例送出邊境六年定遣正副使封朝鮮國王得 旨啟行工部給黃纛旗 欽差牌肅靜迴避牌各一對兵部給郵符起程沿途夫馬給兵票撥營汛兵護送至山海關出關撥旗兵送至朝鮮國界給路引載隨行通事官從人及車馬弓矢佩刀之數以備稽察十一年定往封琉球國正副使啟行乘傳給繳仗旗牌皆加例

康熙元年定朝鮮來使回國兵部給與山海關鳳凰城路引量給官兵護送至關自關撥兵護送至鳳凰城五年定往封安南國正副使啟行乘傳給繳仗旗牌如出使琉球之例十七年西洋國入貢給驛遞夫船二十三年暹羅國入貢回國由驛遞護送有不能乘馬者官給夫轎從人給昇夫

乾隆三年十一月安南貢使回國以潞河冰凍改給車輛至江南換船三十七年正月以北河尚未開凍仍照原來勘合給與車輛至江南換船凡封使啟送日由禮部行工部取節及節衣以上通典

信節

雍正二年定會同館舍仍令外國先到者居住別撥乾魚衛官房一所交禮部管理如俄羅斯人先入會同館卽令朝鮮人居住此處再撥御河橋官房一所亦交禮部以備他國使臣同時至京者居住

乾隆二年禮部奏俄羅斯人到京居住會同館設有彼俗廟宇他國使臣不復棲止朝鮮人役眾多乾魚衛官房多有不便應將此房繳還工部別擇安定門大街官房一所以待朝鮮每年貢使至御河橋官房仍留以備他國來使之用從之七年奉旨外國使臣在京若遇禁止屠宰其每日應得食物著照常給與永著爲例八年禮部奏言內務府將正陽門外橫街官房一所三十七間半添作會同館按從前會同館設立內城原以便監督稽察周其日用官兵看守嚴其出入今在正陽門外與設立內城之例不符但現在朝鮮安南琉球等國使臣不日來京不得不預爲安頓將舊館額設館夫酌撥此館居住看守俟外國貢使來京增撥官兵看守監督等不時巡視從之十三年禮部奏言外國朝貢舊有館舍三處惟安定門大街計七十四間當時原爲朝鮮隨從人馬殷繁增設嗣因使臣以住宿不便改館御河橋其安定門一館經久不住今安南貢使到京業安置橫街館

內 御河橋一所應留為朝鮮年貢居住但見據雲南督臣題報南掌國入貢廣東撫臣題報暹羅國入貢安定門一館房宇雖多皆係奇零湊合又久未修理于觀瞻未肅地安門外有原建正一真人公館一所計八十一間整肅完固已屬閒曠將此處充設貢使館舍其安定門舊館仍繳還內務府從之二十一年移地安門外貢使館舍于宣武門內瞻雲坊以上通典

遣使詣蕃始見於唐開元禮其後惟元代有遣使高麗安南之事明集禮亦著有遣使詣蕃之儀歷外方間有徠賓而屬籍不皆世守冊封之典亦未數見舉行也我朝自太宗文皇帝征服朝鮮勒石三田渡以紀恩德由是歲修職貢藩封世守永効忠誠洎世祖章皇帝一統中外而山海諸邦梯航畢集若琉球若安南尤先奉表請封百數十年以來朝使所臨恪循儀典恭順倍加其

他荒遠阻絕之區輸誠嚮化者通典 賴勅嘉獎即授來使齋回凡冊府所書不可勝數謹著於篇通典 凡朝貢之國世子嗣位權攝國事遣其陪臣請命於朝禮部疏聞得旨報可工部製節

內閣撰 敕均送禮部禮部奏遣正副使各一人持節齋 敕往封朝鮮封使以內大臣禮部滿侍郎內閣滿學士侍衛充服色儀從各從其品安南琉球以翰林院侍讀侍講編修檢討六科給事中禮部郎中員外郎主事內閣中書充 特賜一品麒麟服儀從皆視一品啟行之日工部給龍

旗御仗牌繖兵部給乘傳防護官軍禮部儀制司官設案於堂上陳節 敕尚書侍郎二人於案左右立儀制司官二人隨其後均朝服封使朝服詣部至堂中跪儀制司官一人奉節一人奉

敕各授尚書侍郎以授正副使皆恭接以興出儀門外官軍接奉加節衣負 敕書乘馬行旗仗前  
導使者易征衣乘傳偕行封使入所封國境其國邊吏供備館傳夫馬所經之地文武官出郊跪接  
如迎 詔書之儀將及國嗣封國王遣其陪臣出郊迎接 敕書勞使者節館舍供帳於國門之外  
備龍亭香亭旗仗鼓樂祇候於館列屏於王殿上設案於正中前設香案均南向設國王受封位於  
香案南拜位於受封位之南設眾官拜位於庭內東西皆北面贊禮二人位國王拜位之北引禮二  
人位贊禮之南引班四人位眾官拜位之北皆東西面樂陳於門內儀仗陳於庭中使者既及國迎  
至館恭設 節 敕於龍亭內王率其國陪臣朝服郊迎接官以龍亭行香亭旗仗鼓樂前導使  
者乘馬從國王以下咸跪候過輿隨入國門至府龍亭入中門升階陳於正中使者及階下馬從升  
執事者脫節衣奉 節授正使前行奉 敕授副使隨行入殿使者陳 節 敕於中案皆退立案  
東宣讀官列於使者之後國王就拜位北面眾官均就拜位北面國王以下行三跪九叩禮興國王  
進至受封位前贊禮贊跪國王跪副使進奉 敕書付宣讀官西面展讀訖以 敕書授國王國王  
祇受轉授從官跪接以興副使復位國王三叩興退至拜位前復行三跪九叩禮興率陪臣出城門  
外正使奉 節詣龍亭執事者加節衣陳於亭昇出使者隨出國王以下跪送使者以 節詣館國  
王易常服適館勞使者揖讓行禮畢退饗燕致饗餼如儀及歸率其陪臣跪送 節於國門外如初  
迎禮使者回 朝復 命還 節並 賜服於所司王乃修表文具方物遣其陪臣詣 闕謝 恩

廡錄燕賓如朝貢儀若外夷歸誠初奉 朝命者禮部奏請 命正副使持 節齎 敕印往封儀  
與前同若荒遠阻絕之區以 敕書授來使齎回儀制司官設案於 午門外甬道上正中陳

敕尙書一人立案左儀制司官隨其後鴻臚寺鳴贊二人立甬道左右均朝服館卿率來使朝服入  
至西丹墀內祗族鳴贊贊授 敕序班請案前北面贊跪來使跪儀制司官一人奉 敕授尙書以  
授來使來使恭接受從官興退詣丹墀之西贊行三跪九叩禮畢乃恭齎回國國王遣使詣 闕謝

恩如儀通志

崇德二年朝鮮國王李倧舉國歸附 勅封爲朝鮮國王 賜龜紐金印給 誥命封王妻爲王妃  
子爲世襲

順治八年琉球國差陪臣齎表及通事到京 頒勅一通 諭該國將明季勅印繳換卽令差官齎

回十一年琉球國世子尙質遣陪臣繳到明季勅印 特頒 詔 敕各一道及鑲金駝紐銀印一

顆遣正副使往封琉球國世子尙質爲中山王是年定往封琉球國王開列內閣典籍中書舍人翰

林院讀講編檢六科給事中禮部郎中員外郎主事行人司行人恭候 欽點正副使各給蟒緞朝

衣駢駢補服 十六年定往封朝鮮國王開列內大臣散秩大臣一等侍衛滿內閣學士翰林院掌

院學士禮部侍郎恭候 欽點正副使各一人十八年安南國王黎維禔奉表投誠照琉球國例

頒勅一道令來使齎回本國

康熙三年以荷蘭國王助兵克取廈門金門 頒勅諭二道褒獎是年禮部奏言安南國世子黎維禧請封得 旨俟該國王繳送明季勅印再行議奏五年安南國世子黎維禧繳到明季勅印 特遣正副使齎 勅及鑄給鍍金駝紐銀印往封黎維禧爲安南國王又定往封安南國王開列正副使及給蟒緞朝衣麒麟補服悉照出使琉球之例十二年暹羅國請封給與 勅書並鍍金駝紐銀印貢使於 午門外祇領並行令該國王恭迎各如儀 二十一年敕封琉球 特賜國王 御書中山世土四字二十二年以安南國王舊印模糊換給新鑄駝紐鍍金銀印 賜國王 御書忠孝守邦四字 六十一年朝鮮國王奏請其弟李吟爲世弟部議與例不符得 旨照所請行遣使齎 勅往封其弟李吟爲世弟 賜世弟織金緞四緞紗羅各四裏各四

雍正三年西洋教化王入貢 頒敕一道付來使齎回五年西洋博爾都嚕國入貢 頒勅一道付來使齎回是年蘇祿國入貢奉 諭蘇祿國向來未通職貢今該國王輸誠習化遣使遠來進貢方物奏辭懇切具見惻忱其有應行議奏之處著大學士九卿詳議尋大學士等遵 旨議奏蘇祿國入貢照東南海外安南琉球荷蘭暹羅諸國初次奉表納貢之例 欽賜敕諭一道給賜該國王即令來使齎奉還國從之 八年南掌國入貢 欽賜敕諭照蘇祿國初次納貢之例

乾隆元年諭旨朝鮮國餽送使臣禮儀著減半以示體恤行文該國嗣後務宜遵旨凡陋規所有悉行禁革至使臣回京之日奉天將軍及山海關監督查驗倘正禮外有多攜禮物者嚴劾之若代爲

隱匿事覺一并議處 十六年禮部奏緬甸國入貢照蘇祿答國初次入貢之例 欽頒敕諭一道 卽令來使齎還從之 二十七年 諭安南世守藩封乃者國王黎維端新嗣特遣使臣等持節往 封該國王於使臣蒞境時先請商五拜之議必待使臣駁定始克如禮未免扭於鄙俗實爲弗當但 念該國王一經使臣指示卽遵定制亦可從寬弗論矣該部可傳諭該國王俾知永遠三跪九叩之 儀毋再隕越其送使臣之物亦止應用該國土產如食品幣帛之類已足將敬所有例備程儀銀兩 究屬非體嗣後永行停止此次雖在未禁以前亦應發還俟該國謝恩使回之便令其攜往禮部詳 悉行文該國王知之又 諭向來欽差大臣出使高麗聞入境時該國王備輿迎接此固屬國故禮 天朝敕使以昭恭順但滿洲大臣素擗鞍馬而身膺使命四牡宣勤尤不應乘用肩輿自圖安適著 該衙門行文該國王嗣後欽差到境止須預備馬匹其舊用肩輿之處永行停止在奉使者旣不致 耽逸一時致忘習勞之義而外藩亦稍省繁文以示體恤著爲令

以上  
通典

右敕封外國

杜典執贊篇儀制今無可述應從其闕惟儀禮士相見一篇雖主於士禮而大夫相見諸儀連類及 爲蓋禮重交際揖讓以致其敬所謂上交不諂下交不瀆者是乎在近代以來宋明禮志雖有百 官相見儀頗多簡略亦未盡協于禮伏惟 國朝定爲王公百官士民相見之禮尊卑長幼秩然有 等 大溝通禮詳其儀節 大清會典臚其體制凡皆準今酌古禮從其宜有非前代舊章所得而

媿者矣通典

國初定王公以下內外職官士民相見之儀其目曰宗室外藩親王相見曰宗室外藩郡王相見曰宗室外藩貝勒相見曰宗室外藩貝子公相見曰京官敵體相見曰在京屬官見長官曰國學師弟子相見曰直省官敵體相見曰直省文官見長官曰直省武職見長官曰直省官見學政鹽政曰京府官屬相見曰直省文武官相見曰直省滿漢官相見曰直省學校師弟子相見曰賓友相見曰受業弟子見師長曰卑幼見尊長辨等威愼禮度各有恆式通考

崇德元年定宗室外藩親王郡王貝勒貝子公相見儀

順治元年定品官相見儀 十二年定直省文武官相見儀 十八年定直省鎮守將軍與督撫提

鎮相見及其餘文武各官見本省將軍儀

康熙十二年定協領以下等官見督撫儀 三十三年定督撫開門視事撫先督後每月逢五逢十

督撫司道府廳等官均停相見大小各官除朝賀祭祀及到任外相見不具朝服

雍正五年定八旗官於本署白事都統副都統前參領侍立佐領以下官屈一膝其侍衛藍翎侍衛及騎都尉以上之副參領署參領並視參領雲騎尉以下之副參領並視佐領驍騎校等官白事於參領前屈一膝佐領前侍立步軍副尉在步軍統領前屈一膝翼尉前侍立步軍尉城門領在統領翼尉前屈一膝在協尉前侍立公所白事都統副都統前男以上官侍立輕車都尉以下官屈一



膝管旗務之王貝勒貝子入八分公前參領以下官咸屈一膝佐領繫大臣兼攝者從其品繫小京堂及科道等官兼攝者視參領繫宗室於八旗都統前皆侍立前鋒統領護軍統領前鋒參領侍衛護軍參領侍衛以上騎都尉以上之各副參領署參領並視八旗參領雲騎尉以下副參領署參領並視八旗佐領前鋒校護軍校視八旗驍騎校如八旗官白事於別旗各長官與本旗同有越分違例者該管大員並稽察八旗御史題參議處又奉 旨宗室管佐領白事於王公前皆著屈一膝又定各部院在本署理事堂上官上坐司官侍立若事件繁多司官設褥席地序坐如在朝房堂官席地坐司官屈一膝白事堂官前往來皆趨過滿漢司官一例遵行不得互異違者堂官指參議處其漢科道亦照滿科道儀節違者議處堂官如徇情容隱察出一併議處 八年定直省官敵體相見及屬官見長官儀又定司道以下官見學政鹽政及 欽差官儀又定直省武屬官見長官儀

以上通典

右相見儀

二十四史九通政典類要合編卷三百十四

皇朝二十二

禮凶 國恤 山陵 服制

順治十八年聖祖仁皇帝諭朕惟自古聖賢之君必有顯號微稱用昭功德之隆垂於萬世仰惟我皇考大行皇帝纘紹鴻緒統一寰區十有八年盛德之事不一而足不幸 龍馭上賓顧予冲人

嗣膺大統仰承佑啟之恩敢後顯揚之禮謹考彝章宜升 尊諡該部詳察典禮具奏三月恭上

大行皇帝尊諡曰 體天隆運英睿欽文大德弘功至仁純孝章皇帝 廟號 世祖

康熙二十七年聖祖仁皇帝暮居於 乾清門外 諭曰自漢以來帝王居喪持服以二十七月易

爲二十七日惟魏孝文帝欲行三年之喪朕平日讀史至此常稱贊之今非欲遵古賢君祇念朕入

歲 世祖章皇帝賓天十一歲 慈和皇太后崩逝全賴 聖祖母太皇太后鞠養教誨以至成立

遽遭大故實堪痛傷哀疚靡盡今定持服二十七月少慰罔極之痛朕獨持於宮中幾政毫無曠廢

不令臣民持服一切俱不禁止如此可以遂朕本懷諸王大臣及百官士民再三陳奏請遵以日易

月之制得 旨勉從眾請猶欲持服百日諸王大臣復固請乃止

以上通典

六十一年世宗憲皇帝諭王大臣等曰朕凡事無不遵奉 皇考遺旨但持服乃人子之道 遺詔

二十七日釋服朕斷然難從諸王大臣等以萬幾至重難以久曠請遵 遺詔二十七日釋服奉

諭釋服之制以日易月雖始於漢文而高宗諒陰三年獨非古制乎朕不能上比高宗而思慕之情何能自已雖蹈違 命之愆亦不恤也諸王大臣等復合詞奏言書稱高宗諒陰晉臣杜預謂是釋服後心喪之文蓋以人君一身爲郊廟社稷之主祭爲吉禮必於除服後舉行若二十七日不卽除服則祀典不免有闕伏乞上思 郊 廟神靈之所倚賴下念中外臣民之所託命勉遵 遺詔俛順輿情疏入復叩首固請始奉 旨朕覽諸王大臣所奏義理明晰朕勉從所請 又 諭曰諸王大臣斂云二十七日後應居乾清宮朕思 皇考六十餘年所御宮殿朕卽居住其中心甚不忍朕意欲居月華門外養心殿著將殿內向日一應陳設敬謹收徹葺改務令聖素以備朕居朕不敢謂遵古諒陰之禮然必如此守孝二十七月以盡朕心至是滿二十七日大祭禮成 世宗憲皇帝從倚廬移 御養心殿齋居素服三年如一日

雍正元年恭上 大行皇帝尊諡曰 合天弘運文武睿哲恭儉寬裕孝敬誠信功德大成仁皇帝 廟號 聖祖

二年九月禮部議奏元旦元夕行慶賀禮及廷臣朝服日期得 旨朕素服三年後照所請行三年二月以 聖祖仁皇帝服制期滿給祭 太廟釋服卽吉 諭曰父母之恩鞠育願復爲人子者終身仰報不盡而朕荷 皇考 皇妣之恩尤爲至深至厚誠所謂欲報之德昊天罔極也三年之中如祭祀朝會國家大禮不可曠缺朕亦照例舉行不過於宮中持服默盡其心究未能盡此心於

萬一也日月易邁已屆三載禮制有定而朕心無窮此一件素衣朕衣著三年今日更換不勝悽愴朕之一念豈但三年固結於中卽終身之久斷不能忘也

以上通考

十三年八月己丑 世宗憲皇帝崩庚寅 諭朕受 皇考鞠育顧復深恩昊天罔極今忽遭大故

龍馭上賓若服制一節仍遵定例朕心實爲不忍惟有行三年之喪稍盡思慕之情于萬一天下

臣民仍照定例行著諸王大臣卽行會議具奏九月庚子 諭自古臣子之於君父皆有諱名之義

載在禮經著於史冊雍正元年 皇考特頒諭旨謹將 聖祖仁皇帝聖諱欽定避易書寫今 皇

考聖諱理應恭避嗣後凡內外各部院文武大小衙門一切奏章文移遇 聖諱上一字則書九字

聖諱下一字則書正字該部敬謹遵行又 諭我 皇考大行皇帝乘乾御極撫御萬邦錫福誠

民德化翔洽仰惟 功德之隆宜備尊親之典故循禮制恭上 尊諱 廟號諸王大臣詳察典禮

具奏又 諭諸王大臣奏稱三年之喪難以舉行請朕仍依舊制以二十七日釋服朕受 皇考顧

復深恩中心哀慕實不能已所以欲行三年之喪以盡子臣之誼非以特服三年遂爲孝也諸王大

臣所奏以日易月之說斷不准行朕意已定毋得再請其如何舉行三年之喪著詳查典禮確議具

奏乙未諸王大臣等奏言 大行皇帝 廟號宜稱 世宗與 太祖 太宗 世祖 聖祖並爲

百世不祧之廟擬敬上 尊諱曰 敬天昌運建中表正文武英明寬仁信毅大孝至誠憲皇帝癸

丑管理禮部事務多羅燭郡王允禩等會議言 皇上大孝深純斷自 宸衷舉行三年喪制臣等

謹考載籍詳慎酌議謹條列于左一禮記王制喪三年不祭惟祭天地社稷爲越縉而行事是天地社稷之祭三年之內于古禮本當親行明呂坤謂祖宗不輕于父母奉祭不緩于居喪何可久廢誠以天祖一理宗廟之祭亦當並舉謹議凡遇 天地 太廟 奉先殿 社稷大祀 皇上親詣行禮或遣官恭代俱禮服行禮作樂先期齋戒用素服冠綴纓緯視 祝版用禮服 朝日 夕月 歷代帝王 先師孔子 先農等祀遣官行禮咸用禮服作樂正祭之日 皇上素服冠綴纓緯宮內祭 神俟百日後舉行凡報祀之日若 皇上親詣行禮具常服冠綴纓緯其承辦祭祀職事人員俱用常服至 經筵 臨雍 耕藉等禮俱俟二十七月釋服之後舉行一二十七月之內遇元旦朝賀 皇上具吉服陞太和殿不宣表不作樂常朝陞殿亦用吉服不作樂一御門聽政典制至鉅昔宋仁宗行三年之喪臨朝改服孝宗於二十七日之後百官請聽政授書經被冕服出應門之禮固請乃許稽之史冊自古爲然謹議尋常事件及引 見官員俱請于便殿辦理百日後恭請 皇上御乾清門聽政一諒陰之制先儒謂上古本無可考史載魏孝文帝唐德宗釋服後仍以素服練中聽政宋仁宗雖用以日易月之制改服臨朝宮中實行三年之喪朱子亦云人主不免于視朝聽政豈可不酌輕重而爲之權制此不易之論也謹擬百日内 皇上服縞素百日外請髮易素服詣 大行皇帝几筵前仍服縞素 御門泣百官聽政恭詣 皇太后宮俱素服冠綴纓緯遇陞殿受朝俱用吉服一 皇后持服自應遵照 皇上舉行伏維 皇后朝夕侍奉 皇太后兼有

祭神報祀之禮應於二十七日後在宮中素服遇一切典禮日期俱禮服恭詣 大行皇帝几筵前仍用縞素 妃 嬪于二十七日釋服二十七月之內俱素服遇一切典禮日期俱用禮服 皇子與諸王臣工同在京諸王公大臣文武官員二十七日釋服百日剃頭自釋服後各衙門有應行典禮及朝會坐班仍用禮服吉服從事外凡入朝奏事在署辦事俱素服冠緞纓縉恭詣 大行皇帝几筵前則冠去纓縉一各衙門進呈本章於二十七日百官除服後俱用硃印一在京王公大臣文武官員二十七日內不作樂不宴會一年之內不嫁娶其外省官員以及軍民人等仍照從前定例行 制曰可通典

乾隆十三年和碩履親王允禔等言謹按會典內載 孝誠仁皇后喪儀禮部題準移文直省免其齊集舉哀制服蓋緣康熙十三年時值三藩叛逆大兵致討恐在外各衙門舉哀制服有惑觀聽是以禮部題明免直省官民治喪原屬一時權宜嗣後相沿遂未更正考周禮爲王后服齊衰注言諸侯諸臣皆齊衰是內外臣無異也明會典載皇后喪儀十三布政使司及直隸禮部請勅差官計告在外文武官員軍民人等制服與京師同今 大行皇后崩逝欽奉 諭旨布告中外應由禮部賸黃遣官頒下直省令在外文武各官於奉到 諭旨爲始摘冠纓齊集公所哭臨三日持服通前二十七日而除三日後照常辦事二十七日內文武各官不嫁娶不作樂軍民人等摘冠纓七日七日內不嫁娶不作樂其見在出征官軍悉免舉哀制服督撫以下仍照舊例免其遣官進香從之 甲

辰 論曰軍機大臣等查奏二十七月內御殿視朝儀注查乾隆元年元旦已過百日後奉 聖母  
 皇太后懿旨以御極之初應受百官朝賀且朕應恭詣 皇太后宮行禮是以陞殿受賀至此後二  
 十七月內均未舉行茲乾隆四十三年四十四年元旦非元年可比又尙在二十七月內所有陞  
 殿受賀之處不必行至尋常御殿視朝恭查 皇考世宗憲皇帝時曾於二十七月內舉行數次蓋  
 尋常陞殿與御門聽政無異若隔至二十七月之久於體制似有未協自應遵照舉行所有百日後  
 陞殿之處著該衙門屆期奏請候朕降旨

右國恤

肇祖原皇帝 興祖直皇帝 景祖翼皇帝 顯祖宣皇帝陵曰 永陵在 興京西北十里啟運  
 山

天命九年四月建都 東京奉移 皇祖考 皇考 孝慈皇后陵於 東京

順治八年封 肇祖原皇帝 興祖直皇帝陵山曰啟運山 景祖翼皇帝 顯祖宣皇帝陵山曰

積慶山均從祀 方澤 奉移 景祖翼皇帝 顯祖宣皇帝陵於 興京罷積慶山祀典 十六

年 興京 祖陵曰 永陵

太祖高皇帝陵曰 福陵在 盛京城東北二十里天柱山

天聰三年建 太祖高皇帝山陵工成遣官詣 東京奉遷 孝慈高皇后梓宮合葬崇德元年尊

太祖高皇帝陵曰 福陵

順治元年以 太妃博爾濟錦氏祔葬 福陵 八年封 福陵山曰天柱山從祀 方澤

太宗文皇帝陵曰 昭陵在 盛京城西十里隆業山

順治元年尊 太宗文皇帝陵曰 昭陵恭奉 寶宮安葬 昭陵 七年奉移 孝端文皇后梓

宮合葬 昭陵 八年封 昭陵山曰隆業山從祀 方澤

雍正二年尊 孝莊文皇后陵曰 昭西陵

世祖章皇帝陵曰 孝陵在遵化州西北七十里昌瑞山本名豐臺嶺亦曰鳳臺山

康熙元年建 世祖章皇帝陵稱曰 孝陵二年奉安 世祖章皇帝 孝康章皇后 端敬皇后

寶宮於 孝陵是年封 孝陵山曰昌瑞山從祀 方澤五十七年奉移 孝惠章皇后梓宮往

山陵五十八年尊 孝惠章皇后陵曰 孝東陵

聖祖仁皇帝陵曰 景陵 孝誠仁皇后 孝昭仁皇后 孝懿仁皇后 孝恭仁皇后合葬 敬

敏皇貴妃從葬在 孝東陵之東

康熙二十年奉移 仁孝皇后 孝昭皇后梓宮於 陵寢地宮二十八年奉安 孝懿皇后梓宮

於 陵寢地宮

雍正元年二月尊 聖祖仁皇帝陵曰 景陵大學士等恭擬 聖祖仁皇帝陵名進呈 世宗憲



皇帝哀慟不勝親刺指血圈出 景陵兩字三月奉移 聖祖仁皇帝梓宮於 景陵八月奉移  
孝恭仁皇后梓宮於 景陵九月奉安 聖祖仁皇帝 孝恭仁皇后梓宮於 景陵 敬敏皇貴  
妃從葬

世宗憲皇帝陵曰 泰陵在易州西三十里永甯山本名太平峪

乾隆元年二月尊 世宗憲皇帝陵曰 泰陵十月奉移 世宗憲皇帝梓宮於 泰陵二年二月  
奉移 孝敬憲皇后梓宮於 泰陵三月奉安 世宗憲皇帝 孝敬憲皇后梓宮於 泰陵地宮  
五月封 泰陵山爲永甯山從祀 方澤

孝聖憲皇后陵曰 泰東陵在 泰陵之東北

乾隆四十二年三月恭奉 冊寶上 尊諡曰 孝聖慈宣康惠敦和敬天光聖憲皇后四月奉安

### 泰東陵

孝賢皇后陵 慧賢皇貴妃 哲憫皇貴妃 淑嘉皇貴妃從葬在遵化州昌瑞山 孝陵之西

乾隆十七年十月庚子奉移 孝賢皇后梓宮於 陵寢甲寅奉安 梓宮於 地宮次移 慧賢  
皇貴妃 哲憫皇貴妃金棺同葬二十二年奉移 淑嘉皇貴妃金棺於 孝賢皇后陵安葬以上

### 右山陵

凡服制有五曰斬衰三年曰齊衰杖期不杖期五月三月曰大功九月曰小功五月曰緦麻三月服

之差等有八曰斬衰三年者子爲父母子之妻同子爲繼母父之慈母 謂妾子無母父養母自幼過

者子之妻同庶子爲適母爲所生母庶子之妻同爲人後者爲所後父母爲人後者之妻同女在室

爲父母已嫁被出而返在家者同適孫爲祖父母及高曾祖父母承重適孫之妻同爲人後者 妻爲 承重同

夫妻爲家長同日齊衰杖期者適子謂親生母父 夫爲妻 父母在 不杖適孫祖在爲祖母承重日齊衰不杖期者祖爲適孫父母爲

子爲出母謂親生母父 在而被出者 夫爲妻 父母在 不杖適孫祖在爲祖母承重日齊衰不杖期者祖爲適孫父母爲

適長子及眾子父母爲適長子之妻父母爲女在室者父母爲子爲人後者繼母爲長子眾子子爲

改嫁繼母謂父歿繼母改嫁而巳從之者從子爲伯叔父母及姑在室者爲己之親兄弟及姊妹在室者爲親兄弟

之子及女在室者孫爲祖父母孫女爲祖父母雖適人不降庶孫爲生祖母慈母養 母孫同女出嫁爲父母

爲人後者爲其本生父母仕者解任士子 輟考丁憂一年女在室及雖適人而無夫與子者爲其兄弟姊妹及兄弟

之子兄弟之女在室者女適人爲兄弟之爲父後者婦爲夫親兄弟之子及女在室者妾爲家長之

父母妾爲家長之正妻妾爲家長之長子眾子與其所生子爲同居繼父兩無大功以上親者曰齊

衰五月者爲曾祖父母女孫雖適人不降日齊衰三月者爲高祖父母女孫雖適人不降爲繼父先

同居今不同居者自來不同 居者無服爲同居繼父兩有大功以上親者曰大功九月者祖爲眾孫及孫女在

室者祖母爲適孫眾孫及孫女在室者生祖母爲庶孫慈養祖 母同父母爲眾子婦及女之已嫁者慈母 養母

爲其子伯叔父母爲從子婦及兄弟之女已嫁者爲人後者爲其兄弟及姑姊妹在室者夫爲人後

其婦爲夫本生父母爲己之同堂兄弟及姊妹在室者爲姑及姊妹之已嫁者爲兄弟之子爲人後

者女出嫁爲本宗伯叔父母及兄弟與兄弟之子爲姑姊妹及兄弟之女在室者婦爲夫之祖父母

爲夫之伯叔父母曰小功五月者爲伯叔祖父母謂祖之親兄弟爲同堂伯叔父母謂父之堂兄弟爲同堂姊妹之

出嫁者爲再從兄弟及再從姊妹在室者爲同堂兄弟之子及女在室者爲祖姑之在室者謂祖之親姊妹

爲堂姑之在室者謂父之堂姊妹爲兄弟之妻祖爲適孫之婦爲兄弟之婦及兄弟之孫女在室者爲外

祖父母爲母之兄弟姊妹爲姊妹之子及女之在室者爲人後者爲其姑及姊妹之已嫁者婦爲夫

兄弟之孫及孫女在室者婦爲夫之姑及夫之姊妹在室出婦同婦爲夫之兄弟及夫兄弟之妻婦爲夫

同堂兄弟之子及女之在室者女出嫁爲本宗姊妹之出嫁者爲本宗堂兄弟及堂姊妹之在室者

曰總麻三月者祖爲眾孫婦曾祖父母爲曾孫曾孫女高祖父母爲元孫元孫女祖母爲適孫眾孫

婦爲乳母爲曾伯叔父母爲族伯叔祖父母爲族伯叔父母爲族兄弟及族姊妹在室者爲曾祖姑

在室者爲族祖姑及族姑在室者爲兄弟之曾孫及曾孫女在室者爲兄弟之孫女出嫁者爲同堂

兄弟之孫及孫女在室者爲再從兄弟之子及女在室者爲祖姑謂祖之親姊妹及堂姑謂父之堂姊妹及己之再

從姊妹出嫁者爲同堂兄弟之女出嫁者爲父姊妹之子爲母兄弟之子爲母姊妹之子爲妻之父

母爲婿爲外孫及外孫女爲兄弟孫之妻爲同堂兄弟子之妻爲同堂兄弟之妻婦爲夫高曾祖父

母爲夫之伯叔祖父母及夫之祖姑在室者爲夫之堂伯叔父母爲夫之堂姑在室者爲夫之同堂

兄弟及同堂兄弟之妻爲夫之同堂姊妹在室出爲夫之再從兄弟之子及女在室者爲夫同堂兄

弟之女出嫁者爲夫同堂兄弟子之妻爲夫同堂兄弟之孫及孫女在室者爲夫兄弟孫之妻爲夫

兄弟之孫女出嫁者爲夫兄弟之曾孫及曾孫女之在室者女出嫁爲本宗伯叔祖父母及祖姑在

室者爲本宗同堂伯叔父母及堂姑在室者爲本宗堂姊妹之出嫁者爲本宗堂兄弟之子及女在

室者通志

右服制